

410

聶雲台先生鑒定

壽世新編

樂中印書會印行

上海图书馆藏书



A541 212 0016 4251B

序

余天生廢材也、賦性懶散、不合時宜、自幼瘠羸、不離苦惱、雖弱冠幸博一衿、而於名途早無奢望也、癸酉爲醫所誤、大病幾死、且因家慈過勞多疾、遂矢志學醫、岐黃家書、自內難金匱傷寒而外、莫敢不讀、蓋將己二十稔矣、然醫理淵深、終慮其未精也、親友中遇有疑難險症、輒拉治於余、間以大劑起之、自是浪得虛名、而聲聞過情、恥孰甚焉、乙酉長兒病殤、疑自藥誤、悲極之際、百念俱灰、幸天牖厥衷、忽悟四大皆空、一切皆非我有、乃棄科舉謝應酬、怡情山水、留心性命、繼而杜門不出、終日靜坐鼓琴、雖人呼爲馬牛、斥爲異端、亦弗顧也、暇則與契友趙君慕韓、討論參同道德南華楞嚴諸篇、絕口不談醫者三載矣、而就診者日益衆、顧余不自信、而人卒信之、伊可怪也、夏間趙君見余日與疲癯殘疾者相往來、金石草木中爲寢饋、亟以著書請、余謂學問之淺如僕、才識之陋如僕、性情之質直疏略、又如僕、迺喻徵君所謂誦讀無靈、遁而之醫者歟、今且診治無靈、遁而之道矣、敢以著述欺世哉、况國朝人才蔚起、名醫如林、若柯韻柏、喻嘉言、張隱菴、葉天士、薛一瓢、徐靈胎、陳修園、吳鞠通、黃元御、王孟英、諸先生、類皆卓然可傳、其著作之精、論說之富、直足上探造化之原、而深入岐軒之奧、亦何待鄙人之著述哉、而趙君請益力、謂某二十年學醫之苦志、未可付諸逝水也、卽不搜奇探異、自闢一途、詎無數十名方以濟人病苦耶、雖然、某縱自顧不才、而趙君愛我之深、濟世之切、固不可無以慰之也、遂將平昔所歷驗各方、與疑難諸症、

和盤託出、急付手民、聊以副諸君子好善之懷耳、若謂著書傳世、則余豈敢、光緒壬辰年季夏月南昌方內散人萬潛齋識於洗心退藏之室

凡例

一古今方書、汗牛充棟、而顧有誇侈神奇、試用毫無影響者、是編所載、皆親經歷驗、或得自友人祕傳、否則見不的確、概不登錄、且談症處處詳明、庶免錯用誤事、願得此書者、常置案頭、隨時翻閱、洵利己利人之事也、

一是編原爲方便起見、雖醫書所論各症、未能徧及、而於常見之病、最驗之方、無不記載、從此而精求之、於醫道亦思過半矣、

一是書於外科黃腫諸病、言之最詳、竊見貧人一患癰疽腫脹、世俗庸醫、借端需索、以致拖延潰爛、非傾家產、卽成殘廢、腫脹尤多誤治、最易斃命、殊可哀憫、因廣採名家靈驗諸方刊布、論症不厭於詳、列方不厭於複、願好善諸君子、或於各丸中、隨製一二、救濟窮黎、功德殊非淺鮮也、

一外科莫妙於醫宗金鑑、瘍科選粹、徐批外科正宗、外科全生集、全生集尤精而當、簡而賅、正宗內已備採之、此書只採陽和一湯、至醒消丸、犀黃丸、小金丹諸神方、皆未錄取、正欲有志之士、上溯真源、精益求精也、然外科大法、是書具備、善於化裁者、已足用去不竭矣、

一是書隨症談理、其中發揮、無一字敢涉杜撰者、至補偏救弊之處、則皆本諸名賢、如論治房勞傷寒、及陰霍亂、

生化湯諸條、玩索有得、不惟有益於病家、未始無益於醫家也、

一製藥施人、極是難事、藥肆、每以藥皮藥屑攪入、又研時一一炒焦、藥性已失、何能見效、又製成丸散收藏不固、必上霉生蟲、以之施治有損無益、舍間久經閱歷、故不難備言、願末、凡欲製諸丸散、必須選購上料、請藥店人到家、親自監造、當炒者即炒、否則烘乾、或晒乾、研極細末、再煉白蜜為丸、烘曝極乾、好瓶收貯、大罐用紙條封口、務使勿洩氣為要、再收入大石灰甕、按時換新石灰、庶不致上霉生蟲、久藏不壞、

一是書末附衛生要旨、欲人略知受疾病之原、明調攝之法、清心寡慾、養氣凝神、不專求諸藥石也、
一古人謂傳藥不如傳方、四方善士、如有發心翻印、施送此書者、功德無量、但乞校對無訛耳、

壽世新編目錄

時症外感諸方

霍亂急痧

瘧疾 痢疾

婦科 調經種子

安胎催生

難產產後

兒科 痘疹

臍風驚癇

痰積胎毒

疳積

目疾諸方

瘡毒內服諸方

照法烘法灸法

洗法敷法鍼法


砭法烙法蒸法

拔法圍法

疔毒乳癰

癰瘡 癩毒

臙瘡梅毒



312144

跌打損傷諸方

中毒

戒煙

雜治 湯火傷

喉痛牙痛

心胃氣痛

黃疸水腫蠱脹

嗽咳吐血

衛生要旨

外感雜方

四時藥茶方

此茶祛風逐溼、清熱散寒、寬胸導滯、利氣化痰、統治風寒外感、發熱惡寒、頭目脹疼、腰脚酸

痛、傷風咳嗽、鼻流清涕、以及食積痰滯、嘔吐泄瀉、飲食無味、似瘧非瘧、汗出不徹、一切四時不正之氣、孕婦虛人、

亦可用之、但病已化熱、唇焦舌赤、汗大出、口大渴者、則不可服、惟風寒風溼、感冒初起者無不相宜、有力之家製

施貧民、功德實無量焉、川羌活一兩、法半夏三兩、北杏仁二兩、漂茅朮二兩、紫川朴二兩、尖川貝二兩、軟秦艽二兩、明玉

竹三兩、陳建繻三兩、正川芎二兩、廣陳皮一兩、藿香葉一兩、煨天麻一兩、芽桔梗二兩、蘇扁豆三兩、香白芷一兩、陳枳殼一兩、蘇

薄荷一兩、北防風二兩、結雲苓三兩、薏苡仁三兩、白歸身三兩、京赤芍二兩、飛滑石三兩、右共二十四味、加淡姜片二兩、大紅棗五十枚

同煎取濃汁去渣、再將紅茶葉五六斤、或七八斤、襲入炒勻、取起、另烘乾、庶免傷火、候冷、好瓶收藏、勿使潮霉、每

取一大撮、開水泡服、汗若出透、不可再進、病自輕愈、潛齋氏定

靈通萬應丹

即痧藥

茅山蒼朮三兩、米汁水浸七次、錦大黃六錢、明雄黃三兩、飛辰砂三兩、真蟾酥九錢、燒酒化如飴糖、明

天麻三兩、真麝香三錢、公丁香六錢、麻黃三兩、甘草三兩、右藥各取淨粉、燒酒泛丸、如椒目大、辰砂爲衣、用磁瓶

收貯、將蠟封口、勿令洩氣、照法吞用、無不神效、一治痧症絞腸、霍亂轉筋、心口閉悶、不省人事、吐瀉不止、欲吐

不能、欲瀉不能、用七丸放舌下、俟舌微麻、開水送下、一治中寒、中暑、痧脹、頭風、肚痛、頭眩、眼黑、乍寒乍熱、用七

殼二兩芽桔梗二兩姜半夏一兩六錢大麥芽一兩六錢炒扁豆二兩粉甘草一錢建澤瀉二兩淡鹽水炒、猪苓塊二兩研細末、外用生姜搗汁

一盞、和白水為丸、或將腹皮生姜二兩、煎水撞丸亦炒、如桐子大、每服二三錢、小兒量減、雲按家慈製霍香正

氣丸送人、亦已數十年、大抵腸胃不調、食積腹泄、服之多效、若夏令吐瀉、或純水瀉完穀不化、每每為內熱、服霍

香正氣丸無效、惟有葛根黃芩黃連湯加香薷荷葉送六一散服之立止、嘔者加薏仁少許、陸九芝王孟英治

霍亂主用黃芩黃連、皆從實效立言、此方言以治陽霍亂、而無黃芩黃連、則效力少矣、鄙意宜加黃芩二兩黃連三兩

去桂枝、加薏仁一兩荷葉汁三兩為丸、無則以荷葉五兩煎為丸、用以治暑月之吐瀉水瀉痢疾均效矣、黃連特加多者、

亦師黃金丹之法也、庚辰秋聶雲台識

溫中和氣救逆湯丸

治時疫陰霍亂如神、病症載後、生潞黨三兩淡姜汁炒、泡吳萸八錢嫩桂尖一兩二錢紫蘇葉

八錢漂于朮二兩四錢陳杜心土炒近黑、勿枯高良姜一兩二錢杭白芍一兩六錢西砂仁八錢白乾姜一兩六錢炒近黑、公丁香六錢宣木瓜一兩六錢法半夏一兩

二錢明附片三兩炙甘草一兩二錢右選道地藥料、照製斃足、另用灶心土一斤、打碎、將河水六大碗、先煮半時、澄清去

滓、又取樟樹二層皮六兩、將所煮灶心土之水、放下煮汁、和藥末為丸、如桐子大、烘乾、磁瓶收貯、不可洩氣、大人

開水服三四錢、不愈再服、小兒一二錢、酌量與之、可保吐瀉立止、如嘔吐太甚、百藥不能納者、可速用陳藕節七

枚、煎水一茶碗、再吞送此丸、即可不嘔、扶陽救急、有起死回生之妙、此方治大吐大瀉四肢厥逆冷汗直出舌

白不渴、渴則飲熱、數口而止、面唇晁白、腹痛轉筋、脈沈細或散亂或伏等症、上數項乃陰霍亂的症、而汗冷肢厥、腹痛轉筋、尤無不備見者。又有外

雖熱而內惡寒。或反不畏寒。面色微赤。腹痛煩躁。但舌白不渴。即渴亦欲飲熱數口而止。脈沈細者亦是陰症。切勿誤治。余因癸未年寒疫時行。醫藥稍遲。即成不救。初起大吐大瀉。腹痛轉筋。汗冷肢厥。肌肉瘦脫。後經製此方。救活無數。自後凡遇陰霍亂。投以此丸。無不應手取效。及一切陰寒心腹諸痛。按畏寒。舌白。脈遲。或吐或瀉者是。借用皆驗。○方用理中為君。所以急救中氣之脫。以止吐瀉也。加萸附者。所以溫少陰之寒。救腹中之痛也。加良姜丁香炒仁者。所以溫中和胃調氣。以補理中所不及也。加本瓜桂芍。舒筋平肝。以救其轉筋。且桂芍並用。兩和榮衛。兼可救冷汗。又與姜附。回陽也。紫蘇與樟皮芳香逐穢。可以行氣解疫。兼之河水趨下。灶土溫中。且皆能治嘔。故取效如神也。此方連年製送。功難盡述。但須認定是陰症。縱大汗將脫。僵臥不語。亦可醫治。若乾霍亂。欲吐不得吐。欲瀉不得瀉。腹中絞痛。爪甲青紫者。則以獨聖散為第一方。見溫病條辨。中焦寒瀉門。嘔瀉頭眩。胸腹脹滿。而無四肢寒厥冷汗等症。治法。不外藿香正氣加減。及香菇飲等方。前已詳述也。

霍亂簡便奇方

統治陰陽霍亂、腹痛、轉筋、但見吐瀉不止。或但吐不瀉。即醉。後吐不止者亦驗。一服神驗。樟樹二層皮。去粗皮不用一兩、

陳藕節七枚、綿紗女人所紡織布用者、半箇、食鹽小杯炒極熱、用清水少許淬之。又炒又淬、以七次為度另刮蓋裏面灰尾一撮、共炒混用布包紮、陳灶心土大塊、水煎服、立愈、如口大

渴、加燈芯十五莖、烏梅肉一枚、口不渴者不用。

獨聖散

治欲吐不得吐、欲瀉不得瀉、腹中攪痛、爪甲青紫、名乾霍亂、又名攪腸痧、此病最險、此方最神、馬

糞不拘多少、陰乾、瓦中炕出青煙、宜時時攪動、免燒成黑灰、俟煙將盡、即取下研成細末、過密篩、磁瓶收貯、服時用極陳酒燙溫、化

服三五錢、片時即通大便、腹痛立止、真神方也、馬糞、愈陳愈妙、無馬糞、騾糞亦可、無陳酒、開水亦可、此方屢試屢驗、宜預備救人、功德莫大、

乾霍亂神方

治乾霍亂不得吐瀉、甚至冷汗出而氣欲絕者、鹽一撮、放刀上、用炭火炙透、以熱童便和服、少頃即得吐下而氣通矣、或以新汲井水和服、亦可、如不敢服井水、即以開水攤極冷代之、

神香散

景岳治乾霍亂腹痛之屬於寒溼凝滯脈絡者、丁香^{七粒}、白豆蔻^{七粒}、右爲末、清湯調下、小腹痛者、加

砂仁七粒

王晉三曰、此方治寒溼痧脹有神功、與益元散治溼熱痧脹、可謂鍼鋒相對、按此方陰痧最宜、

冬瓜湯

孟英治霍亂大渴、冬瓜去皮瓢水煮清湯、俟涼、任意飲之、按永類鈴方、用陳倉米作湯、今改用冬瓜湯、其功更勝、蓋陳倉米雖能清熱、霍亂後用之、頗爲得宜、若邪勢方張、吐下未平之際、服之猶嫌其守、惟冬瓜

甘淡微涼、極清著溼、無論病前病後、用以代飲、妙不可言、即溫熱病用之、亦良、

外治轉筋方

轉筋起於足腓^{俗呼腿肚}、但以好燒酒擦其硬處、軟散即愈、一法以省頭草同炒鹽擦之、亦良、

一法作極鹹鹽湯於盆中煖漬之、一法以綿絮浸酒中煎滾、取出乘熱裹之、一法以醋煮青布、揜脚膝、冷復

易之、一法男子手挽其陰、女人手揪兩乳、一法令病人偃臥、將膝腕內以手蘸溫水、輕輕急拍、直待紫紅筋

現起、即右陶所用盜鋒刺出血、立愈、並治乾霍亂此名委中穴、在膝後對面、

痧症

陰痧則腹痛而手足冷、看身上有紅點、以燈草火爆之、陽痧則腹痛而手足煖、用針刺指頭少商穴、十

指頭、使出血、卽解、少商穴在兩大指頭上指甲之內側、與出指甲之地相齊、只離指甲內邊各一韭葉之地是也、或專刺十指頭尖近甲處、亦可、但勿刺入甲中耳。無論陰陽二痧、忌食熱湯熱物、

又方 用食鹽二斤、炒熱、以青布包、更換熨胸腹腰背。久久熨之。氣透卽愈。或以葱熨亦可。再以鹽置刀口上、燒紅、陰陽水調服、或吐或瀉而愈。

凡一切陰陽痧、斑痧、烏痧、絞腸痧、霍亂等症、

白礬三錢 敲成米粒大粗末、用陰陽水送下、再用針

刺眉心、頭頂心、中指尖、使出血、立愈。中痧腹痛、或昏沈悶脹、試取生芋莠食之、如非痧則難食、是痧則甘美異常、再食一箇、脫然而愈、

又法 以食鹽一握、揉擦兩手腕、兩脇、兩足心、並心窩、背心、八處、擦出許多紫紅點、漸覺鬆快而愈、一切痧脹、

及中著霍亂等症、雖垂死亦活、此第一簡便良方也。

刮痧法 有人因暴雨後、中陰寒痧毒之氣、上爲嘔惡、下爲胸腹絞痛、以鹽湯探吐、其氣愈升、其痛愈劇、因而

上塞喉隘、不能出聲、水藥毫不可入、乃用刮痧法、擇一光滑細口磁碗、另用熱湯一盅、入香油一二匙、將碗口蘸

油湯、令其煖而且滑、兩手覆執其碗、於病人背心上、輕輕向下刮之、以漸加重、碗乾而潤、則再蘸再刮、良久、覺胸

中脹滯下行、始能出聲、頃之腹中大響、大瀉如注、其痛遂減、睡後通身搔痒、發出疥瘡風餅遍身而病愈。今有於

頸臂刮痧者、亦能治病、然五臟之系咸附於背、向下刮之、邪氣隨降、故毒深病重者、非治背不可也、此爲患痧症

者、起死回生之方、神效無比、按霍亂一症、最忌米飲、乾霍亂尤忌生姜、暫時不可服粥、或用藕粉、百合粉服之、

俟吐定、再用陳米微炒煎服可也。此症有陰、陽、有乾霍亂、三種之不同。前方論內、已詳言之。茲復不惜再三申明。陽霍亂[△]手足不冷。小便短赤。或口渴無汗。或有汗亦熱。或見頭疼腹脹。輕者用加減藿香散。或服生藕搗汁。或用陳膏梁粟煎水。微溫服。均可立愈。重者或大渴大汗。舌紅便赤。有用人參白虎湯者。有用竹葉石膏湯者。茲不載。此二方。恐人認症不的故也。然此等症頗少。夏月伏陰在內。加之貪受寒涼。恣服生冷之人。必患陰症。勢最危險。陰霍亂一症[△]數時不治即死。誤服藿香正氣散亦死。初起即大吐大瀉。手足無不冷。汗亦無不冷。腹痛喜按轉筋。陽霍亂亦有轉筋者、但無冷汗厥逆、余製定溫中和氣救逆丸。最爲神驗。至樟樹皮一方。無論陰陽霍亂。尤著奇功。乾霍亂[△]欲吐不得吐。欲瀉不得瀉。腹痛轉筋。爪甲青紫。俗名攪腸痧。又名吊腳痧。惟濁聖散及鹽水方。刮刺法。皆極妙。余見時下之醫。多不能辨別陰陽。以致誤人性命者屢矣。急將數方傳出。俾醫家病家。咸知採擇。至於時賢王孟英先生所著霍亂論。無法不備。登峯造極。突過前賢。尤爲醫者所宜究心也。絞腸痧亦有陰陽、陰痧腹痛手足冷、用燈火烙痧法、陽痧腹痛手足煖、用刺十指法、

瘧疾

凡瘧疾口渴、切不可飲冷水冷茶、並一切生冷等物、犯之其疾更甚、惟姜湯乘熱服之、此良方也、若熱瘧則不必拘、凡瘧疾未退時、不可飲食、俟其熱退盡、方可食之、不然、必成痞積、凡服截瘧之藥、必俟發瘧過後、方可食物、若食早、疾必復發、下次截之不靈、凡小兒瘧疾、多有穢氣、必燒檀香蒼朮等藥、以辟邪氣、更必常常薰其衣服穢氣、穢氣盡而邪易除矣、

治瘧藥酒神效方

無論遠近、一日、間日、二三日、及胎瘧皆效、但須發過二三次方可服、常山^錢草^錢菓^錢一尖

川貝 知母 香附 各二錢 檳榔 六錢 白芷 八分 陳皮 八分 甘草 一錢 右藥用伏酒浸三日夜、發日早、空心炖溫服之、只須一

盞、立效、量大者多服一盞、量細者小杯亦可、每藥一料、浸酒斤半、若欲應急、隔湯炖一炷香、即出汁可用也。

半貝散 真川貝 六兩、去心、研細末、 生半夏 四兩、亦另研細末、 二味於五月五日午時和合、入銅鍋內、微火炒至嫩黃色。冷定、

裝入磁瓶、勿令洩氣、每服一分五厘、生姜自然汁二三匙、生半夏有毒、得生姜汁便解、姜汁必不可少、和藥隔水燉熱、在瘡未來先

一時服下、即愈、重者再服一次、愈後戒食發物、及南瓜、雞蛋、芋艿等、二三月後、方不致再發、此藥可借作刀傷散、不必用姜汁、但以末乾搽

之即止血止痛

牛皮膠 二兩 以生姜 三兩 搗爛如泥、攪勻熬成膏、聽用於病發先一時、用皂角水洗淨背脊、拭乾、再以生姜一大塊、

揉擦極熱、用寬長細布一大塊、將膏攤上貼之、從衣領處貼起、一二日即愈、愈後五日、將膏藥揭去、有人患者、依

方治之、其效如神、

冷水丹 此丹治瘡最神、雖有人言、製過無礙、但不可熱水服、素體過虛、及久瘡者亦忌之、烏豆 四十粒 葶豆 十四

九川椒 四十粒 明雄 一人言一錢名曰信石、須製過方可用、 硃砂 五錢 為衣 右藥製造、先將烏豆、葶豆、川椒、三共研細末、再入雄黃人

言和勻、以水為丸、顆粒如烏豆大、發病時、先一時用水冷透吞服、大人每服二丸、小兒每服一丸、此藥顆粒雖小、

力量甚大、切不可多服、服後須俟痰涎吐去、力可進飲食烟茶等物、孕婦忌服、人言製法、用黃泥包好、用木炭

火儘燒、勿令出烟、倘出烟、即用泥閉住、不閉住烟、則人言化為烏有、再用水豆腐、勾藤、甘草、同人言儘煮、煮至豆

腐帶黑色、如此三燒三煮、方可用之、

平瘡養脾丸

不問遠年近日、此藥不發不截、誠治瘡之王道、又擅去瘡之良能也、

潞黨參切片焙乾、漂白朮

土白茯苓乳蒸、真廣皮酒炒、杭青皮醋炒、法半夏焙乾、漂蒼朮炒、紫川朴姜製、北柴胡酒炒、嫩黃耆蜜炙、結豬苓炒、宣澤瀉炒、嫩桂

枝焙、小常山炒、大鱉甲醋炙、正川芎酒炒、粉甘草炙、草菓仁製姜、右藥一十八味、俱等分、共為細末、酒煮麵糊為丸、米

粒大、每服一二錢、米飲下、有痞塊者、加三稜、峨朮、久瘡體虛者、非此莫愈、按瘡疾一門、方法多端、病象不一、熱

重者、宜清其熱、寒重者、宜祛其寒、痰重者、宜滌其痰、溼重者、宜治其溼、以及因風、因暑、因滯、因虛、種種按法治之、

不拘成格、不執套方、無不效如桴鼓、茲探取數方示人、原為便世起見、若學醫之士、尚宜博覽而變通焉。

痢疾散仙方

治赤白痢症、腹中滯痛、裏急後重、或兼惡寒發熱者、

茅蒼朮三兩、米泔浸、土炒焦、生軍兩、川羌兩

炒、熟軍兩、杏仁二兩、去皮、尖、淨油、川烏兩五、去皮、麵包煨透、生甘草兩五、右共研細末、每用四分、體強病重者、可加至一錢、小兒減半、孕婦

忌、赤痢燈芯三十寸、白痢生姜三片、伏姜尤佳、赤白痢燈芯三十寸、生姜三片、水瀉米湯調服、噤口痢、陳火腿、脚骨煎

汁、吹去油調服、病重不過數服即愈、但燈芯生姜、必須如法濃煎、方效、

痢疾丸方

漂茅朮六兩、熟西庄二兩、生西庄二兩、酒條芩四兩、川厚朴二兩、姜汁炒、苦杏仁三兩、去皮尖、川烏二兩、姜汁炒、羌活兩

只殼二兩、生甘草一兩、炙甘草一兩、生西莊即大黃、此方水酒為丸、大人每服二三錢、小兒酌服、重者二三次即愈、每

年至夏秋之時、預製送人、無不應驗、功德無量、引照前方、

痢疾奇效方

不拘紅白久近，皆治。有患痢日夜不止，越二十八夜不能睡，藥窮待斃者，用此一服即安，三

服全愈。 蘿蔔推取自然生老姜 自然汁 生蜂蜜一酒杯 陳細茶濃煎一盞 和勻服 若無鮮蘿蔔，或用陳乾蘿蔔菜煎水，或多用

蘿蔔子，冷水浸過，搗取汁，均可。

治紅白痢裏急後重神效方

陳細茶愈陳愈佳 山楂炭 白沙糖 紅沙糖各三錢 伏姜一塊，即三伏內留乾生姜 右

五味濃煎，服一三次即愈。此方最簡便，惟有高熱與溼熱積滯重者，則不及杏仁一方。且陳茶葉與伏姜，一時多不能得，因其應驗，併附刊以廣其傳。

痢疾簡便靈方

新鮮萊菔菜，於立冬日，多放瓦上，瓦上宜薄墊禾稈，庶不壞爛，任風霜雨雪，一俟立春，即取下挂在過

風處，愈陳愈妙，或車煎水服，或用三五錢，入前細茶方中全煎服，亦妙。且專服亦治喉中痺痛失音。

和中丸

此萬密齋先生方，治久痢不止，大人小兒皆可服，惟初痢則不宜。 黨參三錢 米炒 白朮二錢 土炒 茯苓二錢

草一錢 黃芪二錢 酒炒 桔梗錢五 木香六分 煨 黃連一錢 酒炒 訶子一錢 麵煨 肉蔻霜一錢 去油 車前錢五 炒 干姜八分 澤瀉 錢五 炒 陳神曲二錢 炒 陳麥芽錢五 炒 當歸錢五 土炒 白芍二錢 酒炒 右藥共為末，水麵丸，米飲下，大人三四錢，小兒一二錢，臨時酌量與之。

多服數日，自愈。如製丸送人，分兩須加五倍，或十倍，以便隨時施散。

噤口痢 見食物則嘔，不能下咽，或不欲飲食，名噤口痢。此症最險，附法數條於後。

外治噤口痢神方 方蔭山治一小兒八歲患滯下，每夕百度，食入即吐，乃以熟麵作果，分作二片，以一片

外治噤口痢神方 方蔭山治一小兒八歲患滯下，每夕百度，食入即吐，乃以熟麵作果，分作二片，以一片

中空之、用木鼈子三箇、去殼搗如泥、加麝香三厘、填入果心、貼臍上、外以帕繫定、用熱鞋熨之、待腹中作響、喉中知有香氣、卽思食能進、是夜痢減大半、二三日漸愈、後以此法治噤口痢多驗、陳修園曰、丹溪治噤口痢、多用石蓮子、今此物真者絕無、余常用生藕磨汁煮熟、稍加糖霜頻服、兼進多年陳米稀粥、調其胃氣取效、此卽石蓮之意也、

又驗方

五穀蟲、於流水處洗極淨、瓦上焙乾爲末、每服一二匙、米湯或紅糖湯調下、便能思食、有大奇功、如湯水皆不能下、則用蘿蔔切片、蘸蜂蜜入口噙之、噙汁、味淡再換、久則自然思食、再進稀粥則下矣、痢疾法門最多、與瘧相仿、殊不易治、每年之中、病此殞命者不少、心滋戚矣、余屢欲將霍亂瘧痢三門、採取前賢方論、以及各種名案、類集成編、有志未逮、俟他日終當了此願也、茲特先將投無不利之靈驗諸方傳出、俾富人施製、以便貧民、聊爲好善諸君子之一助云、

婦科

調經驗方

當歸 一錢五分

分酒洗

陳皮 七分

川芎 八分

白芍 一錢

元胡索 七分

醋炒

大熟地 一錢五分

吳茱萸 二分

滾水泡去黑水、去蒂梗、酒炒、

香附 酒炒

酒炒

一錢五分

白茯苓 八分

丹皮 七分

經行先期色紫者、加條芩、

一錢五分

酒炒

經行後期色淡者、加官桂

五分

炮黑姜 五分

艾葉 五分

醋炒

引用生姜一片、水一碗、煎至八分、空心溫服、渣再煎、臨臥服、俟經行日服起、連用四劑、次月再服四劑、則經調受

孕矣、此方穩妙、百試百效、不可妄為加減、若兼有外感他症、則且緩服、

少腹逐瘀湯

此王玉田先生方、治少腹積塊疼痛、或有積塊不疼痛、或疼痛而無積塊、或少腹脹滿、或經

血見時、先腰痠、少腹脹、或經血一月見三五次、接連不斷、斷而又來、其色或紫或黑、或塊或崩漏、兼少腹疼痛、或

粉紅、兼白帶、皆能治之、效難盡述、
小茴香五分 乾姜二三 元胡一 沒藥二錢 當歸三 川芎一 官桂一 赤芍二 蒲

黃三錢 靈脂二錢 右方水煎服、種子如神、每經來時服起、連服五劑、不過四月必孕、○愚按此方、腹中有瘀塊

而見腹痛、或經色黑不多者、服之極驗、若色淡而無瘀塊、脹痛者、則不宜服、

調經種子第一神方

治婦人心中發熱、少腹常痛、經寒久不受胎、經水紫黑稀少、或過期不至、兩尺遲

澹、兩寸關洪大、或絃數、此為上熱下寒之象、若不識脈者、不辨脈亦可、但須問症詳明用藥、或腰腹脹痛、或經行乾嘔等症、用之無不神

驗、蓋症本寒熱夾雜、故方亦寒熱並用、使寒者不寒、熱者不熱、適以濟成溫和也、故名溫經湯、陳修園先生於婦

科中、最祕重此方、余初不深信、及試用之、屢著奇功、加以心法加減、愈覺神妙莫測、今不惜金針度世、盡行洩出、

得者珍之、
淡吳萸錢五、平時腹不痛、兼之火旺者、減去五分、體寒腹常痛者加五分、 全當歸二三 川芎錢五 白芍二錢 嫩桂尖手足當冷、兼之麻痺者、用嫩桂尖、否則用桂

枝心、火旺者用一錢、火衰錢五、冬月或二錢、 阿膠二錢水酒另炖沖 法半夏二錢、體寒痰多者、加五分、或加一錢、痰 黨參錢五、津液不足、口常乾苦

錢代者用錢五、 丹皮錢五、血熱、 麥冬四錢、當時口乾、唇舌紅赤者、 炙甘草錢五、胸腹脹滿者減去、 生薑切薄片一錢五分、體寒痰多

、右藥水煎服、每於經行時服起、日服一劑、每月三四劑、服至二三月、經即對期色正、數月必受孕矣、此仲聖

溫經湯原方也、余每於經行少腹脹痛者、加酒元胡一錢五分、手足痠麻、或腰脹疼者、減去黨參、加秦苧一錢五分、或二錢、酒炒續斷一二錢、五心發燒、口乾舌赤者、加生地二錢、額面常發赤者、去黨參、加元參三錢、氣痛者、加四製香附二錢、須打碎、酒炒丹參二錢、頭疼者、加白芷一錢、天麻一錢五分、頭目眩暈者、加茯神二錢、天麻一錢五分、得此方者、細心照此加減、無不應驗、真仙方也、
方內散人特識

女寶丹

調經種子如神、兼能安胎保孕、

當歸

六兩 生地

六兩 白芍

三兩 川芎

三兩 白朮

六兩 條芩

四兩 酒洗

便浸曬 淨土炒

酒廣皮二兩

阿膠

酒浸溶蜜內

香附

董便、鹽、酒、四製、四兩、

醋砂仁

二兩

以上如法製度爲末、另將益母草二觔半、煎膏和

煉蜜、及阿膠爲丸、如桐子大、每服五錢、空心白湯送下、

月事後期來者、去條芩、加泡姜炭一兩、蘄艾二兩、肥者

加製半夏三兩、白茯苓四兩、有白帶者、再加白薇四兩、氣虛甚者、加黨參三兩、茯苓四兩、山藥四兩、安胎用白

蜜丸、不用益母膏、如腰痛加山藥杜仲各三兩、一婦年四十年、有十餘年不受胎矣、月事前後不准、而又無子、

脈來微細兼數、余製女寶丹、服至百日而孕、後產一男、一女子二十餘歲、有孕至五月間必墮、已三四次矣、余

亦以女寶丹加減付之、即產子、

見醫宗說約

安胎驗方

方本

遠生篇、分兩過輕、嫌其力薄、稍爲加減、如初一二胎氣血未太虛者、可服此方、氣血本虛、產

育過多、則非後方不濟事也、○此方治孕婦腰腹脹痛、或腰不痛、或下血、或未下血、但覺胎動服下即安、孕婦三

四月間、常有氣脹者、一月之中服數劑亦佳、可保無動胎之患、
黨參 二錢 漂於朮 一錢五 歸身 一錢 川芎 一錢 酒

芍二錢二錢另 阿膠二錢另 蘇葉八錢 條芩八錢 香附一錢醋炒 杜仲一錢五分 續斷一錢五分 炙甘草五分 砂仁七分 外加薜荔藤一團、

糯米一撮為引、

安胎神方 治婦人生育過多、氣血虧損、以致極易動胎、及一切跌傷、房勞搬運、動胎下血、腰腹疼痛、胎氣下

墮者服之神效、婦人生二三胎後、及體虛之人、俱宜服之、 熟地三錢 西砂末一錢五分 同搗極爛 歸身三錢 酒芍二錢 撫芎

一錢五分、火旺性急之人、口常乾苦者、須減去不用、以炒條芩、一錢 杜仲二錢 鹽一錢五分、酒炒、此味

二分代之、否則氣寒腹脹者、切勿減去、以此味能行血中之滯氣故也、 茯苓三錢 如時值炎暑若孕婦口乾而苦者可加米炒結西洋參二錢、肥麥冬一錢

米炒、氣虛者以酒 漂於朮二錢 陳皮一錢 五分 茯苓五分 去參朮不用、否則切勿加減、且易此二味、則川芎不必更換、恐

過涼而滯、阿膠二錢 蛤粉二錢 另炒 炙甘草一錢 糯米百粒引、如無糯米、以薜荔藤去葉一小團代之、亦妙、此方屢試屢

驗、百不失一、如無別症者、不必加減、連服二劑自愈、薜荔藤即俗名巴山虎、貼古牆上生者是也、

安胎補火湯 世人只知火旺動胎、不知下焦虛冷、命門火衰、不能載胎、故至四五月、則胎常下墜、腹常脹

滿、始則漏胎、甚則血大下、腹大痛而墮矣、若趁初漏之時、急服此方、無不痊癒、余見屢患小產之人、此症十居八

九、陳修園先生辨之最詳、族弟婦某一年之中、小產二三次、就診於余、詢其所服之藥、皆黃芩阿膠生地地榆側

柏之類、一派止血涼血安胎套藥、急與補火之品、連服而愈、越十餘日復漏、再服仍安、滿期即誕一子、自後每用

此法、神驗屢矣、乃定此方、 熟地五錢 淨西砂仁末一錢二分 同搗爛、 枸杞三錢 兔絲餅二錢 鹿角膏三錢 牡蠣三錢 破故紙三錢 鹽二錢 續斷二錢 酒炒

歸身三錢 酒炒、大便 川芎一錢 酒白芍二錢 淮山藥四錢 抱茯神三錢 烏藥二錢 後煨 桂圓肉七枚引、 水濃煎服、服之如口

覺乾、再加米炒、西洋參二三錢、炖另汁對沖、口不乾苦者、不必加用、脾虛火衰、常患腹痛泄瀉者、加陳土炒於朮二錢、凡屢患小產之孕婦、審其素體虛寒、或常怯冷畏風、或常腹痛泄瀉、或常傷風咳嗽、皆屬火衰之象、一遇受孕、數月後、覺腹脹胎墜、卽宜急服此方、每日一劑、連服數日、自後一月之中、須間服五六帖、且宜夫婦別寢、確遵胎教、自然正產、生子必健、以補母之後天、卽培兒之先天也、若服此藥、猶不濟事、必須加入參耆、大補氣血、及安胎等藥爲丸、胎前常服、必愈、若火旺之體、但與養陰清火藥自安、此方則不宜服也、

千金鯉魚湯

治妊娠

卽孕

腹脹滿、或渾身浮腫、小便赤澀、沈澆封曰、此治有形之水也、以腹脹滿爲主、身

腫溺澀上加一或字、乃或有或無之詞、不必悉具、陳良甫曰、胎孕至五六箇月、腹大異常、此由胞中畜水、名曰胎水、不早治、恐胎死、或生子手足軟短、宜千金鯉魚湯、蓋鯉魚歸腎、又是活動之藥、臣以荅朮姜橘、直達胞中去水、又恐水去胎虛、佐以歸芍、使胎得養、真神方也、當歸錢一、白芍錢一、茯苓錢五分、白朮錢二、橘紅五分、鯉魚一尾、去鱗腸、作一服、白水煮熟、去魚用汁一盞半、入生姜三片、煎一盞、空心服、胎水卽下、如腹悶未盡除、再合一服、此症孕婦最多、此方屢

試驗、故急登錄、

神效保產無憂方

專治一切產症、有胎卽能安胎、臨產卽能催生、○不拘月分、凡胎動不安、腰痠腹痛、一

服卽安、再服全愈、○臨盆艱危者、一服卽生、○橫生逆產、六七日不下、及胎死腹中命在須臾者、亦一服卽下、○懷孕者七箇月、卽宜預服七箇月服一劑、八箇月服二劑、九箇月服三劑、十箇月亦服三劑、臨產時服一劑、斷無

難產之患、惟已養之後、此藥一滴不可入口、切勿誤服、常歸一錢五分、川貝一錢、綿耆一錢、荆芥穗八分、酒白芍二錢、兔

絲餅一錢五分、厚朴七分、艾葉七分、枳殼六分、撫芎五分、羌活五分、炙甘草五分、生姜三片、水煎服、如人虛弱、再

加黨參一二錢、或加米洋參、高麗參更妙、此方分兩雖輕、功力甚大、不論體之強弱、皆宜、效如神助、愚按此方、

臨產前服數劑最妙、余家婦女均照前法、服之、從無難產之患、抄寫傳人、亦無不驗、方名保產、而亦能安胎者、或

由體虛、偶因風寒滯、以致胎氣不安、得此微微發散消導諸味、入調補氣血藥中、故亦獲效、如專恃為安胎藥、

則不可矣、為醫者不可不知、雲台按舍間用此方數十年極穩極效、

加味芎歸湯 專治難產、及陰氣虛弱、交骨不開、催生如神、當歸八錢、川芎三錢、龜板五錢、醋一盞、婦人亂髮一盞

用皂角煎水、洗淨油垢、木炭火瓦焙存性、研極細末、水二碗、煎至一碗服、如人行五里之久、即生、若死胎亦即下、如時當正產、已服保產無憂

方。不生、繼服此方、必效、

蔡松汀先生難產神方 此治漿水既行、行之過多而不產、由於氣血不能運送故也、宜速服此方、切勿

見分兩太重、而畏服、蓋余屢試屢效者也、熟地兩、酒芍一錢、歸身四錢、撫芎一錢、茯神二錢、黨參四錢、龜板四錢、枸杞四錢、綿

耆兩、此方大補氣血、若漿水過多不產者、宜急煎頭煎服之、次煎不用、如仍不產、再檢服一劑、亦但用頭煎、則

痛可立減、而胎可下矣、按原方微嫌板滯、後經余加減、更覺屢用屢驗、歸身改為全當歸、川芎酒芍再加一錢、審

是正產、再加淮牛膝三錢、虛寒者、速入附桂一二錢、附桂之性最溫、如入大劑補藥中、取其性急如火、以助諸藥所未及、更為有力、精於此道者自知

之、如氣血未大虛、不過產一二胎者、用加味芎歸湯可也。胞水先破、難產經日、豬肝六兩、白蜜二兩、水同酒各二碗煎服、立產。

附王孟英先生服肉湯法一條 一少婦分娩、胞水早破、胎澀不能下、俗謂之瀝漿生、催生藥遍試不

應、孟英令買鮮豬肉、務須問清、若有病豬肉、切不可買、一二斤、洗淨切大塊、急火煎湯、吹去浮油、恣飲之、即產。母子皆生。且云豬為

水畜、其肉最腴、大補腎陰、而生津液。余嘗用治腎水枯涸、之消渴、陰虛陽越之喘嗽、竝著奇效。仲聖治少陰咽痛、

用豬膚、亦取其補陰虛而戢浮陽也。後賢不察、反指為有毒之物、汪訥庵非之、是矣。惟外感初愈、及虛寒滑瀉、溼

盛生痰之症、概不可食、以其滋膩、更甚於阿膠、熟地、龍眼也。此即飲豬肝湯之意、從古方中悟出、

加減生化湯 治婦人產後血氣腹中塊痛、惡露不多者、服二三劑神效、全當歸五錢、黑炮姜五錢、分、撫芎二酒

元胡一錢五分、桃仁九粒、紅花五分、益母草一錢五分、澤蘭葉一錢五分、炙甘草一錢、右藥煎好、用清童便一盞、水酒一杯、分兩次沖

服、體素虛者、加台黨參一錢五分、口乾苦唇舌赤者、減去炮姜、加細生地一錢五分、如腹無塊痛者、切勿服。惡露

多者、切勿服。又方用新艾葉小尖七箇、煎水酒。用紅糖化服、神效無比、按婦人催生安胎諸方、各書均有、惟

佛手散、及生化湯、最宜審服、味者視為至平至穩仙方、不知佛手散專用歸芎二味、辛溫走竄、生化湯專主行瘀、

二方皆須血分寒滯之體、服之不無裨益、如陰虛血熱之人、惡露已多、再加行血破瘀、必患虛虛之弊、未有不咸

崩漏者、當以育陰潛陽法救之、可歎今人臨產專服佛手散、產後專服生化湯、亦不問體質之寒熱、惡露之多少、一概用之、往

往多成崩漏而發昏厥、為禍不淺、積弊已久、無人知之、陳修園、吳鞠通、王孟英三先生皆詳闢之、洵不誣也。至保

產無憂散、及加味歸芎湯數方、配合相宜。萬全無弊。屢用屢效。固不得以常見而忽之。佛手散不必錄。而生化湯仍加減採用者、聊以備產後血氣痛之用耳。雲台按舍間凡產婦均服此方十數日去桃仁再服數日

逐瘀定痛方

治產後惡露不行、或行之稀少、心腹脹滿、兼有瘀塊痛如刀刺、不可按捫、大叫昏悶欲死、服

二三劑自安、全當歸三錢、川芎一錢五分、丹參三錢、酒元胡一錢五分、益母草二錢、澤蘭葉三錢、五靈脂二錢、光桃仁一錢、炒搗實瘀重者倍用

桂枝心五分、山楂二錢、炙甘草六分、水酒清童便各一杯為引、有真琥珀磨汁分許同沖服、更妙、痛止塊消則停服。此方

須較前症重者、乃可用之、腹痛體虛寒者、以安桂心易桂枝心沖服、

胞衣不下驗方

無名異即漆匠所用無名子、灰研極細末三錢、以鴨蛋白調勻、再以陳米醋一茶鍾、煎滾沖服、其胞衣即縮小如

秤鍾產下、倘或未下、不必驚惶、再服一劑即下、萬無一誤、又方、取未開雞稜子葉形似荷葉、背多芒刺、生於水面、即芡實葉是也、陰乾

臨時煎水服之即下、如完葉煎水服、胞衣即完出、扯作三四片煎水服、亦分作三四片而出神效、又曰、聞此乃

極險之症、可以損命、有諸曰、不妨、不必服藥、亦不必驚惶、若胞衣不出、急用粗麻線將臍帶繫住、又將臍帶雙折、

再繫一道、以微物墜住、再將臍帶煎斷、過三五日、自痿縮乾小而下、累用有驗、只要與產母說知、放心不必驚恐、

不必聽穩婆妄用手取、多有因此而傷生者、慎之慎之、又法、將產婦自己頭髮塞口中打惡心、即下、

治產後血暈驗法

凡臨產時、先將甌頭數塊、炭火內燒令通紅、用淡醋放入杓內、入紅甌淬之、滿房盪

動、冷則再換、遇產婦發暈、即以此醋氣對鼻熏之、頃刻清醒、極能斂神、且可解穢辟邪、如見手足抽掣、角弓反張

形態速服華陀愈風散自安。或暗用產盆內血挑一小茶匙，用開水對服，即醒。但不必令產婦知之，此法最捷最效。亦引血下行之意也。上兩法無論體氣虛實，皆可救急。至昏迷不醒者，必須分清閉脫二症用藥。另附辦法於後。按產婦必須俟胎胞已下，看其神氣清楚，再緩緩扶上床靜坐養息，如遇發暈，即時用醋氣薰鼻，兼飲以開水，或米漿數口，以助正氣，不可急急搬動產婦，尤須囑抱腰人緊緊抱住，千萬不可鬆手，蓋胞胎既出，惡露下行，中焦已空，稍一鬆手，血即乘虛上衝，勢必不救，屢見遭產厄者，多由於此，慎之慎之。

產後發暈辨明虛實祕訣

產下之後，猝然眩暈不省者，有血暈血脫二症，宜察唇面之色，及形象分別

之。如果有停瘀上攻迷暈者，唇面之色必赤。形氣脈氣俱有餘，胸腹脹痛，氣粗外症，兩手握拳，牙關緊閉，此血逆

症也。以生化湯倍芎歸和酒童便服，更燒紅鐵淋醋，令酸氣入鼻，收神即醒。審其惡露少，胸腹脹痛，血氣上衝，宜

係血虛生風迷暈者，面唇之色必白，是氣脫也。蓋氣脫一症，產後血既大下，則血去氣亦去，故昏暈不省，微虛者

少刻即甦。大虛者，竭脫即死。但察其面目，如眼閉口開，手撒手冷，六脈微細之甚，或浮而散亂，此即氣脫症也。速

用人參多則一二兩，少則五七錢，加入炒米，煨姜，紅棗煎濃湯灌之，得下即可救。遲則無及，無力備人參者，以大

劑當歸補血湯，加炒米，煨姜，紅棗煎水灌下，亦可救。按脫症閉症，大不相同，稍一誤藥，生死直同反掌矣，嘗見有閉症，

之符也。○附脫症案一條。○已卯五月十七夕，居停媳忽患小產，血去過多，遽成血脫，昏暈時餘，余見其大汗如雨，面唇晃白，略無生氣，以手撒眼開口張，知非閉症，急以參附湯灌之，即甦。

華陀愈風散

治婦人產後中風，口噤手足抽掣，及角弓反張，或產後血量不省人事，四肢強直，或心頭倒

築吐瀉欲死，荆芥穗除梗不用，焙乾研末，每服三錢，童便調服，口噤則撬牙灌之，齒噤則不研末，只將荆芥以童便煎之，

微溫灌入鼻中、其效如神、若無童便、則用黑豆酒亦可、

回生保命黑龍丹

治產患及胞衣不下、血迷血暈、不省人事、一切危急惡候、垂死者、但灌藥得下、無不全

活、亦治產後疑難雜症、

五靈脂淨二兩

全當歸

大生地

川芎

良姜

各二兩以上五味入砂罐內紙筋鹽泥封固煨紅、冷取研細末再入後藥、

百草霜

乳香

生硫磺

眞血珀

花蕊石各二錢

以上五味

同前藥和勻、米醋煮麵和丸、如彈子大、每服一丸、炭火煨

通紅、用生姜汁浸碎、以陳酒、童便調服、不過二丸見效、愚按此方、友人胡君靖塵曾親製試用、據云產後一切怪症、屢見神驗、且蒙賜二丸、用之亦效、有力好善之家、預製待用、拯救貧民、功德無量。

六神湯

治產後痰迷、神昏譫語、惡露不斷者、甚或半身不遂、口眼歪斜、

陳橘紅白去

石菖蒲

半夏法

夏亦

膽星

茯神

旋覆花各一錢

水煎瀉清服

愚按產後惡露不斷、便知非瘀血症矣、其譫語昏迷、口眼歪斜、

或作顛狂之狀、皆痰爲之也、沈堯封及王孟英二先生、俱推重此方、嘗有驗案、見女科輯要中、蓋此方藥味平淡、功效神速、凡產婦遇有此症、無論知醫不知醫、只須審其惡露未斷、腹軟不脹、確知其爲痰迷者、照此服三五帖、奇驗異常。

帖。奇驗異常。

清魂散

治產後惡露已盡、忽昏暈不知人、產後氣虛血弱、又感風邪也、

澤蘭葉

人參各二錢五分、無人參

可五

川芎錢

甘草二錢

右爲末、用溫酒熱湯各半盞、調灌一二錢、能下咽、卽開眼、更宜以漆紙、或舊漆器、或乾漆燒

烟薰之、史淬醋炭於床前、使聞其氣、必清醒而痊矣、

按產後血暈、其故不一、有因氣脫者、有因血逆者、二症已見前論中矣、有因血風者、愈風散一方是也、惟因痰之症、人多未曉、其症必

痰盛氣粗、或口眼歪邪、宜以六神之類加減治之、

小兒門

預防小兒臍風馬牙簡驗方

枯礬二錢五分 硼砂五分 硃砂二分 冰片五分 麝香五分 共為細末、凡小兒生下洗

過、即用此末搽臍眼上、每換尿布必搽之、搽完一料、永無臍風等症、

小兒初生人工出痘水不再出神方

金銀花錢一 紅花錢一 生地錢二 桃仁錢一 荊芥穗錢一 赤芍錢二 當歸錢二

甘草五分 以上八味稱足、用水二茶杯、煎至一酒杯、再用小兒落下臍帶、約二三寸、炭火瓦上焙乾、忌用煤火、

研極細末、入藥、儘日內與小兒服完、頭一日服藥、次日出痘、週身形色紅活、與天花無異、三日收功、旋又出疹、而

小兒乳食如常、不灌漿、亦不結痂、在小兒初生十八日內、服之有效、過十八日不驗矣、此方乃南路胡司馬少

泉、傳自異人、據述是年得一孫、甫屆十二朝、適獲是方、即如法服之、明日其痘對對發出、頭至手足皆徧、形色紅

活、與正痘無異、踰日而退、旋又發出疹子、亦甚透足、時司獄蔣君有姻戚舉子、已十六朝、急乞是方與服、出痘亦

如前狀、羣驚為神、慶陽易太守馨山、遇產輒用此方俱驗、刊施及杭、按方中藥味、均極平和、不過清疏活血之常

品、其奏效如是之捷者、當由甫生嬰孩、氣血渾融、腠理通達、引以本身臍帶火焙之力、故能將胎毒發出、所謂服

藥於未病之先、故能神應如此、既經屢驗、因刊送以廣其傳、為世之慈幼者一助云、

稀痘仙方 羌活 生地 黃柏 防風 升麻 黃連 麻黃各五分 甘草 歸身各三分 干葛二分 川芎一分 柴胡

蒼朮 黃芩 紅花 陳皮 白朮各二分 北細辛 藁本 蘇木各一分 連翹 吳茱萸各五分 共二十二味、合為

一劑、分兩不可加減、每逢立春立夏立秋立冬前一日、用水二鍾、煎至七分、露一宿、如遇風雨、不露亦可次日溫服、務留藥半

盞、俟交節之時再服、尤不可誤、一年之內、服過四劑、即永不出痘、服過三年、終身瘡毒亦少、寒族三千餘人、世世

相承服此、已屢代不出痘矣、如嬰兒年小、乳母代服亦可、見救急奇方余家三四十男小女孩、服此方後、再種牛痘、現

在男女俱半已婚嫁生育、從無一出過痘者、可見此方神驗、近來敵族暨各親友、服此者亦不少、余初得此方、見

其藥味夾雜、頗不以為然、及屢用之、小兒均安穩無事、或遇受有外感之時、服後亦有發熱一日半日、泄瀉穢濁

一二次者、儘可不理、不治自愈、真奇方也、今詳載傳世、願天下為父母者、每年用心記定四日、免小兒異日出痘

之危險、不亦一大快事哉、壬辰仲夏潛齋氏特識

神授預稀痘疹方 銀花陰乾、金花不用、飯鍋粬每一升、入銀花一兩、共研末用洋糖或做糕餅、以開水調和、每日令小兒食之、又方每年臘月清晨、摘帶露

綠萼梅蕊一百、加上白洋糖、搗成小餅、令食之、

稀痘丹 赤豆小飯赤豆 黑豆 荳蔻 粉草各一兩 共為細末、用竹筒刮去皮、兩頭留節、一頭鑿一孔、以藥末入筒

中、用杉木塞緊、黃蠟封固、外以小繩繫之、投入臘月廁中、滿一月、即取出、洗淨風乾、每藥一兩、配臘月梅花片三

錢和勻、若得雪中梅花片落地者、不着人手、以針刺取者、更妙、如急用、入紙封套內、略烘即乾、兒大者用一錢、小

者用五分、俱以霜後絲瓜藤上小絲瓜煎湯調、空心服、湯宜多服、服後忌葷腥十二日、解出黑糞爲驗、一次可稀、三次不出、每年服一次、愚按稀痘之法甚多、莫妙於前數方者、是書非驗方不傳、願誠心保赤者遵而行之、

治小兒臍風撮口方

臍內受風、以致面赤喘急、啼不出聲、其下身必發青筋一道、須臾行至腹、却開兩

又、遲則行至心
胸、難救、

急用香油燈草火、於青筋起處灸三次、於兩又盡處各灸三次、臍上灸三次、再用紫蘇前胡

殭蠶炒各等分、水煎、俟溫以綿蘸滴口中、頻滴、以口開爲度、開口後、切勿卽令吮乳、

治小兒舌黑腫硬奇方

用大針刺破舌尖見血、用銀簪將血盡行刮出、毒從血去、用新鮮生雞蛋、在壳

尖開一小孔、傾出蛋白、用手掌載住、用微力擦小兒前心、后背心、左右軟腰部位、命門骨、每處擦四次、每次用蛋白一蠅壳、擦至蛋白盡爲度、片時擦處、發出黑毒蕊數百條、長三分、如烏鴨毛管樣、用新綿花鋪在毛上、又用紗帕、或軟布帕札住、片時其毒毛自落綿裏、舌退黑色、復轉細軟、卽能飲乳而愈、如喉腫或額烏藍、嘴角青、牙齦緊、兩乳核、雙目閉、不能飲乳等症、亦照上法擦之、自然喉腫消、青藍退、目開飲乳矣、驗案甚多、茲不具載、

治小兒鵝口方

卽滿口白爛者是也、凡小兒舌苔白厚、乾硬成塊、兼之舌尖及唇紅色、小便秘赤、此氣分

之溼熱所化、非寒也、先用鮮鵝屎、屎上帶白
色者佳、開水沖泡、澄清去滓、俟溫、以布纏指、蘸拭口中、洗去涎濁、卽搽此末於

舌之上下、神效、勤洗勤搽數次、苔退爛愈、吮乳自如常矣、冰片一分、熟礪砂三分、飛辰砂二分、元明粉三分、麝香五釐、川連

蘇薄荷錢一、黃柏五分、青黛四分、水飛、共爲細末、每用少許擦患處、喉腫則吹之、小兒一切口舌喉症、皆可治、如自用尚

有餘末、仍須磁瓶收貯封固、以應貧民之需、善莫大焉、

八寶丹 治一切風痰發閉、驚風發搐、昏沈譫語、不知人事、危在頃刻、九轉胆星五錢、川羌活五錢、北全蠍五錢、酒

足姜蠶五錢、姜汁炒、雙鉤藤淨末八錢、雄黃二錢、天麻八錢、白附子三錢、淮山藥五錢、白茯神五錢、遠志肉五錢、真麝香五分、石菖

蒲二錢、大梅片五分、真琥珀三錢、珍珠一錢、豆腐內五分、真牛黃一錢、金箔五分、枳實三錢、共為末、用竹瀝調和、少加姜汁為

丸、如小痧藥大、一二歲者服三五粒、三四歲者、或五粒、或七粒、量兒之大小強弱與之、此方如有力者、預製施送、

有起死回生之功。取竹瀝法、用新鮮竹、截去兩頭、中間留節、略尺餘長、放炭火爐上、兩頭自然熏蒸出油、用磁

盤乘之、

祕傳抱龍丸 專治小兒驚風發搐、咳嗽痰喘、舌赤唇乾、口渴便短、手足抽掣、痰涎壅盛、一切驚癇風熱諸

症、神效、白附子二兩、胆星一兩、羌活一兩、姜蠶一兩、前胡一兩、橘紅一兩、天竺黃二兩、天麻一兩、青皮一兩、全蝎

一兩、黃芩生八錢、花粉二兩、生黃連五錢、南薄荷一兩、真琥珀三錢、盞沈香一兩、抱茯神一兩、雙鉤藤一兩、共為細末、煉蜜丸、芡實大、

硃砂為衣、每服一丸、開水化下、重則二三丸、量小兒大小強弱用之、此丸面青、唇舌淡白、小便清利者、則不可服、

沈瀼丹 治小兒一切胎毒、胎熱、胎黃、面赤目閉、鵝口口瘡、重舌木舌、喉閉、乳蛾、渾身壯熱、小便黃赤、大便閉

結、麻疹斑瘰、遊風癩疥、流丹癩疹、痰食、風熱疔腮、面腫、十種火丹、諸般風搐、皆神效、杭川芎九錢、酒炒、錦莊黃九錢、酒蒸

實黃芩九錢、酒炒、厚黃柏九錢、酒炒、黑牽牛炒取頭末六錢、薄荷葉四錢、粉滑石六錢、水飛、尖檳榔七錢、五分、陳枳殼四錢、淨連翹除去心隔

心隔

取淨京赤芍六錢

右十味依方泡製和勻焙燥研極細末煉蜜爲丸如芡實大月內之兒每服一丸稍大者二

丸俱用茶湯化服乳母切忌油膩但覺微有泄瀉則藥力行病即減矣如不泄再服之重病每日三服以愈爲度

此方斷不峻厲幸無疑畏惟胎寒胎怯面青白者忌之小兒一切火症凡大便閉結者屢驗如神

此方古書未載得之異授微似古之神芎丸近有能者妙出化裁而增損之遂爲幼科有一無二之神方作三焦之主治蓋凡臟氣流通者必不鬱滯

或受毒於妊前或感邪於誕後遂爾中氣抑鬱則見以前諸症余生平最慎攻伐惟此方用之最久功效莫能殫

述真濟世之良方也見幼幼集成

附錄沈瀝湯方 此係湘潭名醫翁君手定加銀花一味餘與原方同家慈照用數十年成效極佳 雲台

謹識 川芎五分尖檳榔五分赤芍錢半黃芩酒炒五分薄荷分五炒只壳五分滑石末錢二錦文酒蒸五分連翹分五黑牽牛分炒五銀花錢一

黃柏酒炒五分水煎濃汁重用蜜兌分數次服不拘劑數毒退大半爲度

瀉青丸 此肝經之主藥凡幼科中截風定搐之方多用金石腦麝體虛弱者不宜惟此方清心平肝疏風涼

血凡小兒作熱不退將成風搐或已成風搐但服此丸其應如響方雖古方人不知用余昔遊潭州遇師指授始

能用之 川羌活兩一正川芎兩一黑梔仁兩一龍膽草兩一全當歸兩一北防風兩一錦莊黃錢五 右藥合爲一處用火烘燥

研爲細末煉蜜爲丸青黛爲衣如大豆大每服一二丸茶清化下見幼幼集成

瀉白丸 止嗽疏邪消痰定喘清熱順氣凡嗽而聲不轉者效 石膏兩二煨熟 花粉 川貝母去心陳香圓去穢胆南

壽世新編 小兒門 二五

星 款冬花 薄荷葉各一兩 甘草 細芽茶各七錢 以上九味、共為細末聽用、麻黃一兩五錢 防風 桑皮蜜水 杏仁炒

去皮尖炒 前胡 紫菀 蘇子炒末各一兩 陳瓜萹一大筒 柿餅三兩 山梔一兩 葶藶子炒五錢 以上十一味、用水煎、去渣濾清、再入

蘿蔔汁水、梨汁、錫糖、各四兩、姜汁五錢、煎成膏、滴水成珠為度、將前藥末和勻為丸、每服一丸、每丸重一錢、燈芯

湯化下、大人噙化、風邪痰火咳嗽如神、

化毒丹 治一切胎熱毒、遊風丹毒、熱癩、口疳、疔火、燥渴、煩燥、大便結、小便濇赤等症、 眞犀角 川黃連

桔梗 玄參 薄荷葉 粉甘草各一兩 青黛五錢 大黃酒蒸九次五錢 硃砂三錢另研極細 右為細末、煉白蜜為丸、丸重一錢二

分、每服一丸、燈芯湯化下、

小牛黃丸 治痰逐積、追蟲消食、清熱定驚、除膨消脹、凡大便不通、或按腹中硬痛者、以此下之急驚痢疾初

起、神效、 黑白丑頭末各七錢半 大黃一兩五錢 膽星五錢 半夏五錢姜汁炒 枳實五錢 牙皂三錢 右為極細末、煉白蜜為丸、丸重一

錢二分、週歲者服一丸、三週者二丸、生姜湯化下、追蟲、糖水送下、

沈香末子 治乳食傷脾胃、以致嘔吐泄瀉、痢疾瘡疾、心腹疼痛、大便下血、寒熱不止、凡兼胸腹脹滿、噯氣作

酸、惡心惡聞食氣、及不思食、下洩臭屁、上症不必悉具、凡見一二、定為傷食、此方主之、 香附鹽水拌炒 檳榔 厚朴

姜汁 陳皮炒各四兩 枳殼炒 枳實炒 青皮醋炒 山查肉 麥芽炒 神麩炒 陳蘿蔔子炒各二兩 酒餅即做酒藥炒八錢 柴胡 桔梗 川

芎各一兩 白朮漂土炒 軍姜泡 沈香另研、木香忌火各一兩 共為極細末、週歲者服七分、二三週者一錢、糖拌、空心生

姜湯下、便血米湯送下、小兒下血、多因飲食傷脾、脾不攝血、若用止血之劑、及溫補升提之法、無益也、余製此方、以消食爲主、食消則脾氣自復、血不治而自愈、

小紅丸

治一切咳嗽、驚癇、發搐、發熱、胸喘、痰涎上壅、痰厥卒倒等症、
全蝎去刺一兩、南星一兩、硃砂四分、牛蒡錢五

巴豆霜二錢半

右爲極細末、糯米湖爲丸、如菜子大、週歲者每服三四十九、二週者七八十九、看小兒大小強弱

用之、燈心湯送下、以上連五方見醫宗說約

蘇合香丸

治一切氣痛氣逆、中氣不和、婦人噎氣、或暴卒鬼魅惡氣等症、此丸購自粵東者佳、緣犀角安

息酥合香等、江右難得真者、聊錄藥品、俾閱者知製方之原、以便購用也、犀角三兩、冰片一兩、檀香二兩、木香

二安息香二兩、酒浸沈香二兩、剉末酥合香一兩、硃砂一兩、白朮二兩、華撥二兩、柯肉二兩、乳香一兩、丁香二兩、香附二兩、明天麻二兩、金

箔一百張、麝香一兩、右藥各味剉成粗片、研爲細末、入冰麝安息酥合油、同藥拌勻、煉蜜爲丸、一錢重、用蠟包

裹、愚按所選祕驗各丸方、有力好善之家、或隨製數種、或多合施送、洵濟世利人之事、修壽種德之端也、但須

遇小兒危險之症、乃可用之、若些小風寒油滯、以致發熱輕症、則不必小題大做、或用藥茶即前載四時茶藥方一撮、審其爲

風寒、加生姜葱白、淡豆豉爲引、煎服泡服均可、審傷油滯、加炒陳建曲一塊、炒山楂二三錢、同煎、如夏天吐瀉、或

頭疼發熱、或胸腹脹滿、則用加味藿香正氣散、遇受暑、或用刮刺諸法、或用六一散、加入鮮藿香葉數片、泡服、皆

可痊愈、至風熱痰厥、驚風發搐、則非諸丸方不能見效也、
丸者緩也、氣味俱全、故效最速、妙在藥性雖峻、而所用不多、誠能對症、功效如神、但與丸藥時、總須問清寒熱、唇舌大小便

耳

雞肝藥

治小兒疳積、肝經積熱、以致眼閉、眼紅失明、腹脹等症、白肉雷丸一兩、赤色者不用、用蒼朮一兩、同煮一二十滾、去蒼朮、切片

君子肉一兩、黑而蟲、蛙者不用、二味焙乾等分、鐵礪內研、用不落水雞軟肝一具、男用雌、女用雄、將末藥一錢滲上、飯上蒸

熟、小兒食之、即愈、輕者二三服、重者不過七服、神效、忌豬肝、及豬牛犬肉、不忌損目、此方係王仙師所傳、吳中專

司疳積者、惟賴此方、其效若神、余竭力覓之、以公海內、庶得好生之意、云按小兒蟲積、腹中膨脹、面色黃瘦、或能飲食、而不生肌膚、或好食雜物、而不思飲食、以致

上攻眼日者、投以此方如神、

雞肝藥

凡小兒疳積攻眼、已成外障翳膜者、用此方治之、輒效、滑石六錢、水飛雄黃二錢硃砂三錢、水飛冰片三分

決明一兩五錢、煨海螵蛸四錢、煨、去壳廬甘石六錢、童便煨七次赤石脂三錢、煨右共為末、每雞肝一具、入藥末五分、酒米泔各半

盞、飯上蒸熟、食之、開瞽復明、又方、每歲服一分、

四寶丹

治小兒面色黃瘦、肚腹膨脹、好食生米泥土木炭等症、使君肉一兩檳榔一兩南星一兩、姜汁製如小兒好

食茶葉、加炒茶葉一斤、如食生米、加炒麥芽一斤、食黃泥、加壁土一斤、食黑炭、加黑炭一斤、隨所嗜而加之、共研

末、煉蜜為丸、桐子大、每服五十丸、晨早以沙糖水送下、

燒針丸

治小兒吐瀉如神、黃丹 硃砂各水飛白礬火煨各等分共為末、紅棗肉為丸、黃豆大、每服三四丸、戳針

尖上、放燈焰上燒、存性研末、或涼水泔水調服、瀉者食前服、吐者不拘時服、外用雞蛋清調和、真葦豆粉作膏、

吐者塗足心瀉者塗額門

火瀉方 凡小兒身熱如火、口渴、喜飲冷而不喜飲熱湯者是也、車前子二錢 茯苓 白芍各一錢 黃連三分 澤

瀉五分 猪苓三分 麥芽一錢 枳殼二分 水煎服、一劑即止、此治火之聖藥也、

寒瀉方 寒瀉者腹痛喜手按摩、口不乾而舌滑者是也、黨參 白朮各一錢 茯苓二錢 肉桂 干姜各二分 甘

草一分 砂仁一粒 神曲五分 水煎服、此方健脾補氣、分溼利水祛寒之聖藥、自然寒瀉立止、

立止水泄方 車前 澤瀉各一錢 厚朴一錢二分 共研末、滾水調服、立愈、姜汁炒

肥兒丸 常用可免飲食傷脾之症、山藥二兩 茯苓 白扁豆炒 五穀蟲淘洗淨 山查炒 白芍炒 麥芽炒 神

曲炒 當歸各一兩 白朮土炒 陳皮 使君子肉煨各一兩 生甘草七錢 胡連七錢 姜汁炒 蜜丸、菉豆大、每服二三錢、

祕傳五疳散 專治小兒五疳潮熱、面黃肌瘦、煩渴吐瀉、肚大青筋、手足如柴、精神疲倦、歷試有效、無疾預

服此藥、則諸疾不生、元氣虛弱者、服半月自然肥滿、身體輕健、白朮一兩五錢 白茯苓七錢五分 甘草一錢五分 麥冬一兩

去心 使君肉七錢五分 山查肉五錢 麥芽五錢 金櫻子肉略炒 芡實二錢五分 蓮肉隔紙炒 青皮去穢 麴橋 紅五錢 右為極細

末、和勻重七兩、每次用藥末一兩、煉蜜半斤、或四兩、調成膏、每日中晌晚間、各服一二茶匙、溫水漱口、如身熱咳

嗽、加地骨皮、百部各五分、如肚腹飽脹、大便稀水、腸鳴作瀉、或蟲出不和、加檳榔二錢五分、木香一錢、如稟受氣

弱、加黨參二錢五分、煉蜜法、用極大青竹筒一節、削去外面青皮、兩頭留節、將一頭錐一孔、灌蜜令滿、仍用竹

釘固孔、以水煮蜜熱為度、或加茅根一把、在水中煮蜜更佳、如將蜜通煉、臨時調藥旋服、亦好、途中無蜜、滾白水調服亦可、

肥兒丸

治五疳五痢、瀉蛔蟲、臟腑虛弱、身體羸瘦、髮豎焦黃、小便濁色、消積化食、健脾和胃、長肌肉、肚腹膨

脹、俱宜服、

陳皮一斤 甘草四兩 蓬朮六兩 厚朴八兩 枳實八兩 連翹六兩 香附一斤 山查肉六兩 神曲六兩 蘿蔔子

八兩 膽草六兩 青皮八兩 川連炒 白朮土炒 枳榔各八兩 共為極細末、煉白蜜為丸、如龍眼大、空心清米湯下、若疳積、加廬

蒼胡黃連銀柴胡、名廬蒼丸、又名五疳保童丸、此須夜間發熱、骨瘦如柴者可用、一方加蝦蟇食蛆、或用蝦蟇

食蛆、俱燒存性、入前藥內、名乾蟾丸、虛者加苡米仁、山藥、虛甚加黨參、有蟲加川棟子、使君子肉、鶴虱、愚按肥

兒丸、方書所載、不一而足、大約不外健脾攻積、去蟲導滯、但多用苦寒、最易敗胃、茲採取三方、前二方運土補脾、

可作小兒時常服食之品、後一方則專為攻蟲積而設、凡小兒面黃腹大、小便渾濁如菜汁、大便澀澀酸臭、皮毛枯索、頭

疳病見端也、不必悉具、但見二三種即是、不可不知、神而明之、存乎其人、一任高明採擇可也、又附數方於左、

治小兒諸疳方

使君子肉二錢 雷丸 枳榔各一錢 黑丑 豬石各五分 俱生晒研末、每服三分、以雞卵一枚、

打破空頭納藥、紙封、飯上蒸熟食之、藥完即愈、

治小兒積滯方

海蜇 鳧茛 即荸薺別名 常煮食之、兼治大人痰哮喘、及肝乘胃痛、浸燒酒飲之、能消大人胸中

痞塊、又紹興青腐乳汁作下飯、能消疳積、治腹脹牙黃、

治小兒疳氣攻目方 雞肝一具不落水、竹刀切片、用牡蠣粉八分、飛辰砂少許、拌勻糝入、飯鍋上蒸熟食之、如此十次、翳即退淨、當時忌食茶湯油膩、

治小兒疳病方 雞肫皮二十箇、勿落水、瓦焙乾、研末、車前子四兩、炒研末、二物和勻、以米糖溶化、拌入與食、食完即愈、忌油膩麵食煎炒、又方取田雞白水煮熟、姜末少許、亦效、

治慢驚風心得神方

未附鄙見、數條存參、 武進莊在田著

慢驚之症。緣小兒吐瀉得之爲最多。或久瘧久痢。或痘後疹後。或因風寒飲食積滯。過用攻伐傷脾。或乖賦本虛。或誤服涼藥。或因急驚而用藥。攻降太甚。或失於調理。皆可致此症也。其症神昏氣喘。或大熱不退。眼翻驚搐。或乍寒乍熱。或三陽晦暗。或面色淡白青黃。或大小便清白。或口唇雖開裂出血。而口中氣冷。或瀉利冷汗。或完穀不化。或四肢冰冷。並至腹中氣响。喉內痰鳴。角弓反張。目光昏暗。此虛症也。亦危症也。俗名謂之天弔風。虛風。慢驚風。慢脾風。皆此症也。若再用寒涼。再行消導。或用胆星抱龍以除痰。或用天麻全蝎以驅風。或用知柏芩連以清火。或用巴豆大黃以去積。殺人如反掌。實可畏也。若治風而風無可治。治驚而驚無可治。此實因脾胃虛寒。孤陽外越。元氣無根。陰寒至極。風之所由動也。治宜先用辛熱。再加溫補。蓋補土所以敵木。治本即所以治標。凡小兒一經吐瀉交作。即是最危之症。若其屢作不止。無論痘後疹後。病後不拘何因。皆當急用參朮以救胃氣。姜桂枸熟等藥以救腎氣。不惟傷食當急救之。即傷寒傷暑。亦當急救之。蓋其先雖有寒暑實邪。一經吐瀉。業已全除。

脾胃空虛。倉廩空乏。若不急救。恐虛痰上湧。命在頃刻矣。庸醫不明。皆誤指爲熱爲食。投以清火去積涼藥。立時告變。爲之奈何。與其失之寒涼。斷難生活。不若試之溫補。尤可救療。此語發明吐瀉驚風之理。最爲明透。後之君子。願無忽諸。今將慢驚辨症。臚列於後。一吐瀉。脾胃虛寒也。一身冷。陽氣抑遏不出也。服涼藥之後、往往至此、鼻孔

煽動。真陰失守。虛火爨肺也。面色青黃及白。氣血兩虛也。口鼻中氣冷。中寒也。大小便清白。腎與大腸全無

火也。昏睡露睛。神氣不足也。手足抽掣。血不行於四肢也。角弓反張。血虛筋急也。乍熱乍涼。陰血虛少。

陰陽錯亂也。汗出如洗。陽虛而表不固也。手足痠痿。血不足以養筋也。顛門下陷。虛至極也。慢驚身雖

發熱。口唇焦裂出血。卻不喜飲冷茶水。進以寒涼。愈增危驚。以及所吐之乳。所瀉之物。皆不甚消化。脾胃無火可

知。唇之焦黑。乃真陰之不足也明矣。大凡因發熱不退及吐瀉而成者。總屬陰虛陽越。必成慢驚。並非感冒風

寒。發熱可比。故不宜發散。治宜培元救本。加姜桂以引火歸源。必先用辛熱沖開寒痰。再進溫補。方爲得法。經

驗二方列後

逐寒蕩驚湯

此方藥性溫煖。耑治小兒氣體本虛。或久病不愈。或痘後疹後。或悞服涼藥。泄瀉嘔吐。轉爲

慢驚。清熱散風。愈治愈危。速宜服此。能開寒痰。寬胸膈。止嘔吐。蕩驚邪。所謂回元氣於無有之鄉。一二劑後。嘔吐

漸止。卽其驗也。認明看症數條、便知虛實、但係虛寒。卽宜服之。不必疑畏也。胡椒一錢 炮姜一錢 肉桂一錢 丁香十粒 右四味

研爲細末。以灶心土三兩煮水。澄極清。煎藥大半茶杯。頻頻灌之。接服後方。定獲奇效。

加味理中地黃湯

此方助氣補血。卻病回陽。端治小兒精神已虧。氣血大壞。形狀狼狽。瘦弱至極。皆可挽回。如法濃煎。頻頻與服。參天救本之功。有難以盡述者。

熟地錢五 當歸錢二 萸肉錢一 枸杞錢二 白朮錢三 炮姜錢一 黨參錢二

炙甘草錢一 棗仁二錢 炒碎 肉桂錢一 故紙錢二 炙芪錢二 加生姜片二 紅棗三枚 核桃肉二箇 爲引仍用灶心土二兩 煮水煎藥。取濃汁

一茶杯。另用附子五分 煎水。攪入。諒兒大小。分數次灌之。如咳嗽不止者。加罌粟殼錢一 金櫻子錢一 如大熱不退。加白

芍錢一 泄瀉不止者。加丁香五分 只服一劑。即去附子。只用丁香七粒 隔二三日。只用附子二三分 蓋因附子大熱。中病

即宜去之也。如用附子太多。則小便閉塞不出。如不用附子。則沈寒臟腑固結不開。如不用丁香。則泄瀉不止。若

小兒虛寒至極者。附子不妨用至一二錢。此所謂神而明之。存乎其人。用者審之。此方乃救陰固本之要藥。治小

兒慢驚。稱爲神劑。若小兒吐瀉不至已甚者。或微見驚搐。胃中尙可受藥。喫乳便利者。並不必服。逐寒蕩驚湯。只

服此方一劑。而風定神清矣。如小兒尙未成驚。不過昏睡發熱不退。或時熱時止。或日間安靜。夜間發熱。以及午

後發熱等症。總屬陰虛。均宜服之。若新病壯實之小兒。眼紅口渴者。乃實火之症。方可暫行清解。但係實火。必大

便閉結。亦間有泄瀉。爲火迫下注者。須細辨之。潛批 氣壯聲洪。且喜多飲冷茶水。若吐瀉交作。則非實火可知矣。此方補造化陰陽所不

足。實回生起死有神功。倘大虛之後。服一劑無效。必須大劑多服爲妙。

愚按慢驚一症。允推逐寒蕩驚湯。與加味理中地黃湯爲神方。然必須辨之的確。乃著奇效。稍一心粗。必誤事矣。

大凡此症多由體氣怯弱。或爲父母者矜持太過。每遇小兒有病。醫藥雜投。丸湯兼進。消導寒涼。屢進不。易以致。

攻。尅。太。過。元。氣。大。傷。變。成。慢。驚。若。但。見。吐。瀉。往。往。有。因。食。滯。暑。熱。者。誤。用。此。方。禍。如。反。掌。余。故。特。附。火。瀉。一。方。於。前。二。驗。案。於。後。使。人。得。以。參。變。至。於。慢。驚。案。雖。多。福。幼。編。中。載。之。已。詳。儘。可。揣。摩。不。欲。多。贅。也。 驗。案。二。條。 凡。小。兒。吐。瀉。雖。甚。倘。見。口。渴。便。少。不。可。誤。服。理。中。地。黃。之。類。余。有。姪。女。未。週。歲。夏。患。吐。瀉。發。熱。三。日。吮。乳。非。吐。出。卽。瀉。出。時。欲。作。角。弓。反。張。狀。審。其。口。渴。甚。便。極。少。唇。乾。帶。黑。色。舌。無。津。液。知。雖。口。氣。微。冷。爲。虛。寒。因。渴。甚。便。少。不。敢。遽。作。虛。治。乃。投。以。五。苓。散。加。藿。香。一。料。又。以。七。味。白。朮。散。代。茶。兒。渴。甚。不。分。甘。苦。入。口。便。吞。飲。完。出。微。汗。略。小。便。泄。瀉。略。減。至。夜。渴。仍。甚。且。發。煩。欲。瘧。余。細。察。其。土。木。不。和。復。以。陳。灶。心。土。一。大。塊。以。安。其。中。宮。烏。梅。二。大。枚。以。斂。其。肝。木。燈。芯。十。餘。莖。以。清。其。心。火。一。服。卽。安。睡。半。日。熱。退。神。清。而。愈。 又。治。一。小。孩。燒。熱。一。月。時。熱。時。退。後。更。每。日。大。瀉。一。二。次。完。穀。不。化。見。其。骨。瘦。如。柴。竊。疑。爲。慢。驚。俟。細。望。色。審。竅。大。不。以。爲。然。蓋。問。其。所。瀉。者。極。多。極。速。色。黃。色。黃。者。屬。熱。也。多。而。速。者。火。迫。下。注。也。又。見。其。面。色。雖。黃。而。兩。目。光。瑩。面。黃。爲。病。久。目。有。光。者。神。未。敗。且。卜。其。內。有。熱。也。又。見。其。指。紋。粗。大。帶。紫。色。紫。色。屬。熱。也。而。且。唇。乾。舌。燥。口。渴。腹。膨。便。短。赤。益。知。其。三。焦。有。熱。故。膀。胱。水。道。不。行。也。乃。直。投。五。苓。散。加。梔。仁。涼劑一劑。諸。症。俱。退。二劑。全。愈。使。當。時。稍。一。偏。執。見。孩。瘦。又。病。久。斷。爲。慢。驚。用。溫。補。之。類。則。是。兒。由。我。而。死。已。耳。我。必。深。自。引。咎。而。疑。此。書。之。不。可。信。也。記。此。爲。粗。心。者。戒。 濟。齋。氏。識。

附慢驚方、 如鄉間製藥不及、急取雞鴨窩要養雞鴨數十年者糞泥下淨土一撮、去糞數寸者、不要有糞、煎水服、立愈。屢試如神。

辨症簡切要訣 小兒熱症有十 面頰紅 唇舌赤 大便閉 小便短赤 渴不止 或飲 上氣急 胸滿

神氣煩燥 哭聲洪亮 此條須兼看乃得因不專屬熱症故也 手足心熱 眼紅赤 此皆實熱症、忌用溫補、小兒寒症有十 面晃

白 舌淡白 糞青白 肚虛脹 小便清 或微黃而長 眼珠青 口不渴 或渴不多飲。飲亦喜熱。數口即止。 聲低神倦 吐瀉無熱

不但無外熱。且無口渴唇紅舌赤便短內蘊之熱也。 手足厥冷 此條亦有伏熱症、須兼看他症乃得。 睡露睛 此皆虛症忌用寒涼 見幼幼集成

愚按以上所論寒熱諸症、不必悉具、但見數條便是、總須細辨為要。

目疾門

消風養血湯 治目赤腫痛 荆芥 蔓荊子 菊花 白芷 麻黃 防風 桃仁 去皮尖 紅花 酒炒 川芎 各五分

分當歸酒洗 白芍酒炒 草決明 石決明 甘草 各一錢 水煎服洗亦可、

蟬花散 治肝經蘊熱、風毒上攻眼目、翳膜遮睛、赤腫疼痛、昏暗視物不明、隱澁難開、多生眵淚、內外障眼。

草決明炒 甘菊花 川芎 不見火 蟬退 洗去土 山梔子 穀精草 防風 不見火 黃芩 蔓荊子 木賊草 羌活 不見火

荆芥 蜜蒙花 白蒺藜 炒去刺 甘草 各等分 右為末、每服二錢、用茶清調服、或用荆芥湯入茶少許調服、亦得、食後

及臨臥時服、此去翳通治方。

洗刀散 治風熱上攻火眼赤痛、驟生雲翳、外障遮睛。 防風 錢一 麻黃 五分 荆芥 五分 川芎 五分 羌活 八分 蔓荊子 四分 薄荷

荷分四獨活分五石羔錢一滑石錢一歸尾錢一赤芍分八大黃分五黃芩分五連翹分五元參分五芒硝分五菊花分五梔子分四木賊分五蟬退

分五草決明分五白蒺藜分五細辛分三甘草分三白朮分五桔梗分五共爲粗末、加清茶葉、分兩次、水煎數沸服、此方藥味雖

雜、而治風熱上泛之時眼、殊有奇功。然必口乾而渴、小便短赤、大便閉結者、投之乃能效如桴鼓也。見症既的、萬

勿疑畏。風火眼疾、倘醫治法不善、或一味辛散、火得風益熾、或一味寒涼、血得冷則凝、往往有致人瞽目者、殊可

浩歎。此方妙在表裏兩解、涼劑雖多、決不閉遏、真良方也。如風火輕、或夾風寒者、忌用。又有風火時眼、數日後

目赤如血、腫痛欲裂、小便塞滯、大便閉結、或偏左頭目掣疼、或脅肋脹痛、口苦耳鳴、煩躁不安、左關脈弦數、確、知

其爲肝風胆熱者、速用龍胆瀉肝湯。胆草梔仁生地當歸柴胡黃芩木通澤瀉車前加酒大黃二三錢、歸尾二錢、桃仁一二錢、爲釜底抽薪之

法。連服數劑、其效如神。凡風火時眼、目赤腫脹、頭目昏痛、羞明畏日、淚流盈頰、偏於風寒而熱不重者、消風養

血湯。一二劑可愈。若赤腫翳多、隱澀難開、宜用蟬花散。口渴小便短赤、大便閉結、風火上攻、紅腫痛甚、偏於熱重

者、洗刀散、或龍胆瀉肝湯加味最驗。風火時眼、有此數方、不必另請眼科。決無不愈之理。但貴人善於化裁耳。

敷火眼及風熱眼方

生南星錢五紅飯豆錢五

共爲末、取生姜自然汁、調作二餅、貼兩太陽穴、此方寒眼尤宜○又

敷火眼痛極、用大紅棗取肉五六枚、葱三四根、共搗如泥、作二小餅、閉目貼之、令其發散自愈、蓋眼無風寒、必不

疼痛。以此疏散、立時見效。昧者以爲火眼、必用涼藥敷點、而用芩柏之類、不知遏抑其寒邪、不能外出、若非真屬

火症、必變眼珠疼痛、久不能愈、慎之。

金露散

治目赤腫痛、翳障諸疾、

天竺黃新香者、海螵蛸不必淨洗、

月石名二兩、硃砂淨飛、

爐甘石片子者佳、煨童便、淨飛七次、為極

細末、磁瓶收貯、每用時隨取數分、研入冰片少許、諸目疾皆妙、若治外內皆障、取一錢許、加珍珠八釐、須放豆腐膽中蒸熟、用膽

礬三釐、若爛弦風眼、每一錢、加銅綠飛黃丹各八釐、如赤眼腫痛、每一錢、加乳香沒藥各五釐、

磨光散

治法同上、此散善磨翳障、除昏暗、

野苧薺粉洗淨去皮、石臼中搗爛、密絹絞汁、如做藕粉法、再用清井水飛晒乾、爐甘石

用黃連黃柏甘菊薄荷煎水、

煨後淬入、再用童便淨七次、將藥水飛晒乾、

珍珠過細水飛、

每苧薺乾粉一兩、配製爐甘石五錢、珠末二三錢、各將磁瓶收貯、臨用漸漸

配和、加入冰片少許點之、

水眼藥祕方

治諸般眼疾

羊腦、蘆甘石

一兩、童便浸、春五夏三、秋七冬十日、取出打碎、放新瓦上火煨二次、漂淨焙乾、山東黃丹

一兩水飛過焙乾、辰硃砂

五分製

四錢研細水飛過

真麝香三分、

真乳香四錢、

真沒藥四錢、

白礬砂二錢研極細水飛過、

海螵蛸一兩、去衣、研細水浸漂淨、焙乾、破大珍珠見前、

右藥九味、研極細末、直研至無聲為度、

每味稱準、外煉上白蜜八兩、要煉三次、用細絹濾三次、將藥調成膏子、用磁罐盛、熔蠟封口、愈陳

愈佳、點一切眼疾神效、

磁硃丸

治神水寬大漸散、昏如霧露、中行、漸視空中有黑花、觀物成二體、及內障神水淡綠色、淡白色、及治

耳鳴及聾、

靈磁石二兩、煨醋滓水飛、辰砂

一兩、神麴三兩、

右三味更以神曲一兩水和作餅煮浮、入前藥煉蜜丸、每服十

丸、加至三十丸、空心米湯下、

石斛夜光丸

治神水寬大漸散、昏如霧露、空中有黑花、觀物成二、神水淡綠淡白色者、天門冬二兩、兔絲

子七錢 人參 茯苓各二兩 甘菊 山藥 枸杞 百斛 杏仁各七錢 草決明二錢 麥冬 熟地 生地各一兩 肉蓯蓉

青箱子 羚羊角 鑄瘳藜 川芎 甘草炙 黃連 防風 枳殼 烏犀各五錢 牛膝七錢五分 右二十四味、為

細末、煉蜜丸、如桐子大、每服三十五丸、溫酒鹽湯送下、眼科藥不外此諸味

一二百味草花膏 治目赤流淚、或痛或痒、晝不能視、夜惡燈光、血熱則目赤、肝熱則多淚、熱微則痒、熱甚則

痛、赤腫昏眊、故晝不能視、陽勝故夜惡燈光、羯羊膽 蜂蜜 入蜜膽中、蒸熟、候乾、細研為膏、每含少許、或點

目中、又法、蠟月入蜜膽中、紙籠套住、懸屋簷下、待霜出、掃取點眼、羊食百草、蜂採百花、故名張三丰真人治目疾碧雲膏、臘月

取羯羊膽十餘枚、以蜜裝滿、紙籠套住、懸屋簷下、待霜出、掃下、點之、神效、即二百味草花膏另一製法 凡目疾有由於腎臟風

者、惟四生散最神、眼醫多不知治、特採名案三條以證之、薛立齋治一男子、眼赤痒痛時或羞明下淚耳內作

痒、服諸藥不效、氣血日虛、飲食日減、而痒亦盛、此脾腎風熱上攻也、以四生散白附子黃芪獨活沙苑蒺藜酒調四服而愈、又一

人頭目暈眩、皮膚癢痒、搔破成瘡、以八風散治之、亦愈、張三錫治一人目赤黑珠、傍暗赤成瘡、耳中痒作腎臟

風治、用四生散、每作三二服即愈、時稱為聖散、方見前、沈存中云、予為河北察訪使、時病目赤、四十餘日、黑睛

傍暗赤成瘡、晝夜作楚、百治不效、郎官邱革相見、問予病目如此、曾耳中痒否、若耳中痒、即是腎中風、有四生散、

療腎風、每作二三服即瘥、閩里稱為聖散子、予傳其方合服之、午後一服、臨臥一服、目反大痛、至二更乃能眠、乃

覺目赤稍散、不復痛矣、更進三四服、遂平安如舊、尤在涇曰、目赤腫痛、人知降火、而不知活血、所以多不得力、

只用四物湯內、地黃用生。芍藥用赤。如蒸大黃、赤茯苓、薄荷葉治之甚妙。此戴復菴法也。余謂目赤腫痛、人知活血而不知治痰。脾胃壅滯、積熱生痰、積痰生熱、輾轉相因、氣沖頭目、昏痛不已者、須用半夏、石菖蒲、黃芩、枳實、茯苓、陳皮、微兼菊花、白蒺藜之屬治之。慎柔五書有曰、左光祿丞年及四十、兩目俱瘵肉滿珠、他醫與以祛風散熱之劑、不效。余謂脾主肌肉。此脾胃肉滯也。以桃仁泥二錢、枳實一錢半、連翹一錢半、元明粉二分、白芷二分、山查肉一錢半、每晚服一帖、至十帖而全愈。余以此方治數百人。患此者、未嘗不效。第先會服多苦寒之劑、已傷脾胃、不思飲食者、禁不可與。如勉服之、則眼必壞。且致虛損。如患此症、服過寒涼、已傷中氣、且宜靜養守之、亦得漸退。不可造次致於失明。蓋此症醫者罕識、陽明多血多氣之經、而經云血實決之。此方決之之意也。如患者脾胃素虛、必欲服之、或間日一帖、或間二三日一帖可也。急服則損目傷脾矣。邱豫章患瘵齋滿眼、醫以大黃行之、祛風散熱之劑、服之俱不效。以前方前條所載三四帖而愈。時下眼醫、所恃者惟點藥耳、至用湯煎、則僅知眼門套藥、如木賊、蒺藜、菊花、決明之類、以上所選諸法、皆足開人神智。啓人聰明。宜熟玩之。凡一切虧損之症、如滋陰地黃益陰腎氣、杞菊六味、加味駐景、定志、地芝、明目各丸、皆見眼科書、茲不具贅。按五竅之病、惟目最多、所以另有專科、是書略述內外數方、名案數條、以備採取、至於全體治法、則當廣求眼科書而探討之。風火時眼、煎方業已大備、可於書中擇對症之藥酌用可也。

瘡毒門

仙方活命飲 治瘡腫色赤壯熱掀痛此陽毒也服此未成者即消已成者即潰消腫止痛化膿解毒散瘀

清痰乃瘡癰之聖藥外科之首方也故名曰仙方活命飲 防風錢二 白芷錢一 山甲蛤粉炒黃一分 花粉錢一 赤芍錢一

歸尾錢一 乳沒末錢一 貝母錢一 皂刺錢一 金銀花錢三 陳皮錢一 甘草錢一 酒煎服服數劑未成者自消若已成

而膿潰者必體虛難得收斂當服補托之劑

神授衛生湯 治癰疽發背腦疽對口丹瘤瘰癧惡毒疔瘡流注濕痰一切瘡瘍表裏俱實之症未成即消

已成即潰在表即散在裏即下通解表裏之神方也 羌活八分 防風 白芷 山甲土炒 石決明煨 沉香 紅花

連翹各六分 銀花 皂刺針 歸尾 甘草 花粉各一分 乳香五分 大黃酒拌炒二錢 水二碗煎八分病在上部

先服藥隨後飲酒一杯病在下部先飲酒一杯隨後服藥 按上二方除疔瘡外為外科起手必用之藥一切風

熱瘡毒表裏俱見之症可以選用

荊防敗毒散 治癰疽發背乳癰等症初起頭疼發熱惡寒掀腫高赤疼痛脈浮緊浮數邪在表也服此方

汗散瘡發太陽經邪在外倍羌活防風陽明經加白芷升麻少陽經倍柴胡太陰經加白芍升麻少陰經倍獨活

厥陰經加青皮柴胡皆以肉桂佐之 防風 荊芥 羌活 獨活 柴胡 前胡 桔梗 連翹 只壳 川

芎 茯苓 銀花 甘草 生姜 右藥瘡在下空心服瘡在上食後服瘡在臂加桂枝少許瘡在腿膝加木瓜

熱服取汗 按此方惡寒發熱頭身疼痛瘡癰表症重者宜之 凡一切排膿內託之劑不外八珍參北蒼草歸地芍芎 八物

即八珍以黃芪代黨參 加減、項之上加白芷、胸之上加桔梗、下部加牛夕、虛寒加桂附、毒未盡者、加銀花連翹、痛甚、加製乳沒、

氣滯、加香附木香、膿成不穿破、加甲珠皂刺、血熱加入紫草紅花丹皮生地之類、隨症增減、毋拘成見可也、聊附

數方、以爲一隅之反、

托裏消毒散

此方治癰疽已成、內潰遲滯、因氣血不足、不能助其腐化也、宜服此藥托之、令其速潰、則腐

肉易脫、而新肉自生矣、
皂角刺五分 銀花一錢 甘草五分 桔梗五分 白芷五分 川芎一錢 生黃芪一錢 當歸一錢 白芍一錢 白朮一錢

參一錢 茯苓一錢 水煎、食遠服、

十宣散

一名千金內托散、一名排膿內補散、治一切癰疽瘡癤、已成者速潰、未成者速散、敗膿自出、惡肉自

去、止痛排膿生肌、其效如神、
人參 黃芪鹽水浸 當歸酒洗 厚朴姜製 桔梗 肉桂 川芎 防風 白芷 甘草

各等分 爲末、每三錢、溫酒調服、不飲酒者、木香湯調下、冬寒宜用、夏月宜稍加清涼之品、然亦須辨症之寒熱、而不

可拘也、

竹葉黃耆湯

治癰疽發背、諸般疔腫、表裏熱甚、口乾大渴者、
黃芪一錢 川芎一錢 白歸二錢 白芍一錢 人

參一錢 甘草一錢 生地黃一錢 石羔二錢 麥冬二錢 陳皮嘔者易半 淡竹葉十條 芥一錢 右藥治熱毒之方、徐謂知母茅

根元參連翹銀花之類、皆可選用、

蓮子清心飲

治心經蘊熱、小便赤澀、玉莖腫痛、或莖竅作疼、及上盛下虛、心火炎上、口苦咽乾、煩燥作渴、

或虛陽口渴、小便白濁、夜則安靜、晝則發熱者、石蓮肉 黃芪 黃芩 赤苓 人參 各一錢 炙草 澤瀉 麥

冬 地骨皮 各五分 水煎空心服、

內疏黃連湯 治癰疽發背、對口腿癰等症、初起腫硬、發熱作嘔、大便閉結、小便如淋、煩燥飲冷、心煩口苦、

六脈沈實有力、此毒邪深伏在裏也、用此疏通臟腑、使毒邪不得變傳經絡、黃連 黃芩 山梔 當歸 薄

荷 木香 白芍 板榔 桔梗 連翹 各一錢 甘草 五分 大黃 一錢五分 或二錢 水二鍾、煎八分、食前服、此方代黃連解毒

湯、清涼飲、破棺丹等劑、苦寒攻下之品也、若病者大便如常、惟見煩燥作渴、飲冷譫語、脈洪數、此方竟去大黃與

之可也、如不應、反如狂言、自汗大渴、再加石羔、知母、竹葉、粳米、倘本病投之本方不應、倍大黃、如大便仍不通、反

加狂言大渴、非用芒硝不可、師古人方、不若師古人意、全在司命者之變通也、

加味銀花甘草湯 治陽毒掀赤腫硬、疼痛異常、一切瘡癰、金銀花 兩六 生甘草 兩一 皂角刺 五錢 水煎和酒服

之、一二劑即愈、應手取效、真妙方也、又此方去皂刺、用水酒燉、名曰金銀花酒、能治一切癰疽惡瘡、不問發在

何處、或肺癰腸癰、初起便服、奇效、其法用水二碗、煎一碗、再入酒一碗、略煎、分三服、一日一夜服盡、重者日二劑、

服至大小腸通利、則藥力到、外以生者爛搗、酒調敷毒四圍、又案昔有人傳一方、遇赤貧者生大毒、以皂角刺

四兩、生甘草二錢、酒水各半煎服、初起一二劑即消、余試驗數人、然有力者、不如用四妙湯更妥、

四妙湯 治氣血俱虛、一切瘡瘍腫痛、微惡寒、時內熱、口中無味、大便如常、皆氣血內虛之故、此方益氣和血、

解毒托裏之神功也。潰後用之，排膿去瘀，生肌長肉，逐餘毒，通經絡，尤驗。卽神效托裏散，又名四仙飲。生黃耆

五錢 大當歸一兩 金銀花一兩 甘草節二錢 右藥水煎，晝夜服盡，自可移深而淺，轉重作輕。如已成，氣血素虧，不能穿潰

者，加白芷、皂針、山甲各二錢。一服自潰，如已潰後，卽宜刪去皂針、山甲。如初起，掀痛口渴，加天花粉。此方出外科

說約。顧世澄瘍醫大全中采之，謂此乃瘍科首用捷法。數十年來，凡治一切癰疽，皆賴此方增減活法。臨時酌用，

遇大症，金銀花每加至六兩四兩，生黃耆加至兩許，當歸加至二兩，甘草節加至三錢。但見其瘡色不起，膿水清

稀，卽加肉桂，轉陰爲陽，化毒成膿。如乳癰、乳吹，卽加蒲公英一兩，立消。百發百中，萬穩萬當。如偏身有濕熱瘡癬者，勿用。○又按此方隨症

加減、用之如神、故急錄之、

陽和湯 主治骨槽風、流注、陰疽、脫骨疽、鶴膝風、乳巖、結核、石疽、貼骨疽、及漫腫無頭、平塌白陷、一切陰凝等

症。麻黃得熟地不發表，熟地得麻黃不凝滯，神用在此。熟地黃一兩 白芥子二錢 鹿角膠三錢 肉桂一錢 姜炭五分 麻黃

五分 加生甘草一錢 乳岩加土貝母五錢。陰寒重者，或加附子一二錢。右藥用水加酒一杯同煎。按凡陰毒初起，

莫妙於陽和湯，著効如神。若能開服犀黃、醒消諸丸，見外科全生集、此書極佳、茲因集陰、不能全錄、無不內消者。此亦外科最重之方，與

四妙湯殊堪媲美。但四妙湯須半陰半陽之症，此則純屬陰症耳。須細辨之。

回陽二建湯 治陰疽發背初起，不疼不腫，不熱不紅，硬若牛皮，堅如頑石，十日外脈細身涼，肢體倦怠，皮

如鱗甲，色似土硃，粟頂多生孔，孔流血，根脚平散，軟陷無膿，又皮不作腐，手熱足冷者，急服此方。附子 人參

黃芪 當歸 川芎 茯苓 枸杞 陳皮 荳肉錢各一 木香 甘草 厚朴 蒼朮 紅花 獨活 紫

草各五分 煨姜三片 皂角樹根皮錢二 水二碗煎八分入酒一杯隨病上下食前後服之用棉帛蓋煖瘡上頂不得大開

瘡孔走泄元氣服藥後手足溫煖瘡便發熱漸作掀腫復生疼痛色暗得活堅硬得腐腎氣得回此是藥之驗也

在三服中應之則生外兼照法扶接陽氣為妙

托裏溫中湯

治癰疽陽弱陰寒脈虛身冷或瘡為寒變反致不疼或膿水清稀心下痞滿腸鳴腹痛大便

微溏食則氣短嘔逆不得安臥時發昏慣者 白朮錢一 茯苓錢二 木香錢一 丁香錢一 陳皮錢一 羌活錢一 益智仁錢一

炮姜錢一 人參錢二 白蔻仁錢一 附子錢二 甘草錢一 姜棗為引余製此嘗治癰疽陰症及雜症陽氣脫陷與寒氣逼陽於

外發熱煩燥口乾作渴投之津液頓生煩熱頓退其應如響 按此症多面目俱赤躁擾異常惟渴不多飲脈象

豁大虛空或洪數無倫宜急服參朮姜附等藥即理中四逆白通八味數湯皆可擇用不必拘定是方也

神應異功散

治潰瘍陰盛陽虛發熱作渴手足並冷脈虛無力大便自利至飲沸湯而不知其熱者 木

香 官桂 當歸 人參 茯苓 陳皮 白朮錢各一 半夏 丁香 肉蔻 附子 厚朴錢各五分 姜棗引不拘時

服此方癰疽陰症及雜症陽氣脫陷與寒氣逼陽於外發熱煩燥口乾作渴投以姜桂附子之類津液頓生煩

熱頓退其應如響此與前方意旨大概相同

神燈照法

治癰疽發背初起七日前後未成自消已成自潰不起發者即起發不腐潰者即腐潰誠良法

也、雄黃 硃砂 血竭各二錢 沒藥二錢 射香四分 共爲細末、每用三分、綿紙裹藥爲撻、長約尺餘、以真麻油潤透、

點火離燻半寸許、自外而內、周圍徐徐照之、火頭向上、藥氣入內、瘡毒隨火解散、自不內侵臟腑、初用三條、漸加至四五條、瘡自漸愈、照後隨用敷藥、如大膿已出、不必敷也、只用膏藥蓋之、

桑柴火烘法

凡癰疽初起腫痛、重若負石、堅而不潰者、桑柴烘之、能解毒止痛、消腫散、瘵毒水一出、卽能

內消、若潰而不腐、新肉不生、疼痛不止者、用之助陽氣、散瘵毒、生肌肉、移深居淺、實有奇驗、法用新桑樹根、劈成條、或桑木枝、長九寸、劈如指粗、一頭燃着吹滅、用火向患處、烘片時、火盡再換、每次烘三四枝、每日烘二三次、以知熱腫潰肉腐爲度、此古法也、但桑柴火力甚猛、宜用於未潰之先、可以生發陽氣、速潰速腐、若已潰之後、或瘡口寒、或天氣寒、或肌肉生遲者、亦須烘之、使肌肉常煖、法以桑木燒作紅炭、以漏杓盛之、懸患上、自四圍烘至瘡口、或高或低、總以瘡知熱爲度、每日烘後、再換敷貼之藥、蓋肌肉遇煖則生、潰後烘法、亦瘍科所不可缺也、

灸法

凡癰疽初起、七日以前、開結拔毒、非用灸法不可、不痛者灸至知痛、瘡疹者灸至不疼、蓋着毒則不痛、

至好肉則痛、必灸至知痛者、令火氣至好肉方止也、着皮肉未壞處則痛、着毒則不痛、必灸至不疼者、令火氣着毒方止也、法以紙蘸水、滿覆患上、看紙先乾處、卽先灸之、但灸法貴於早施、如證起二三日卽灸、十可全八九、四五日卽灸者、十證可全六七、六七日灸者、十證可全四五、愈早愈妙、其法不一、有隔蒜灸者、有當肉灸者、有用黃蠟灸者、有用附子灸、豆豉灸、鱗鱗灸者、一壯灸至百壯、以效爲度、至艾壯之大小、則量瘡勢以定之、然灸有應忌

者。如腎俞發不宜灸。恐消腎液。手指不宜灸。因皮肉澆薄。恐皮裂肉努。至於頭乃諸陽之首。諸書俱云禁灸。若誤灸。逼毒入裏。令人痰喘上涌。反加大腫。然遇純陰下陷之證。必當灸之。不灸。則不能回陽。若半陰半陽之證。則仍當禁而不灸。

隔蒜灸法

大蒜切成片、約三錢厚、安瘡頭上、用大艾壯灸之、三壯即換一蒜片、若漫腫無頭者、以濕紙覆其上、視其先乾處、置蒜片灸之、兩三處先乾、兩三處齊灸之、有一點白粒如粟、四圍紅腫如錢者、即於白粒上灸之、若瘡勢大、日數多者、以蒜搗爛鋪於瘡上、艾鋪蒜上灸之、蒜敗再易、以知痛甚爲效。凡癰疽、流注、鶴膝風、每日灸二三十壯、癰疽陰瘡等證、艾數必多、宜先服護心散、以防火氣入內、灸小兒、先將蒜置大人臂上、燃艾候蒜溫、即移於小兒毒上、其法照前、經云、寒邪客於經絡之中則血泣、血泣則不通、不通則衛氣從之、壅遏而不得行、故熱、大熱不止、則肉腐爲膿、蓋毒原本於火、然與外寒相搏、故以艾火蒜灸之、使開結其毒、以移深居淺也。

黃蠟灸法

凡癰疽發背、惡瘡頑瘡、先以濕麵隨腫根作圈、高寸餘、實貼皮上、如井口形、勿令滲漏、圈外圍布數重、防火氣烘膚、圈內鋪蠟屑三四分厚、次以銅漏杓盛桑木炭火、懸蠟上烘之、令蠟化至滾、再添蠟屑隨添、以井滿爲度。皮不痛者毒淺、灸至知痛爲度。皮痛者毒深、灸至不知痛爲度。去火杓、即噴冷水少許於蠟上、俟冷起蠟、蠟底之色青黑、此毒出之徵也、如漫腫無頭者、亦以濕紙試之、於先乾處灸之、初起者一二次即消、已成者二三次即潰。潰久瘡不斂、四圍頑硬者、即於瘡口上灸之。蠟從孔入、愈深愈妙。其頑腐瘵膿盡化、收斂甚速。

附子餅灸法

生附子爲末、黃酒合作餅、如三錢厚、安瘡上、以艾壯灸之、每日灸數壯、但令微熱、勿令疼痛。如餅乾、再易餅灸之。務以瘡口紅活爲度。治潰瘍氣血俱虛、不能收斂、或風寒襲之、以致血氣不能運行者、實有奇驗。

豆豉餅灸法

癰疽發背、已潰未潰、用江西淡豆豉爲末、量瘡大小、黃酒合作餅、厚三分、置患處灸之、餅乾、再易餅、如已有瘡孔、勿覆孔上、四布豆豉餅、列艾其上灸之、使微熱、勿令肉破、如熱痛、急易之、日灸三度、令瘡孔出汗、卽瘥。

鱗螬灸法

疔瘻惡瘡、諸藥不驗者、取鱗螬剪去兩頭、安瘡口上、以艾灸之、七壯一易、不過七枚、無不效者。

麥冬粳米飲

此方治癰疽陰瘡、法當艾灸、或灸太過者、或陽瘡不應灸而誤灸者、以致火毒入裏、頭項浮腫、令患者頭項浮腫、神昏痰湧、吁吁作喘、急服此藥、以清解火毒甚效。

麥門冬去心粳米各三錢

水二鍾、煎一鍾、徐徐

熱服。

洗法

洗有蕩滌之功、滌洗則氣血自然舒暢、其毒易於潰腐而無壅滯也。凡腫在四肢者、湯漬之。在腰腹脊背者、淋之。在下部者、浴之。俱以布帛、或棉蘸洗、稍涼卽易、輕者日洗一次、重者日夜洗二次、每日洗之、不可間斷。凡洗時、冬月要猛火以逼寒氣、夏月要閉窗以避風涼、若不慎此、輕則有妨收口、重則恐變純陰、夫洗藥不一、如初腫與將潰者、俱用葱歸湯腫湯燙洗。如陰證不起者、俱用艾茸湯敷法。如潰後俱用豬蹄湯燙洗。用豬蹄湯者、

以助肉之氣而逐腐也。此滌洗之法，乃瘍科之要藥也。

葱歸湯腫湯

此湯治癰疽瘡瘍，初腫將潰之時，用此湯洗之，以瘡內熱癢為度。
葱頭七個 當歸 獨活

白芷 甘草 各三錢

右五味，以水三大碗，煎至湯醇，濾去渣，以絹帛蘸湯熱洗，如稍涼，再易之，洗時切忌風寒為要。

艾茸敷法

此膏治陰瘡黑陷而不痛者，用之為良，以知痛則生，不知痛，同紫血者死，然必內服大補回陽之劑以助之。
硫黃 五錢 雄黃 五錢 艾茸 右以硫雄二味為末，同艾入水煎半日，水將乾取艾出搗爛，溫敷患處，再煎再易，十餘次為度。

豬蹄湯

此湯治癰疽諸毒流膿者，熬好洗之，以助肉氣，消腫散風，脫腐止痛，去惡肉，活死肌，潤瘡口，如腐盡者，不必用之，當以米泔水熱洗之，令瘡潔淨，不可過洗，過洗則傷水，皮膚破爛，難生肌肉，斂口矣。
黃芩 甘草

當歸 赤芍

白芷 蜂房

羌活 各等分

右七味，為粗末，看證之大小，定藥之多少，先將豬蹄前蹄一隻，

用水六碗，煮蹄軟為度，將汁濾清，吹去汁上油花，即用粗藥末一兩，投於汁中，再用微火煎十數沸，濾去渣，候湯微溫，即用方盤一箇靠身，於瘡下放定，墮用軟絹蘸湯淋洗瘡上，并入孔內，輕手捺盡內膿，庶敗腐宿膿，隨湯而出，以淨為度，再以輭帛疊七八重蘸湯，勿令太乾，覆於瘡上，兩手輕按片時，帛稍涼再換，如此再按四五次，可以流通血氣，解毒止痛去瘀也，洗訖，用絹帛挹乾，即隨證以應用之藥貼之。

鍼法

經云、癰氣之瘵者、當以鍼開除去之、又云、鉞鍼末如鋒銳、以取大膿、故曰取膿除瘵、用鉞鍼也、其輕重疾徐、自有一定、在人心度量用之、不可亂施、蓋皮薄鍼深、反傷好肉、肉厚鍼淺、毒又難出、大抵腫高而軟者、在肌肉鍼四五分、腫下而堅者、在筋、蠟鍼六七分、腫平肉色不變者、附於骨也、宜鍼寸許、若毒生背腹肋脇等處、宜扁鉞斜入、以防透膜、鉞既透膿、視瘡口必有膿意如珠、斯時欲大開口、則將鉞斜出、欲小開口、則將鉞直出、所謂逆而奪之、順而取之也、隨以棉紙燃蘸元珠膏度之、使膿會齊、二三時將燃取出、瘡口貼太乙膏、四圍敷烏龍膏、元氣虛者、必先補而後鍼、膿一出、則諸證悉退、再者用鉞自有其時、不可太早、亦不可太遲、如十日之間、瘡尙堅硬、用鉞當頭點破、半月後不作膿腐者、用鉞品字樣三孔開之、不問深淺、以知痛爲住、隨用藥筒拔法拔之、又有不宜鍼者、如癭瘤結核之類、肚臍骨節近筋之處、及冬月閉藏之時、皆在所禁也、（鉞式及製鉞法、均見徐批外科正宗）

砭法

凡癰疽紅腫色赤、遊走不定、及赤遊丹毒、紅絲疔、走散時毒、瘀血壅盛等證、皆宜行砭石之法、然忌其太深、內經所謂刺皮無傷肉也、法用細磁器擊碎、取有鋒芒者一塊、用筋一根、將頭劈開、夾而縛之、用二指輕捺筋梢、以磁鋒對患處、懸寸許、再用重筋一根、頻擊筋頭、令毒血遇刺皆出、至次日腫未全消、再量行砭之、以腫消紅散爲度、

烙法

癰疽流注、經久不消、內潰不痛、官用火鉞烙之、二枚一樣、形如筋粗、頭圓長七寸、燃時蘸香油炭火上

燒紅、於瘡頭近下斜入、向輒處烙之、一烙不透、再烙必得膿水、不假手按流出、方用棉紙撮撚如繩狀、隨深淺撚入烙口、餘紙分開、外貼膏藥、此古法也、今罕用之、蓋恐患者驚懼、故以陽燧錠代之、

陽燧錠

蟾酥末 硃砂末 川烏末 草烏末 直姜蠶一條 以上共和勻、用硫黃一兩五錢、置杓內、微火炖化、次

入前蟾酥等末、攪勻、卽傾入濕磁盤內、速盪轉成片、俟冷取出、收磁罐內、用時取甜瓜子大一塊、要上尖下平、先用紅棗肉擦灸處、粘藥於上、用燈草蘸油撚火焯藥錠上、灸五壯、或七壯九壯、畢、卽飲米醋半酒鍾、候起小炮、用鍼串破、出黃水些須、貼萬應膏、其毒卽消、如風氣痛、用筋子於骨縫中按之、酸痛處、以墨點記灸之、再諸瘡初起、於腫處各灸三五壯、立瘥、

蒸法

癰疽發背、痔漏、惡瘡、癰瘡、久頑不斂等瘡、用牛皮膠一塊水熬、稀稠得所、攤厚紙上、每剪一塊貼瘡口、次用醞醋煮軟布二塊、乘熱罨膠紙上蒸之、稍涼再易、蒸至瘡癢膿出至盡、豫用貫衆二兩煎湯熱洗去膠紙、外用膏藥貼之、次日日照前蒸洗、直至膿盡瘡乾爲度、

拔法

治發背已成將潰時、膿毒不得外發、必致內攻、乃生煩躁、重如負石、非此法拔提、毒氣難出也、羌活

獨活 紫蘇 蕪艾 鮮菖蒲 甘草 白芷各五錢 連鬚葱三兩 預用新鮮嫩竹筒一段、口徑一寸二三、長七

寸、一頭留節、用刀剗去外青、留內白一半、約厚一分許、靠節鑽一小孔、以杉木條塞緊、將前藥放入筒內、筒口用葱塞之、將筒橫放鍋內、以物壓、勿得浮起、用清水十大碗滄筒、煮數滾、約內藥濃熟爲度、候用、再用拔鍼於瘡頂

上一寸內、品字放開三孔、將藥筒連湯用大瓷鉢盛貯、至病者榻前、將筒藥倒出、急用筒口乘熱對瘡合上、以手捺緊、其筒自然吸住、約待片時、藥筒稍涼、拔去塞孔木條、其筒自脫、將器倒出筒中物色、看是何樣、如有膿血相黏、鮮明紅黃之色、一二杯許、乃是活瘡、治必終愈、如拔出物色、純是敗血、氣穢紫黑、稀水而無膿意相黏者、此氣血內敗、肌肉不活、必是死瘡、強治亦無功矣、此法家傳屢有經驗、如陽瘡易潰易膿之症、不必用此、以傷氣血、惟陰瘡十五日前後、堅硬不潰不膿者用之、此法有回天之效、醫家不可缺也、此吸毒之法、袋膿瘡亦可用、

敷法

如意黃金散

治癰疽發背諸般疔腫、跌撲損傷、濕痰流毒、大頭時腫、漆瘡火丹、風熱天泡、肌膚赤腫、乾濕脚氣、婦女乳癰、小兒丹毒、凡外科一切諸般頑惡腫毒、隨手用之、無不應效、誠爲瘡家良便方也、
天花粉 上白四兩

黃柏 色重者

大黃 姜黃

白芷 各五錢

紫厚朴

陳皮

甘草

蒼朮

天南星

各八錢

各藥切片、曬乾分研、每樣

稱準、合和再研、好瓶緊塞、凡遇紅赤腫痛、發熱未成膿者、及夏月火令時、俱用茶湯同蜜調敷、徐日、蜜調祇能清熱、不能收口、如

微熱微腫、及大瘡已成、欲作膿者、俱用葱湯同蜜調敷、如漫腫無頭、皮色不變、濕痰流毒、附骨癰疽、鶴膝風等症、

俱用葱酒煎調、如風熱惡毒、皮膚亢赤、紅色光亮、形狀遊走不定者、俱用蜜水調敷、如天泡火丹、赤遊丹、黃水漆

瘡、惡血攻注等症、俱用大藍根葉搗汁調敷、加蜜亦可、湯潑火燒、皮膚破爛、麻油調敷、要在臨用之際、察其寒熱

溫涼用之爲妥、此卽通行圍藥

四虎散 治癰疽腫硬、厚如牛領之皮、不作膿腐者、南星 草烏 半夏 狼毒各等分 右為細末、用豬腦

同搗、徧敷瘡上、留正頂出氣、此治寒痰之敷藥、

眞君妙貼散 治癰疽諸毒、及異形異類、頑硬大惡疔瘡、走散不作膿者、宜用此藥、不痛者即痛、痛甚者即

止、明淨硫黃八兩 蕎麥麵 白麵各四兩 共一處、用清水微拌、乾濕得宜、木箱內曬成麵片、單紙包裹、風中陰

乾、收用、臨時再研極細、用新汲水調敷、如皮破血流、濕爛疼苦等症、麻油調搽、天泡火丹、肺風酒刺、染衣青汁調

搽並效、

回陽玉龍膏 治背疽陰病、不腫高、不掀痛、不發熱、不作膿、及寒濕流注、冷痛痺風、諸濕腳氣、手足頑麻、筋

骨疼痛、及一切皮色不變、漫腫無頭、鶴膝風等、但無皮紅肌痛者、一概用之、俱有功效、草烏三兩 軍姜三兩 赤

芍炒 白芷 南星煨各一兩 肉桂五錢 右照製共為細末、熱酒調敷、此藥有軍姜肉桂、熱血生血、既生既熱、恐轉致壅

而為害、故有草烏南星可以破惡氣、祛風毒、活死肌、除骨痛、消結塊、回陽氣、又有赤芍白芷、足以散滯血、住痛苦、

加以酒行藥性、攻通氣血、雖十分冷症、未有不愈者、誠為寒灰之焰、枯木之春、大抵病冷則肌肉陰爛、不知痛癢、

其有痛者、又多附骨之痛、設若不除、則陰根透體、尋常之藥、固莫能及矣、

沖和膏 治癰疽發背、陰陽不和、冷熱不明者、紫荊皮五兩 獨活三兩 赤芍二兩 白芷一兩 石菖蒲一兩 右

為細末、葱湯熱酒、俱可調敷、紫荊皮乃木之精、能破氣、逐血消腫、獨活土之精、動蕩凝滯血脈、散骨中冷痛、去麻

痺濕石菖蒲水之精、善破堅硬、生血止痛、破風消腫、白芷金之精、能去風生肌定痛、赤芍火之精、能生活血散瘀除痛、蓋血生則肌肉不死、血動則經絡流通、故肌活不致爛痛、經通不致壅腫、此爲散風行氣、活血消腫、祛冷軟堅之良藥也、其中五行相配、用者再無不效、又流毒骨疽冷症、尤效、此風痰之圍藥

烏龍膏

治一切癰疽發背、無名腫毒初發、焮熱未破者、神效、陳粉子隔年小、砂鍋焙炒、初炒如錫、久炒則

乾成黃黑色、冷定、又放地上、放出火毒、研爲末、陳米醋愈陳愈好調糊、熬如黑漆、磁罐收貯、臨用攤紙上、剪貼之、卽如

冰冷、疼痛隨止、少刻覺痒乾、亦不可動、或纏裹之、久則自消、力盡脫落、藥易功大、濟生者珍之、

圍法

名鐵桶膏、治發背將潰已潰時、根脚走散、不收束者、用此箍之、又名鐵箍散、

銅綠五錢、明礬四錢、膽礬三錢、五倍子一微炒、白芨五錢、輕粉、鬱金各二錢、麝香三分、右爲極細末、用陳米醋一碗、杓內慢火

熬至一小杯、候起金色黃泡爲度、待稍涼、用藥末一錢、攪入膏內、每用焮溫、用新筆塗膏於瘡根上、以綿紙蓋之、

瘡根自生縐紋、漸收漸緊、再不開大、此收束之要藥、凡散漫之毒皆可用、

琥珀蠶礬丸

治癰疽發背已成未膿之際、恐毒氣不能外出、必致內攻、預服此丸、護膜護心、亦且散血解

毒、白礬一兩、黃蠟一兩、雄黃一分、琥珀一錢、硃砂一分、蜂蜜二錢、右將白礬等四味、先碾研極細、另將蜜蠟銅

杓內溶化、離火片時、候蠟四邊稍凝時、方入上藥攪勻、共成一塊、以一人將藥火上微烘、衆手急丸、小菜豆大、用

硃砂爲衣、瓷罐收貯、每服二三十丸、白湯食後送下、病甚者、早晚日進二次、最效、此護心緩治之方不可少、外科

有此丸、護心散可不必製矣、

頭瓶糝 丁香一錢 血竭三錢 白芷三錢 兒茶五錢 草烏五錢 山柰五錢 甘松五錢 華撥一錢 乳香一錢 沒藥一錢 右各研極細

末、再稱準、共研極勻、瓷瓶收貯、勿令洩氣、腫瘍初起、糝膏上貼之、未成者消、已成者潰、

二瓶糝 延胡索五錢 牙皂一錢 麝香三分 丁香一錢 右藥製法同上、糝潰瘍膏藥中、能呼膿拔毒止痛、凡肌薄無肉之

地、必用此藥、切不可妄面降丹、

三瓶糝 硃砂一錢 研極細 水飛淨 鑪甘石一錢 以黃連五分煎汁煨淨 川連一錢 生龍骨五錢 冰片一分 右藥製法同上、糝膏貼之、

能生肌長肉、或即薄糝新肌上、緣有深潭處、恐藥不能到也、凡糝藥總以極細為主、粗則嵌入嫩肉、亦能作疼、不

可不知、

珍珠散 珍珠一錢 人乳浸三日、夏天須每日換 乳、珠質最堅、尤宜研極細如飛麵 血竭五分 兒茶五分 石膏一錢 煨 爐甘石一錢 製法與上 赤石脂一錢 陳

年絲吐頭五分 煨 冰片一分 右藥製法同上、諸毒膿腐已盡、用此糝上、即能生肌長肉、平口收功、神效無比、但

珍珠價貴、恐醫者不能備、只用上瓶糝藥、亦遠勝於升丹也、

陰毒內消散 麝香二錢 輕粉三錢 丁香一錢 牙皂二錢 樟冰四錢 腰黃三錢 良姜二錢 肉桂一錢 川烏三錢 甲片三錢 白胡椒一錢 乳

香二錢 沒藥二錢 阿魏三錢 炒去油 右藥製法同上、陰毒初起、糝膏上貼之即消、已成即潰、惟疔毒癰瘡等毒、及孕婦

忌貼、以下二方、蔣君光緒得之於其舅家、桐鄉曹氏云、祕之已數世、施送極驗、

陽毒內消散

麝香_{二錢} 冰片_{二錢} 白芨_{四錢} 姜黃_{四錢} 南星_{四錢} 甲片_{四錢} 樟冰_{四錢} 輕粉_{三錢} 膽礬_{三錢} 銅綠_{四錢} 漂青黛_{二錢}

藥製法同上、陽毒初起、糝膏上貼之、二方皆功專於消、已破者勿糝、

當歸補血湯加防風連翹方

治瘡瘍有血無膿、搔癢不止、有血無膿、表氣不足也、諸癢屬虛、虛者可

補、當歸 防風

各二錢 黃耆_{五錢} 連翹_{二錢} 當歸黃耆、大補其氣血、連翹解諸經之客熱、防風引歸者直達於表、二

物得之而效愈速也、此藥服之數劑、諸瘡化毒生膿、膿滿毒盡、則去病根、而無溫發之患。若膿日久不乾者、去黃耆、加白朮茯苓以燥之、如治爛痘之法則善矣、

止痛當歸湯

治腦疽背疽穿潰疼痛、當歸 生地黃 芍藥 黃耆 人參 甘草 官桂_炙 當歸

生地、活血涼血、人參黃耆、益氣補中、官桂解毒化膿、毒化成膿、則痛自止、芍藥和脾、酸以斂之、甘草扶胃、甘以緩之、則痛自

減矣、齊得之曰、世人皆謂乳沒珍貴之藥、可住疼痛、不知臨病制宜、殊非一端、熱痛涼之、寒痛溫之、風痛除其風、濕痛導其濕、燥痛潤之、寒痛通之、虛痛補之、實痛瀉之、膿鬱而閉者開之、惡肉敗潰者引之、陰陽不和者調之、經絡閉澀者利之、不

可執一而無權也、

蟾酥丸

即飛龍奪命丹、治疔瘡發背、腦疽乳癰、附骨等症、一切惡症歹瘡、不疼或麻木、或嘔吐、心神昏瞶、此

藥服之、不起發者即發、不痛者即痛、痛甚者即止、昏瞶者即醒、嘔吐者即解、未成者即消、已成者即潰、真有回生

之功、乃惡症至寶丹也、蟾酥_{二錢} 輕粉_{五分} 枯礬 寒水石 銅綠 乳香_{去油} 沒藥_{去油} 胆礬 麝香_{各一錢} 蝮

牛_{二十箇} 硃砂_{三錢} 以上各為細末稱準於端午日午時、在靜室中先將蝮牛研爛、再同蟾酥和勻、方入羣藥、共搗

極勻、丸如菉荳大、每三丸、用葱白五寸、患者自嚼爛、吐於男左女右手心、包藥在內、用無灰酒送下、蓋被出汗為

效、

梅花點舌丹

治一切疔毒聖藥、藥品昂貴、殊不易製、且京都粵東售者俱佳、方故不錄、

六神丸

治喉閉一切疔瘡聖藥、蘇州誦芬堂出售、天下馳名、有力者、二藥俱可購取備用、救人性命、

又治疔瘡捷方

用陳年露天鐵鏽、碾如飛麵、將金簪脚挑破毒處一孔、納鐵鏽末於內、仍將皮蓋好、少頃

黑水流盡、中有白絲如細綫、慢慢抽盡、此疔根也、盡即立愈、又方、用甘菊花并根葉搗爛、以酒下之、立消、二方俱神效、屢試屢驗、見廣筆記

家祕爛口神效散

治口舌牙齦腐爛疼痛、及走馬牙疳、爛喉諸症、無不神效、頂上人中白一兩五錢、上孩

兒茶四錢

洋青黛三錢

蘇薄荷二錢

關黃柏一錢五

明雄黃一錢

大梅片二三分

青葉核三錢

製銅綠六分

枯白八分

雞內金二錢

白礬砂五分

共選道地藥料、為極細末、預製磁罐收貯、塞極緊、臨用時、先將溫水漱淨口中

涎穢、再蘸少許、搽爛處、含片刻、吐去毒涎、逾時又搽、勤搽數次即愈、如火重者、口臭而乾苦、大便閉結、小便短赤、

煩躁不寐等症、或吞沆瀣丹、見小兒門、酌量、或用廬蒼消疳飲、輕者不必服藥、三四日即痊、此散余家製送有年矣、

無論大人小兒口瘡、一搽即效、故不欲終祕也、得者珍之、按小兒疳瘡、至險至速、不趁早治、有數日齒牙盡落、

者、有缺唇脫鼻者、大抵無論頭面耳鼻、口唇牙齦、初起即發奇癢者、便是走馬疳症、生於口內者、速速勤搽此藥、

生於耳鼻頭面者、急搽松葱神驗膏、小兒疳瘡、莫妙於此二方、救人已多、屢試屢驗、切不必另求方藥也、如咽喉

者、有缺唇脫鼻者、大抵無論頭面耳鼻、口唇牙齦、初起即發奇癢者、便是走馬疳症、生於口內者、速速勤搽此藥、

及牙齦腐爛不堪，再加真牛黃二三分、真麝香一二分、破大珍珠粉三五分、豆腐煮半炷香、研水飛、和勻神效。無力者不加亦驗。若加麝香，孕婦忌之。

蘆薈消疳飲 治小兒走馬牙疳、身熱氣粗、牙齦腐爛、氣味作臭、內及穿腮破唇者。蘆薈 銀柴胡 胡

黃連 川黃連 牛蒡子 元參 桔梗 山梔 石羔 薄荷 羚羊角各五分 甘草 升麻各三分 淡竹葉十片引、

食後服。若大便閉結者，宜服燕萸消疳湯。即雄黃、燕萸、生大黃、蘆薈、川黃連、胡黃連、黃芩也。或沈灑丹亦可服。若服涼藥不愈，舌白不渴，大便不實，小便清長，多屬隔陽假火之症，宜請名醫診視。或用附子片以白蜜蒸熟，含嚥其汁。或用吳萸末同麵粉醋調敷足心。內服附桂八味。如白芍、元參、牛膝之類。引火下行。如純用涼藥，恐上熱未除。中寒復起，毒氣乘虛入腹。上喘下泄，手足厥冷，齒牙盡落，爪甲青，口如魚口者死。

家祕神驗松葱膏 治小兒頭面耳鼻一切乾濕疔瘡，及白禿瘡神效。此方因余女幼時屢爛頭面，諸藥不

應，即獲小愈，亦旋愈旋發，後經仿得友人治疔祕法，且參用古人驗方，合製此末，數日即愈，永不再發。年年製施，以治小兒頭面一切黃水惡瘡，藥到病除，真仙方也，不敢自私，急公同好，願仁愛居心者，廣救小兒之痛苦焉。

自製松葱膏 二兩，方以此味為君，最要製得合法，方有神驗。其法先買明淨松香一二斤，放入大銅鍋，清

水內煮烱，俟其一齊融化，滾浮水面時，用竹剗緩緩閉去熱水，速傾冷水盆中，少頃即趁熱扯拔，如作米糖式，如太燒手，入冷水一冰，即取出，不可太冷，太冷則凝定，扯拔不動，故須多手幫力，各執一團扯拔，否則易冷，冷定則

復入清水內、如前再焚、再傾、再拔、如是者少則五次、多則七次、如不厭煩、拔多愈妙、末用新鮮連鬚全葱三四斤、洗淨、稍乾水氣、搗爛、取自然汁、去滓不用、即以葱汁緩緩將松香煮乾、仍用冷水一傾、隨意做成餅式、愈陳愈妙、新者亦可用、每料另稱二兩、配下各藥、餘則存留可也、
明雄黃七錢、飛東丹即俗名國丹、五錢、炒黃柏二錢、洋青黛二錢、無

名異即漆匠所用之無名子灰、炒二錢、大梅片五分另研、後和勻、人中白三錢、上宮粉一錢五、淨輕粉五分、製銅綠五、枯白礬一錢、孩

兒茶二錢、真菘荳粉自加五錢、晒乾和勻、右選頂上藥料、共為極細末、凡搽藥須研極細末、粗則痛、知之、磁瓶塞緊、勿洩氣、用時先將爛瘡洗淨、

流水濕爛者、將綿蘸藥乾撲之、不必再洗、二三次即結痂收水而愈、乾爛者、用女人搽頭陳香油調搽、油不可太多、多則易流

、若白禿瘡俗名鬢頭、宜先將頭髮剃去、洗淨瘡痂再搽、亦用香、沸調、數次必效、不必日洗、五若禿久不愈、大便閉結者、宜

用防風通聖散料、各藥書俱載、醇酒浸、焙為細末、每服一錢、或二錢、量其強弱用之、食後白滾湯調下、服至頭上多汗

為驗、此祕法也、若白禿已入頭頂、須全削其長髮、搽藥始能除根、斷不可姑息不剃、與其終身光禿、不如暫時圓

通、愈後自然生長如常也、剃頭宜用家陳艾葉、荆芥、川椒、葱、苦參、蛇床子、金銀花等煎水淋洗更妙、

神效瘡藥散 治乳癰及乳岩神效 瓜萋大者一枚、去皮、焙為末、子多者有力、生甘草、當歸、酒浸、焙、各五

錢、乳香沒藥並另研、各二錢半、共為末、好酒三升、於銀石器內、慢火熬至乙升半、去滓、分作三服、食後良久服之、

如乳巖服此、可杜病根、如毒已成、能化膿為黃水、毒未成、則即於大小便中通利、病甚則再合服、以瘥為度、又方、

水酒各半煎服、

治乳癰潰爛方 馬銘鞠治沈氏婦患乳癰潰爛經年不見臟腐者一膜耳 雄鼠糞兩頭尖者 土棟樹子經霜

者佳、川棟不用、露蜂房各三錢、露天有子者更佳、 右藥俱煨存性、各取淨末和勻、後服三錢、酒下、間兩日一服、痛即止、不數日膿盡收斂、此方傳自江西販糖客、因治祝氏喉症得之、

治乳癰驗方 張王屋錄後江孟修兄驗過乳癰方 白芷一錢 雄鼠糞一錢 二種晒乾為末、用好酒調服、飲取

一醺睡而愈、○又一神驗方、用活鯽魚一箇、山藥一段如魚長、同搗汁敷乳上、以紙蓋之、立愈、

上三方俱見廣筆記

靈寶膏 昔嚴州一通判、忘其名、母病發背、祈禱備至、夜夢呂祖服青衣告之曰、公極孝、故來相告、以方、更遲

一日、不可療矣、通判公急市藥治之即愈、 栝萋五枚取子去壳 乳香五塊如棗大者 二味共研細末、以白蜜一斤、同熬成膏、每

服三錢、溫黃酒調化服之、大治發背諸惡瘡、日進二服、無不立效、楊王得此方、家人凡百瘡毒、依此治之、立愈、遂

合以施人、無不驗者、漏瘡惡核、並皆治之、此即鄭府朱保義所說神妙方是也、

治發背對口及一切癰疽方 潰爛有回生起死之功、 宮粉一兩 輕粉 銀硃 雄黃 乳香製淨 沒藥

各二分五厘製淨 共研極細末聽用、先將好茶葉煎濃湯、洗患處、後將公猪腰子切開、摻藥五分於腰子上、蓋患處、待藥如

蒸、良久取去、一日一次、拔毒滅痛、潰出濃穢、不可手擠、輕者二次愈、重者五七次愈、此方濟人甚衆、切勿輕視、

發背真祕方 又治初起、取水蛭置腫上、飲血、腹脹自落、別換新者、脹蛭以水養即活、症亦痊、 狗牙取大者或

二三 炒黑、研極細末聽用、先將生葱熬湯洗瘡、再將前末用好醋調敷患處、卽愈、

發背神膏方

此方得之甚難、禮下於人、設法購求、後方得傳、遇患照方修合、無不應效、
滴乳香簪包、燒紅、去

油、四兩、
淨沒藥簪包、燒紅、去油、四兩、 鮮血竭四兩要紅、 白兒茶四兩 上銀硃四兩 杭定粉四兩 好黃丹四兩 好銅綠二兩 以上之藥、

各另研無聲、篩細末共一處、臨時照患處之大小、用夾連泗油紙一塊、用針多刺小孔、每張稱藥五錢、用真芝蔴

油調攤在油紙上、再用油紙一塊蓋上、周圍用小片帶扎縛、瘡上用軟細帛扎緊、自然止痛、化腐生新、過三日將

膏揭開、濃煎葱湯、將瘡上洗淨、軟綳拭干、將膏翻過、用針照前多刺小孔貼之、取其又得一面之藥力也、無火之

人、內服十全大補湯、有火之人、減去肉桂、姜棗煎服、兼以飲食滋補、無不取效、至重者用膏二張、百無一失、

治對口瘡仙方

此名天疽、十有九死、不可不慎、鯽魚一尾、去鱗腸、搗爛、入頭垢五六錢、再搗極勻、加白

蜜半杯、攪勻、從外塗入、裏面留一孔出毒氣、二次全消、卽時止痛、如已成形、有頭將出膿、或他醫已治不效、而出

膿者、內服三香定痛散、則能起死回生矣、

三香定痛飲

原方無分兩、臨用延醫酌定、木香 黃芪 紫蘇 人參 厚朴 甘草 桔梗 官桂

烏藥 當歸 芍藥 白芷 川芎 防風 乳香 沒藥 右水一鍾、姜三片、棗二枚、煎八分、食後服、

又治對口瘡捷方

鮮茄蒂七箇乾者加倍 鮮何首烏一兩 右用河水三碗、煎一碗、食遠服、一服出膿、兩服收口、又

余友人傳一治對口驗方、用鮮白茄蒂七枚、乾者亦可 桃葉尖九片、同搗爛敷、未成者自消、已成者卽潰、潰後卽用白

茄蒂研極細末加上梅片少許、乾糝上、或入神異膏中、見後蓋貼之、洗換數次必愈、

炙粉甘草膏 治懸癰已成、服藥不得內消者、服之未成者即消、已成者即潰、既潰者即斂、此治懸癰良藥

也、大粉草四兩用長流水浸透、炭火上炙乾、再浸再炙、如此三度、徐曰、愈多、炙愈妙、切片甘草三兩當歸身三兩水三碗、慢火

煎至稠膏、去渣再煎、稠厚爲度、每日三錢、無灰好熱酒一大杯化膏、空心服之最妙、和平良劑、凡下體之疾皆治、梘按懸癰破

後、往往成漏、不強治、亦不遽傷生、余見一友患此二十餘年、後因他病而歿、全生集載初起未成膿時、用生甘草

熟大黃各三錢、酒煎空心服、一劑即愈、余昔有一僕將隨同北上、先行之三日、忽患此、一夜大如葡萄、投以此方、

果一劑而消、此僕甫二十餘歲、甚壯實、當是濕熱結聚所致、故奏效如神、虛人須斟酌、以上治懸癰方、見外科

正宗、

治繫瘤法 芫花淨洗帶濕、不得犯鐵器、於木石器中搗取汁、用線一條、浸半日、或一宿、以綫繫瘤、經宿即落、

如未落、再換線、不過兩次自落、後以龍骨並訶子末、敷瘡口即合、依法繫爛痔、累用得效、繫瘤法、蘇沈良方有

用蜘蛛絲者、然費力、不如此徑捷、如無根、只用花泡濃水浸綫、亦得、趙氏家姊、嘗用此法繫腰間一瘤、不半日即

落、亦不痛、見續名醫類案

治紫白癩風神方 白癩風即白花色汗斑也、紫癩風、即紫黑色汗斑也、雄黃 硫黃 全蝎 白殭蚕

白附子 蜜陀僧各五錢 麝香二分 右爲極細末、以搗取生薑自然汁調擦之、日三次、四五日除根、按書中所載

極多、試之殊少驗者、惟此方屢試如神、初擦微痛、至斑變極黑色、即不用搽、逾三日、黑即散盡而痊矣、

治遠年男女陰陽血癬牛皮各癬奇效方

土荊皮二兩 木鼈子一箇 柝榔七箇 防風一錢 麝香二分 冰片三分

三土螺螄即蝸牛、雨天房屋瓦上或天井內、花臺潮處皆有、用七箇、用頂好乾燒酒二斤、將前藥浸在有嘴瓦罐內、封固七日、勿令洩氣、搽患處

即愈、多搽永不再發、愈後終身戒食牛肉螺螄、不致再患、

土大黃膏

治乾濕頑癬不論新久、但皮膚頑厚、串走不定、惟癢不痛者、硫黃八兩 生礬四兩 點紅川椒二兩 右

各為末、用土大黃根搗汁、和前藥調成膏、碗貯、新癬抓損擦之、多年頑癬、加醋和擦、如日久藥乾、以醋調擦、牛皮

癬用穿山甲抓損擦之、妙、此搽藥最效、土大黃俗名禿菜根、楣按頸項之癬、先用刀剃、次以土大黃醋磨極濃

汁、新筆蘸塗、微覺癢痛、乾則再塗、次日即結痂、更數日痂落、皮肉如常、余曾親試、如不用刀剃、則不癢痛而無效、

見外科正宗

銀粉散

治一切頑癬、輕粉 黃丹 白膠香 瀝青各等 右為細末、麻油調、拭淨、或抓破、竹片挑搽、二

次便乾、數次剝去殼也、治牛皮癬如神、按此方鐵線粉、蜜陀僧、硫黃、皆可加用、

治久癬變成濕爛瘡方

蘆薈一兩 甘草半兩 相和令勻、先以溫漿水洗癬、乃用舊乾帛子拭乾、便以二

味合和敷、立乾癢神效、

治癬驗方

大露蜂房、不拘多少、以生白礬填入孔內、用破罐底盛之、仰口朝上、用炭火煨、令白礬化盡為度、

取出研末、擦癬上、一二次、即除根不發、

治乾瘡煎藥

羌活 蒼朮 菖蒲 靈仙 銀花 首烏 胡麻 牛膝 苦參 連翹 黃柏 川連

赤芍 甘草分兩臨時酌用

洗癬疥膿窠方

苦參二錢 川椒三錢 右二味煎水洗之、

治瘡合掌丸

是丸有數方傳世、惟此至驗、治乾疥膿窠一切諸瘡、 大楓子四十九粒去殼 樟冰 花椒 楫榔

各三錢 枯礬 雄黃各一錢 水銀一錢 白芷五分 硫黃三錢 北杏仁一錢五分 去皮尖

藥共搗為末、另研核桃須用半斤去殼搗爛、取油、臨用將油和為數丸、如龍眼大、乾則易之、日間手搓鼻聞、并擦患處、須五七次、夜則合於掌中而睡、不數日愈、真仙方也、洗服藥方見前、此方用生豬板油、去皮膜同搗、夏布紮包、勤搽、亦效、然終不如以核桃油調為妙、

消風散

治風濕浸淫血脈、致生瘡疥、搔癢不絕、及大人小兒風熱癩疹、遍身雲片斑點、乍有乍無、並效、 當歸 生地 防風 蟬蛻 知母 苦參 胡麻 荊芥 蒼朮 牛蒡子 石膏各一錢 甘草 木通各五分 水二

當歸飲子

治血燥皮膚作癢、及風熱瘡疥搔癢、或作疼痛、 當歸 川芎 白芍 生地 防風 白蒺藜

荊芥

何首烏各一錢 黃耆 甘草各五分 水二茶鍾、煎八分、食遠服、 按上二方、為治風搔痒俗名風包、又名癩疹、之大

茶鍾

煎八分、食遠服、

當歸飲子

治血燥皮膚作癢、及風熱瘡疥搔癢、或作疼痛、 當歸 川芎 白芍 生地 防風 白蒺藜

荊芥

何首烏各一錢 黃耆 甘草各五分 水二茶鍾、煎八分、食遠服、 按上二方、為治風搔痒俗名風包、又名癩疹、之大

茶鍾

煎八分、食遠服、

法、善醫者可隨症加減用之、前方重在消風清熱、後方重在養血祛風、初起者宜前方、久患者宜後方、如初起外感甚重、而有惡寒發熱頭身痛著、消風飲內、並可加川羌活一錢、川芎五分、薄荷八分、銀花連翹各一錢五分、去胡麻知母苦參、無寒熱、但見口渴煩燥、紅痒異常者、原方不必加減、

防風升麻湯

總治十種丹毒、防風 升麻 黑梔仁 麥冬 荆芥穗 木通 粉葛 薄荷 玄參

牛蒡子

各二錢

甘草五分

便閉加大黃利之、燈芯十莖、水煎熱服、

磁鍼砭法

用磁器、輕輕敲破、取其鋒銳之片、將筋頭劈破、橫夾磁片、用線紮緊、以磁鋒正對丹毒之處、另以

筋一條、於磁鋒筋上、輕輕敲之、其血自出、多刺更妙、毒血出盡、立時見功、治丹若不砭去惡血、專用搽敷、十不

救一、按凡治丹毒、俱宜先服防風升麻湯以解毒發表、次用磁鋒針去其血、則毒隨血散、至神至捷、百發百中、

又方、芸薹菜、即油菜也、取菜葉搗爛敷之、隨手即消、如無生菜、乾者為末、水調敷、凡丹毒偏身、或連腰周匝、百

方不能治者、惟此最神、○又法、取側扁柏葉

刺柏不可用

一枝、泡放開水內、少頃、俟稍溫、向赤丹抽打、眼邊莫打、恐冷粗心傷眼、冷

則復向熱水內一蘸、稍溫再打、凡有丹處、均宜連打一二十下、片刻丹毒自退、此方極能清散血分中風熱、打後

再用砭法、更佳、

黃連神膏

治一切血熱癰毒、未破者即消、已破者即愈、○此方加入銀花一兩、尤妙、雅黃連三錢當歸尾五錢

生地一兩黃柏三錢姜黃三錢官白芷三錢香油一斤二兩、無香油、將藥燥枯、撈去渣、下黃蠟四兩、溶化盡、用夏布將油濾淨、

傾入磁盆內，以柳枝不時攪之，俟凝爲度。

治軟癬方 鳳凰衣燒灰、入輕粉少許、油調敷之。○大枳殼一枚。去瓢、磨令口平、以稠麵糊塗四圍、覆貼癬上、自破膿出、甚妙。

豬頭散 治軟癬愈而復作、此方因療病、人以豬頭謝之、故名。野蜂房二三箇、燒爲末、另用巴豆肉三七粒、清油煎三沸、去豆取油、調蜂房末敷之、立效。○又枯白凡末、油調敷之、亦效。

三物散 治鬢邊生軟癬、名發鬢、有數年不愈、用此極效。豬頭上毛、貓頸上毛、各燒存性各一撮、鼠屎一枚、右爲末、加輕粉少許、清油調敷、得效。

治諸癬孔內凸出努肉方 取烏梅肉搗爛、量大小攤貼即消、神妙無比。

治腋癰異方 俗名撐夾。昔有周七者、少年曾患毒腋下、得一異方、用糯米炊飯、乘熱入鹽塊、夾葱管少許、搗極爛如膏、貼患處輒消、至中年腰間忽生一毒、熱如火、板硬痛不可忍、僂偻跣躄、自分必死、屢藥不效、忽憶前方、如法貼之、未幾大便去糞、如宿垢甚多、硬者漸軟、數日而愈。

治天蛇頭方 俗名蛇頭指、又名蛇指頭。蜈蚣^{一條}、雄黃^{三錢}、二味共研作細末、用雞子清調搽、即愈。又方、

豬胆入雄黃末五分、蜈蚣末五分、套指上繫緊、過一宿、重者兩次、必效。豬膽中加入大梅片、真蟾酥各半分、搥勻、更妙、貧者不加亦可。

隔紙拔毒生肌神膏 此方傳自陳鳳笙姻伯得諸伊戚高山龔姓一老外科、甚爲祕密、凡可繫繫處、

無論各種癩毒癰疽、但須已潰者、莫不神驗、今一同傳出、幸毋忽視、
金銀花^{三錢}、青黛^{一錢}、製甘石^{五錢}、白蠟^{五錢}、宮

粉^{三錢}、冰片^{五分}、血結^{一錢}、共研細末、用生豬板油、去膜同搗、再用油紙大塊、向中間多多刺眼、
如患處大以透藥性、末將

膏藥薄薄刮上、二面閉摺藏藥在內、外用帶子紮住、縛一二日後、揩去膿垢、或仍照紮、或換過藥、如膿乾、即不必

開看、有數日自然肌滿而痊、

又隔紙膏治臙瘡祕方

此症生在兩脛內外臙骨、女人患此、名裙邊瘡、治法亦同、
白蠟^{五錢}、甘石^{三錢}、銀

硃^{一錢}、銅綠^{五分}、枯凡^{五分}、大梅片^{二分}、右藥研極細末、另包、用麻油二兩、全頭髮少許、
男用女用男髮、熬至滴水成珠、方下

各品、惟白蠟梅片、須起鍋時加之、再用油紙一塊、中間密密刺孔、如患處大、以通藥氣、末將膏藥刮上、兩面對摺、

藏藥在內、四圍亦須向內略捲、免藥流出、外加帶子紮住、餘照前法、此隔紙膏治臙瘡驗方也、周新田兄得自祕

授、屢試效如桴鼓、囑付梨棗、以廣流傳、

白油膏

治臙瘡數十年不愈者、數日即可收功、捷如影響、並治禿頭瘡、坐板瘡、及一切年久濕熱諸瘡、膿血

不止、久不收口等症、此方百發百中、神妙非常、乃臙瘡第一方也、
真桐油^{三兩}、防風^{五分}、白芷^{各一錢}、放油內泡一

夜、入鐵器內、慢火熬枯、去藥、瀝淨渣、將油再熬、俟欲開時、用雞蛋一箇、去殼、放油內炸至深黃色、去蛋不用、再將

油用火慢熬、俟油色極明、能照見人鬚眉、入白蠟六分、黃蠟四分、鎔化、趕緊用竹紙十餘張、乘熱浸入油內、一張

一放一起、冷透火氣、須張張隔開、風前吹透、若放一處、雖數日火氣難退、貼上毒氣內逼、難以收功、視瘡大小裁

紙貼上、頃刻膿粘滿紙、棄去再換、一日換十餘次、數日膿盡、肉滿生肌、膿盡後、不貼、亦可生肌、膿多者黃蠟六分、白蠟五分、不得稍爲增減、

黃油膏

治臙瘡屢試如神、並一切癰毒火瘡、日久不愈、亦效、松香白水煮透、取出放冷水內、搓洗數十下、

扯拔
尤佳

再煮再洗、如此九次、倒地待冷取起、每一兩加輕粉三錢、銀硃一錢、白蜜少許、煉老成珠、加菜油少許、炖熱

攪勻、看瘡之大小、作餅置瘡上、將細條紮住、一周時取下、用滾水搓洗極淨、翻轉再貼、周時取下、再洗再貼、只要一箇藥餅、直貼到好、不須另換、待瘡已好、將此藥餅洗淨收貯、如遇此瘡、再與別人貼、仍照一周時、一洗一貼、此餅若醫過三人之後、貼上即愈、若醫過十人、更能速愈、奇絕妙絕、

治螺螄骨爛祕方

俗名螺螄眼、

陳小石螺螄

白色的大路頭、或河邊、或古土牆、均有此物、

炕燥、去殼內泥、放地上退火毒、再

研極細末、加上梅片少許和之、灑患處、一二日即愈、余幼時爛此三年、膿血淋漓、諸藥罔效、後得一老農傳授此方、三日即痊、

楊梅瘡

此瘡初起、必口角生白核而爛、掌心似鵝掌癬、久則掌心與肘皆生厚癬如皸、若見此據、定是此瘡、

按楊梅痲、如痲也、楊梅痘、如痘也、楊梅結毒、聚成大顆爛也、詹珍圃得一方、用麻黃一錢、經霜紫背浮萍五錢、鼈魚一箇、重五六兩、去腸雜、用麻黃浮萍共入罐、加水煮極爛、食之、七日全愈、且不致肚疼、其法最妙、近刻新選驗方、用水銀、枯白凡、皂凡、口津調之、手中揉治亦妙、武弁年二十餘歲、患楊梅瘡月餘、捺其肌膚、起指而色白、

緩緩乃復紅、此氣血凝滯尙淺也、用舊方蝦蟆一箇、去腸雜、金銀花一兩、獨蒜十餘枚、水煎爛服、取汗、次日瘡發全身、三日後結痂、七日痂落全愈、 王漢皋案

又治楊梅瘡祕方 癩蝦蟆一隻、大者更佳、紅眼者有毒、不可用、取時不可拿重、恐走蟬酥、宜用圓口小瓶一箇、置於地上、緩緩趕其自進、量能飲酒半斤者、下酒一斤、須折半斤可服、其瓶口用木針針固、仍以紙條封緊、不可出氣、慢火煨煎、先將瓦瓶與酒共蝦蟆稱過、煎若干、煎折半、可住火、除去蝦蟆、止取清酒溫服、服後即將棉被覆暖、取汗、俟汗乾方可起動、切勿坐立當風處、恐又受風、若上部瘡多、略吃些粥服、下部瘡多、空心服、如服未愈、停三四日再服一箇、即全愈、且終身不發、屢驗之方也、

蠲毒換肌飲 治梅瘡 冷飯團 白色者木槌打碎、四兩、 右以長流水四大碗、大砂鍋內、煎至三碗、入後藥 黃瓜萋

連仁杵爛、或細切一箇、 黃芪 鹽水炒、三錢、 白芍 當歸 各一錢五分 木瓜 白芷 風藤 白蘚皮 貝母 天花粉 穿山甲 皂

角刺 甘草節 各一錢 漢防己 七分 金銀花 三錢 鼈虱胡麻 炒研二錢 豬胰子 切碎二兩 右再煎至一大碗、通口頓服、胃弱者分

爲二服、日三服、

史搢臣治梅瘡方 當歸 五錢 淨銀花 防風 荊芥 何首烏 勿犯鐵器、木棒打碎、各三錢、 肥皂子 九箇打碎 土茯苓 銚鋒刮去皮、木棒

打碎、 豬脰 一具 河水 六錢 瓦器煎濃、每早中晚空心溫服一碗、恪守禁忌、雖年久毒重者、二十劑即收功、且無後患、

此方平淡而有神效也、 見本草綱目

又治梅瘡捷法 治楊梅瘡不問新舊並效、不過旬日必愈、即近刻新選驗方、膽礬末 白礬末 水銀

各三錢五分 入香油津唾各少許、和勻、坐無風處、取藥少許、塗兩脚心、以兩手心對脚心、擦摩良久、再塗藥少許、仍照

前再擦、用藥盡即臥、汗出、或大便去垢、口出穢涎為驗、連擦三日、煎通聖散 見各醫書 澡洗、更服內疏黃連湯、或敗毒

散、愈後服葶藶湯、有熱加芩連、氣虛參芪、血虛四物之類、土茯苓 俗呼冷飯團、每服二兩、水三鍾、煎一鍾半、去滓、徐

徐溫服、病甚患久者、以此一味為主、而加以兼證之劑、

又洗藥方 石菖蒲 荊芥 防風 羌活 獨活 金銀藤 地骨皮 何首烏 甘草 右日日煎水洗

之陳修園曰、大毒大破之藥、不堪以療內病、惟楊梅瘡、或毒發周身、或結於一處、甚則陰器剝、鼻柱壞、顛潰不斂、

其病多從陰器而入、亦必使之從陰器而出也。法用牽牛研取頭末、以土茯苓自然汁泛丸、又以燒裨散為衣、每

服一錢、生槐蟲四錢、以土茯苓湯送下、一日三服、服半月效、 又曰、諸瘡痛癢、皆屬心火、黃連苦寒瀉心火、所以

主之、余因悟一方、治楊梅瘡棉花等瘡甚效。連翹 蒺藜 黃連 金銀花 各三錢、當歸 甘草 苦參 荊芥 防風 各二錢、另

用土茯苓二兩、以水煮湯去滓、將此湯煮藥、空心服之、十日可愈、若係房慾傳染者、其毒乘腎氣之虛、從精孔深

入中腎、散入衝任督脈難愈。宜加龜板入任、生鹿角末入督、黃柏入衝等藥、並先吞服牽牛丸。 見前條 令黑糞大下

後。再加前湯、如神。

治楊梅瘡祕方 初起方法宜清表。 防風 一錢五分 荊芥 一錢五分 川芎 一錢 柴胡 八分 酒芩 一錢 升麻 八分 葛根 一錢 當歸 一錢

五蟬退錢一連翹五分白蘇皮錢五分皂刺錢一猪胰子二枚先以土茯苓二兩煎湯去滓復將前藥炆服日一劑二三劑後再服後方

神應散

肥皂核燒存性、五錢、另研末、此味最不可少荆芥穗 北防風 何首烏 天花粉 嫩苦參各一兩白當歸 白蘇皮

各三錢 金銀花五錢 薄荷葉五錢 白蒺藜三錢 淨連翹三錢 粉甘草二錢 共為細末每日用新鮮白土茯苓八兩、新鮮雄猪肉

宜多 一斤、水數大碗、再入前末藥五分、肥皂核末子一分、煮爛濾去渣、其肉聽食、湯代茶、不過十日全愈、如善食

肉、可作大劑與之。善後或以陰八味、或以二妙地黃等湯加減收功、永無後患。方見赤水元珠、筋骨疼痛者、靈仙木瓜若北杏仁之類、皆可隨宜加入、

擦藥方法 極佳、與前擦法大同小異、水銀 明凡各一兩 杏仁 大黃各二兩 胆凡三錢 俱為細末、用香油拌勻、

擦手脚心、前後心、每日擦三次、不可見風擦至七日、口中熱氣出、或喉嚨作痛、乃藥力到也、以後服解毒藥二帖

除根、 防風 荆芥 牛蒡子 元參 生地 連翹 黃芩 黃連 大黃各三錢 白蘇皮一錢 土茯苓四兩 水六碗、

煎三碗、不拘時服、按治楊梅法、各種不一、大抵以服輕粉升丹者為下品。而薰法次之。茲所選各方、皆至靈至

驗、不但可就痊愈、且可永無後患、至神應散、尤屬治楊梅祕法。切勿輕視。余一友人曾得驗方、祕而不宣、即至戚

密友、亦不輕以示之、即此法也、雖患此種病症之人、皆由慾火焚身、自作自受、樂極生悲、原不足惜、然既陷入火

坑、沾此惡疾、有削其陰器者、有壞其鼻柱者、甚至毒入骨髓、禍及妻孥、或諱疾忌醫、庸工誤治、非送性命、即絕後

昆、未嘗不可哀憫也、今廣求博訪、將所受祕密諸方、一一災諸梨棗、得者珍之。是書方法雖多、然遇是症、但遵用

一二則可矣。不必雜試。反爲不美。且須勸有力之家。廣行善事。或多刷此書。救人疾苦。庶慰鄙懷。如居奇射利。一味藉端需索。則利災樂危。居心鄙俗。天理所不容也。

雞燈疳魚口下疳方 婦人陰戶臭爛。亦用此藥愈。熟乳香 冰片 珍珠末 象牙末 兒茶 各三分

擦面粉 一兩入傾銀罐內 牆上白螺螄殼 洗淨、入傾銀罐 煨過淨末一兩、 右共研細末。磁瓶收固。若要上藥。先用米泔水煎滾。入雄

黃三錢於湯內。淋洗患處。然後上藥。不拘男婦。三日後立效。

又治下疳方 土牆上白螺螄殼灰 錢一 五椀子灰 分二 燈草灰 分五 甘草灰 分五 黃柏灰 分四 輕粉 分四 牛黃 分五 兒茶 分五

冰片 分五 右爲細末。先用皮硝湯洗。次用土茯苓湯洗。後將藥摻患處。上二方加用蠱注竹粉。尤能止痛如神。

繆仲溥治下疳神方 黃柏 宮粉 膩粉 杏仁 珠末 冰片 右研末敷之。無不愈者。後去膩粉

杏仁。加黃芩。更以大小薊地骨皮湯洗淨敷之。效更良。

又下疳糝方 橄欖燒灰研極細末糝之

又治下疳極祕神方 鮮小薊 鮮地骨皮 各三兩 煎濃汁浸之。不三四日即愈。一切極痛者。屢用神效。上

方見廣
筆記

清毒散 治小兒胎中遺毒。膿血淋漓。患赤剝楊梅瘡胎皆然者。白蘆甘石 煨過淨入黃連汁內三次 黃柏 豬膽

塗炙七次 紫甘蔗皮 燒灰存性 七錢 兒茶 錢五 葦荳粉 分七 冰片 分五 赤石脂 錢五 共爲末。先用麻油入雞蛋黃煎黑去黃。候

冷調搽即愈、內服丸藥、

內服丸藥方 真西黃分三 硃砂 雄黃分各七 乳香 沒藥分各五 麝香分一 山茨菰錢一 共為末、蜜丸、重三分、金銀

花湯、每日調服一丸取愈、

外治楊梅瘡法 銅綠 膽礬錢各五 輕粉 石羔各一兩 共研極細末、磁罐收貯、濕瘡乾糝、乾瘡豬膽汁調點、

一日點三次自愈、 又方用輕粉三錢、冰片五分、杏仁四十九粒、去皮尖、去油取霜、先將杏仁研極細、和輕粉冰片研勻、

豬脊髓調點、若瘡一二枚、既大且硬、須先用白降丹少許、拔腐毒氣、後用上藥收口、

洗楊梅瘡方 黃柏 黃芩 黃連 白芨各五錢 川椒三錢 黃蠟五錢 食鹽少許、煎湯洗之、 又方用前方入好

醋、入冬青葉三四十皮同煎、取葉貼、渣煎湯洗、又方用土葛蒲一味煎湯洗瘡、即得收口、

神異膏 治發背癰疽、及諸般毒腫瘡癤、貼之、其效如神、膏藥甚多、效驗無出於此、 露蜂房 杏仁各一兩 黃

芪七錢五分 蛇退鹽水洗淨 元參各五錢 亂髮雞子大 香油十兩 黃丹五兩 右先將油及髮、銚中熬、候髮烺盡、入杏仁、候杏仁黑色、

布濾去滓、乃入黃芪元參熬一二時、稍停、入蜂房蛇退攪熬、至紫黑色、又濾去滓、慢火熬、下黃丹、急攪千餘轉、滴

水不散、膏即成矣、瓷器收貯聽用、

烏金膏 治潰瘍肉死不腐、若有毒根、以紙撚蘸紙即斂、 巴豆去心膜炒黑、一味研如膏、點疔肉上、臨用修合則

不乾、

化腐紫霞膏

治發背已成、瘀肉不腐、及不作膿者、又諸瘡內有膿而外不穿潰者、俱用此膏、不腐爛者自

腐、不穿潰者自破、其功甚於烏金膏、及碧霞錠子、

輕粉

草麻仁

研、各三錢

血竭

二錢

巴豆

研白仁、五錢

樟腦

一分、螺螄肉末、二錢、用肉晒乾為末

右各為末、共碾為一處、瓷罐收貯、臨用時旋用麻油調擦頑硬肉上、以棉紙蓋之、或膏貼亦可、至頑者不過二次、即軟腐為膿、點諸瘡頂亦破、

生肌玉紅膏

此膏專治癰疽發背、諸般潰膿棒毒等瘡、用在已潰流膿時、先用甘草湯淋洗患上、軟絹拭

淨、用抵脚挑膏於掌中捺化、徧捺新腐肉上、外以太乙膏蓋之、大瘡早晚洗換二次、兼服大補脾胃暖藥、腐肉易

脫、新肉即生、瘡口自斂、此乃外科收斂藥中之神藥也、

白芷

五錢

甘草

一兩二錢

歸身

二兩

血竭

輕粉

各四錢

草二錢、麻油一斤

先用當歸、甘草、紫草、白芷、四味、入油內、浸三日、大杓內、慢火熬煎微枯色、細絹濾清、將油復入杓

內煎滾、下整血竭化盡、次下白蠟、微火化之、用茶鍾四枚、熱水燙熱、將膏分傾四茶鍾內、候片時、方下研極細輕

粉、每鍾一錢、攪勻、候至一伏時取起、不得加減、致取不效、徐曰、此膏即藥油也、乃去腐生肌之總方、其調入之

末、隨症加減、

加味太乙膏

治發背癰疽、及一切惡瘡、跌撲損傷、濕痰流毒、風濕風溫、徧身筋骨、走注作痛、內傷風鬱心

腹、胸背攻刺作疼、腿脚酸軟、腰膝無力、湯潑火燒、刀傷棒毒、五損內癰、七傷外症、俱貼患處、又男子遺精、婦人白

帶、俱點臍下、臟毒腸癰、亦可丸服、諸般瘡癩、血氣癩痒、諸藥不止痛痒者並效、肉桂 白芷 當歸 元參

赤芍 生地 大黃 土木鼈各二兩 真阿魏二錢 輕粉四錢 槐枝 柳枝各一段 血餘一兩 乳香五錢 沒藥三錢 右各味、併

槐柳枝、用真麻油足秤五斤、將藥浸入油內、春五夏三、秋七冬十、候日數已畢、入潔淨大鍋內、慢火熬至藥枯浮

起為度、住火片時、用布袋濾淨藥渣、將油秤準足數、將鍋刷淨、復用細舊絹將油濾入鍋內、要清淨為美、將血餘

投下、慢火熬至血餘浮起、以柳槐挑看、似膏鎔化之象、方算熬熟、淨油一斤、將飛過黃丹六兩五錢、徐徐投入、火

加大些、夏秋充熱、每油一斤加丹五兩、不住手攪、候鍋中先發青烟、後至白烟、疊疊旋起、氣味香馥者、其膏已成、

即便住火、將膏滴入水內、須軟硬得中、如老加熟油、若嫩加炒丹、每各少許、漸漸加火、務要冬夏老嫩得宜為佳、

候烟盡撥下鍋來、方下阿魏、切成薄片、散於膏面上化盡、次下乳沒輕粉攪勻、傾入水內、以柳棍攪成一塊、再換

冷水浸片時、乘溫每膏半斤、扯拔百轉成塊、又換冷水投浸、用時每取小塊、銅杓內焯化、隨便攤貼至妙、此通治

之要方、

萬應紫金膏

此膏能治百病、凡男婦大小、瘰癧痰癧對口發背、乳癰魚口便毒、疔瘡熱癰、手足腰背疼痛

閃挫損傷、及一切無名腫毒、俱貼患處、哮吼喘嗽、貼心窩、瀉痢、貼臍眼、百發百中、功效無窮、赤芍 當歸 紅

花 黃芩 防風 荊芥 連翹 黃柏 僵蠶 蟬退 白芷 甘草 胎髮 大黃 銀花 蜈蚣 川烏

草烏 羌活 蒼朮 細辛 川椒 秦艽 乳香 沒藥 骨碎補 首烏 蛇床子 木別子 大楓子

生南星 生半夏以上各五錢 用猪油、麻油、桐油、各半斤、將前藥浸入油內、如春夏浸三日、秋冬浸七日、傾銅器內、

文武火熬至藥色焦黑、取起濾渣、再熬、加炒黃丹十兩、用槐枝不住手攪動、熬至滴水成珠、再加白蠟五錢、隨即取起、用槐枝攪勻、收入瓦罐、浸水中、拔去火毒、用時以布攤貼、
觀音膏能治百種病症。世多知者。茲故錄。

白玉神膏

此方治手足潰爛、並久瘡不收口、及下疳等症均效、減半製亦可、

盧甘石

四兩、先以黃芩黃連黃柏、用童便煮汁候

冷、方將甘石入傾銀罐內煨紅、淬入童便汁內許久、再研細水飛、

龍骨一兩五錢、煨透水飛、

真乳香五錢、

真沒藥五錢、

輕粉一兩、

血竭五錢、

赤石脂一兩、

生甘末一兩、

二錢 正川連 一兩

五錢 枯凡 兩

水粉 兩

銀硃 兩

大梅片 八錢

以上各藥研極細末、過絹篩聽用、先以猪板油四斤、去皮膜、

乾淨鐵鍋熬化、細布濾淨渣、仍熬滾、方加黃白蠟各四兩、再熬化、離火、將各藥末放入油內、攪至極勻、十日用綿紙攤貼患處、去毒生肌極妙、

跌打

玉真散

治一切刀傷、跌傷、打傷、及破腦傷風等症、此乃兵部傳出祕方、天下第一金鎗藥也、

白附子 十二兩

白芷 兩 天麻 兩 生南星 兩 防風 兩 羌活 兩

右六味切忌火炒、概宜生用、研極細末、就傷處敷上、倘傷重須內服、

者、可用黃酒浸服二三錢、立愈、但附子南星、須製過、製法見後、方可服、否則恐致麻倒、

如受傷數日、傷口膿多者、用溫茶避風洗淨、再敷此藥、無膿、不必洗、

按白附南星、宜用生料、用在外敷、立能止血、住痛、消腫、其神效固不可殫述、惟內服似宜製過、蓋生南星得防風

雖可不麻、而與生白附全用、終覺有毒、曾見陳修園醫學實在易中所載、生南星用酒炒、白附子分兩減半、用麵粉裹為衣、置火上煨熟、較為平穩、服之神效、若好善君子、肯製此方、不如敷服藥各製半料、其價甚廉、所全甚多也、

回生第一仙丹

治跌傷、壓傷、打傷、刀傷、銃傷、割喉、吊死、驚死、溺水死等症、雷擊死雖未試過、想亦可治雖遍體重傷、死已

數日、只要身體稍軟、用此丹灌服少刻、即有微氣、再服一次、即活、大便如下紫血更妙、惟身體僵硬者難救、此係豫章彭竹樓民部家傳祕方、道光初年、民部宰直隸時、有人被毆死已三日矣、民部往驗、見其肢體尚軟、打開一齒、以此丹灌服一分五釐、少刻其屍微動、再灌一分五釐而活、其餘甫經毆殺或毆死一二日者、全活尤多、終歲無一命案、維時磁州地震、壓斃甚衆、民部製丹、遣人馳往救活、下千人、大有起死回生之妙、誠千古第一仙丹、

如能施藥傳方、救得一人之生、可全兩人之命、造福真無量也、

活土螿蟲

又名地螿、又名蠶箕蟲、形扁不能飛、大小不等、色黑而亮、背有橫楞、前窄後寬

、以大如大指頭為佳、小者功緩、雄的更好、用刀截為兩節、放地上、以碗蓋住過夜、其蟲自接而活、方是雄的、隨處皆有、多生米店有糠之處、及碓臼下、倉底灶脚、冬天灶脚更多、或生麵舖、或油榨坊、並空屋乾燥之處、總在鬆土內尋覓、取活的、去足、放瓦上小火焙黃研細、用淨末五錢、死的不效、**自然銅** 放瓦上木炭火內燒紅、入好醋淬、半刻取去、再燒再淬、連製九次研末、要親身自製、藥店製多不透不效、用末三錢、**真乳香** 以形頭黃色如膠者為真、不真不效、每一兩用燈草二錢五分同炒枯、與燈草同研細、吹去燈草、淨末二錢、**真陳血竭** 飛淨**真硃砂** 飛淨**巴豆** 去壳研、用紙包歷數次、去淨油、用淨末二錢、**真麝香** 三分、要

當門子、以上各藥揀選明淨、眼同研極細末、收入小口磁瓶、口大藥易洩氣用蠟封口、不可洩氣、大人每用一分五釐、小

兒七釐、酒冲服、牙關不開者、打開一齒灌之、必活、要藥稱準、方效、灌時多用水酒、使藥下喉為要、活後宜避風調養、若傷後受凍而死、須

放暖室中、最忌見火、如活後轉心腹痛、此瘀血未淨、急將白糖三兩、熱酒、或滾水沖服、自愈、製活土蠶蟲法取土蠶數十枚放瓦罐內、以紅花末子

養之、約至二三十天後、不必再加紅花末子、大蟲自食小蟲、只剩十餘枚、須再照前焙製好聽用、功效更神、

七釐散 專治金瘡跌打損傷、骨斷筋折、血流不止、先以藥七釐燒酒沖服、復用藥以燒酒調敷傷處、瘡口大

則乾糝之、定痛止血、立時見效、上硃砂一錢二分、淨麝香二釐、冰片二釐、乳香五分、紅花五分、明沒藥五分、血竭

一兒茶二錢四分於五月五日午時為極細末、密貯、每服七釐、不可多服、

八釐散 治跌打損傷、瘀血攻心、將死之症、灌藥即醒、土蠶去足、生半夏二箇、同焙乾、一錢、乳香一錢、沒藥一錢、自然銅

一錢 骨碎補焙去毛 血竭一錢 歸尾一錢 礪砂一錢 共研細末、磁罐收貯、每用八釐、好酒送下、

治跌打損傷神效膏 此方專治刀砍斧傷、跌打損碎、敷上立時止痛止血、更不作膿、聽其結痂自落、即

見全愈、傷處須忌風忌水、真麝香六分、上四六分、輕粉四分、淨樟腦三兩、真血結一兩、真兒茶一兩、製沒藥一兩、淨乳香一兩

以上八味、選料稱準、共研極細末、以密羅篩過聽用、

金鎗鐵扇散神方 此方乃韓士勇得諸盧福堯福堯係塞外神僧所傳、治法甚奇、驗案甚多、茲不贅錄、得

者珍之、象皮五錢、切薄片、用小鍋焙黃、龍骨五錢用上白、老材香一兩、山陝等省無漆、民間棺殮、俱用松香黃蠟塗於棺內、色、以乾為度、勿令焦、者生研、數十年後。有選者、棺朽另易新棺、其朽棺內之香蠟、

即謂之老材香、東南各省無老材香、即以數百年陳石灰一兩代之、其效驗可與老材香同、寸柏香一兩、即松香一兩、與寸柏香一同鑿化、攪飛礬一兩、將白礬入

以上六味、共五兩、研為細末、貯盜罐中、遇於刀石破傷者、用藥敷傷口、以扇向傷處搨之、立愈、忌臥熱處、如傷處

發腫、煎黃連水、用翎毛蘸塗之、立消、或經多日已爛、流膿血者、亦用黃連水洗去膿血、敷藥一二日即愈、敷藥時、若血流、急用扇搨、倘血不流、則不必用扇、倘傷重在地滾跌、難以敷藥、可縛其手足、令臥涼地、用枕墊其首、使傷口漸合、即敷藥搨之、自少頃血凝、不出三日必愈、此方無論何等重傷、即人已昏絕、但胸口微溫者、無不可救、人皆知破傷忌風、而此獨用扇搨、不免致人之疑、蓋當傷口初破、熱血逆流、勢若泉湧、不能受藥、惟藉扇力、使血稍涼、乃能凝結、故雖冬月、亦忌臥熱處、傷口不必用布裹、以致過煖、難以結痂、并忌飲酒、以致血熱妄行也、鐵扇散始用此法、餘藥仍宜避風、

黎洞丹

治一切無名腫毒、昏困欲死、並跌打損傷、瘀血奔心、昏暈不醒等症、牛黃 冰片 各二錢五分 阿魏

雄黃

各一兩

麝香

三錢五分

生大黃

兒茶

天竺黃

人參

三七

乳香

去油

沒藥

去油

血竭

膝黃

隔湯煮十數次、去沫、用子羊血拌晒、如

有山羊血加五錢、不必用子羊血、以上藥各二兩、

右共為末、將膝黃化開為丸、如芡實大、若乾少用白蜜、外用蠟皮封固、每服一丸、川無灰

酒送下、外敷用茶滴磨塗、忌一切生冷發物、按此丸藥味昂貴、殊難修合、廣東購來者、頗有神驗、凡遇跌打以

及中毒危險重症、倘灌下一丸、無不立活、真有起死回生之功、特附刊以俟大君子之採擇、

治婦人脚閃腫痛方

不必用瓦鋒吸筒、此末一敷即愈、但不可服、以有生半夏故也、當歸尾 二錢 製乳

沒 二錢

白芥子 一錢

生半夏 一錢

肉桂子 一錢

生川烏 一錢

共為極細末、燒酒調敷、乾濕得中、用布裹之、此方得諸程

友、據云授自一張老師、精於跌打、極為祕密、臨危時始肯洩出、并囑須到二藥店分檢、余試用之、價廉效速、敷上

友、據云授自一張老師、精於跌打、極為祕密、臨危時始肯洩出、并囑須到二藥店分檢、余試用之、價廉效速、敷上

一夕、卽痛止腫消、輕則一料、重則兩料、必愈、卽男子閃脚、及折抑手腕、用之亦效。此方藥味不多、而活血、散瘀、行氣、化痰、無法不備、真仙方也、

中毒

瘋狗咬奇方

此症七日發作、緩則七七日、至百日定當發作、卒病心腹絞痛、如刀割裂、神識不清、病劇、中心無賴、自抓其胸、嚼其舌、齧其指、齧其膚肉、甚至嚼衣服磁器、不過二、三時卽死、慘狀難言、欲辨病症、是否、須以蒲扇向病人重扇、見風卽身縮戰慄甚、又急鳴鑼、聞聲卽心驚、確是中癩犬毒無疑、卽驗犬是否病癩、亦以蒲扇風試、見風卽戰慄、又以鑼聲試、聞聲卽亂竄、確是瘋犬無疑、當其觸毒、尙未發作、一聞鑼聲、其癩卽激發矣、人與犬皆然、犬用烏藥一兩、加入方中、煎水拌飯與食、卽被瘋犬咬傷、斷不發癩、人則於受毒時、或毒已發時、急煎服一劑、至一七後、再嚼生黃豆、不作腥氣、不令心惡欲嘔、毒尙未盡、急再煎一劑、及至二七三七後、知豆腥氣、則毒盡矣、永保無恙、方、卽人參敗毒散、加地榆紫竹根、又驗瘋犬、凡見其舌出流涎、拖尾亂竄、不吠而咬人者、卽是、最易辨也、真紋黨 羌活 獨活 柴

胡 前胡

茯苓

川芎

枳殼

桔梗

生薑

生地

榆

紫竹根

甘草

錢各三

錢各二

錢三

錢一

錢一

錢三

此病有服馬前子方

蛇咬傷

凡遇毒蛇咬傷、惡毒攻心、半日必死、急取竹桿烟筒內烟油、又名烟屎、其色如醬、用冷水洗出、飲一二碗、受毒

又名烟屎、其色如醬、

重者、其味必甜而不辣、以多飲爲佳、傷口痛甚者、內有蛇牙、多用煙油揉擦、必出、此爲蛇咬第一仙方、切不可疑

而自誤。道光八九年間，粵西崇善縣地方，有農人被毒蛇咬住，繞纏不放，急服煙油數碗，並以煙油滴蛇口內，蛇即鬆口落地而死，其人無恙。庚寅年余村有一十四歲童子，田間被毒蛇咬傷，立時腫痛難支，早聞友人談及此方，殊不甚信，急忙中以此試之，教以多飲，如覺辣則不可再進，誰知入口甜美，飲至二碗餘，始覺味辣，片刻止痛，翌日腫消盡而愈，特急傳之。蜈蚣咬傷，亦以竹桿煙筒放火上烤出油擦之，立效。

治蜈蚣傷神方 附食物中蜈蚣毒方，取新鮮樟樹葉煎水，服一二碗，立刻吐出毒水，自安。用蜒蜉塗上，其痛立止，屢試神效。又方，取蝸牛捺取汁，滴入咬處，亦極驗，如無上二物，即取桿煙內油擦之，三法外，諸方所不及也。

解砒霜毒方 卽信石也，此症如用鴨血治好，終身戒食鴨。防風一兩研末，冷水調服，或用四兩冷水搗汁灌服，亦可，屢試如神，萬無一失。

又救砒霜毒方 無名異卽漆匠用以煉桐油、收水氣者，研末吞下卽活。邵銘三云，一人常稱無名異善解砒霜，其友不信，請面試先服砒霜，後服無名異，果無恙。會稽邵銘三先生傳。

急救吞鴉片煙靈方 土膽礬末四錢生甘草末三錢，晒乾研末、不炒，以上藥末加白蜜一兩，沖入開水大半碗，攪勻，扇涼灌服，吐盡卽活，此方已救人無數，靈驗之至。

又急救吞鴉片良方 南礬砂三錢木香八分，右爲極細末，用開水攤涼，送下一錢，立卽嘔吐，如逾一時不吐，

再服一次、必效。上二法已救多人、只用一方、不必同服、無論服毒輕重、雖勢至危險、手足青黑、照法救治、無不回生。切忌灌服醬油、恐受鹽滷之毒、反致誤事。若服藥亂雜、亦多不救。慎之慎之。按救吞洋煙之法、莫妙於上二方者。好善君子、若能預製救人、天必佑之、凡吞煙者、暫時不可飲熱湯物、過後不忌

戒洋煙神驗方

厚杜仲

二錢鹽水炒

龍骨

三錢研

吧噠杏仁

二錢廣鬱金

牡蠣

三錢煨粉

金毛狗脊

三錢

三懷牛膝

三錢

旋覆花

一錢絹包

甘草

三錢

西川續斷

一錢

使君子

三錢

老姜

三兩

十七味煎成濃汁、每日於未發癮之先、將開水盪熱一大鍾、視癮之大小、酌服藥汁多少、服一頓、即斷一頓煙、如不能止癮、再添服藥汁、斷不可吃煙、服二三劑後、將大土皮漸次遞減、減至絕無土皮、其藥亦可不服矣、戒斷之後、切勿再吸一口、以免前功盡棄、是爲至要、

湘潭王社庭先生傳「附加減法」如初戒腰痛、再加杜仲續斷各一錢、腹痛氣痛加、上沉香末八分、木香末一錢、俟藥膏煎成再下、蓋沉木二香、忌火故也、喉嚨發嗽、加川椒一錢五分、白雷丸一錢、枯凡八分、心神不安、加茯神二錢、腹脹氣滿、加花楸榔二錢、川朴一錢五分、遺精夢泄、加金櫻子二錢、白蓮鬚一錢五分、腳軟加宣木瓜、千年健各二錢、痰多加姜汁炒半夏、姜汁炒川貝各二錢、廣皮一錢五分、皆於第二料藥膏中加之爲妙、

一顧某浙江人、其癮大、每日吃煙一兩、沈某湖北人、其癮小、每日吃煙三錢、後得此方、同日戒煙、顧某服至七劑而癮斷、沈某服至四劑而癮已斷、恐未除根、多服一劑、俱未服他藥、而食量大進、一友人朱某因病吃煙、遂成癮、每日四錢、屢戒而癮不能斷、余授以此方、朱某係候補人員、公事

壽世新編 中藥

八一

奔馳、煎熬攜帶俱不便、改爲丸、不用大土皮、以煙灰過籠、如熬煙一般、第一劑用煙灰四錢、第二劑用三錢、第三劑用二錢、第四劑用一錢、每日喫四次、每次喫二十顆、據云吃第二劑、飯量已進、吃第三劑、並思吃酒、其癮已斷、但不放心耳、故減灰一錢、多喫一劑、以後則並不用灰矣、但以灰和丸、不如用大土皮熬膏、其效更速、卽大癮不過數日卽斷也、余兄弟見洋煙流毒無窮、害人非淺、乃廣求博訪、兼以重幣厚儀、幸感天緣、得遇異授外洋戒煙各種祕法、或丸、或散、或湯、一服卽斷、癮丟槍、並不用絲毫煙膏和入、永無後患、戒去者已不下千餘人、誠非虛語、近日藥品愈鍊愈精、並無發憊等症、然諸方盡傳、而此獨不欲洩出者、非留以射利也、蓋藥半出外洋、購來匪易、且恐製合不精、反致誤事、或恃此不恐、時戒時服、適滋弊端、如廣行陰隲者、敝處儘可如價代製、決不妄取分文、致干陰譴、茲特將至平至驗之一方、先爲刊出、但攬用土皮、功力稍緩、然百病不生、亦勝於諸方萬萬矣、

附治生漆瘡方

凡人聞漆氣中毒、以致面目四肢浮腫生瘡、癢不可耐、古方用杉木、或蟹壳煎洗、殊不甚驗、惟用生韭菜搗汁搽之、不過三日卽愈、如無韭菜時、卽韭根亦可、此方屢試多人、無不神驗、

雜方

治湯火傷方

凡湯泡火傷、無論輕重、急用童便灌之、以免火毒攻心、或用白沙糖熱水調服、或蜂蜜調熱水灌之、均可、第一不可用冷水及井泥溝泥等物、卽使痛極難受、亦必忍住、倘誤用冷水淋之、則熱氣內逼、輕則

爛入筋骨。手足彎縮。纏綿難愈。重則直攻入心。則難救矣。先用麻油敷之。再用糯米淘水。去米取汁。加真麻油一茶鍾。多加更妙。用筷子順攪三千下。切莫倒攪可以挑起成絲。用舊筆蘸油搽上。立刻止痛。愈後並無疤痕。神效無比。

又方 先用真桐油真麻油亦可敷之。敷後上加食鹽少許。再用生大黃研末撒上。立刻清涼止痛。愈後亦無疤痕。至神至驗。

又方 湯火傷治不得法。以致焮赤腫痛。毒腐成膿。用麻油四兩。當歸一兩。入麻油內煎焦。去渣再入黃蠟一兩。攪化。隔水拔火氣。以布攤貼。立能止痛生肌。神效之至。此方治瘡傷亦佳。

治火爆傷眼方

三七葉搗汁。點入三次。即愈。或用三七磨水滴入。亦可。屢試如神。凡湯盪火燒。痛不可

忍。或潰爛。或惡瘡。用松樹皮剝下陰乾。爲細末。入輕粉少許。生油調稀敷。如敷不住。紗絹帛縛定。即生痂。神妙不可言。然宜預先合下。以備急需。自剝落而薄者尤妙。李莫安撫方。用牛皮膠入少湯。干火上鎔稠。狗毛剪碎。以膠和毛攤軟帛封之。直至痂脫不痛。吳內翰家婢夜炊米。釜翻傷腿膝。以夜不敢白。比曉已潰爛。用此治之而愈。

王洪緒治一婦小腿經燙。醫用冰片研雪水敷之。不一刻腿腫如斗。痛極難忍。曰。幸在小腿。若腰腹間。遏毒入內。難挽回矣。以地榆研細。調油拂上。半刻痛止。再拂數次。全愈。一使女炭火燙足背。爛一孔。以伏龍肝散乳調敷。不三日而愈。一孩被滾湯澆腹。因痛抓破皮。麻油拂上一次。痛止。以地榆末乾糝破處。次日肌生。未破者全愈。

錢國賓曰。余欲之遂昌。宿旅次。聞隔房人呼痛。夜不安枕。次日問店主。對曰。小价提滾水一桶上樓。與客洗面。其子拿盆後上。舊桶底脫。滾水燙子之頭。今腫如斗。面目皆平。七日不食矣。余即往視。滿室皆臭。用夏枯草一斤。

爲末、以香油調、腫處厚敷上、即時止痛止臭、三日消腫、八日痂落、切忌食醬料、面有黑斑、店主如言藥治而愈、後余回其子叩謝、按患此症者甚多、治法不一、特廣採數則、以備臨時擇用、

祕傳通治三十六種喉科

預留真青魚胆、以明礬末實之、陰乾備用、此方男女通治、惟恐雙單蛾、脹

塞咽喉、牙關緊閉、不能入藥、男女則吹藥少許入左右鼻、俟少頃口開、再於喉嚨內、吹藥一二次、即愈、緣喉症有朝患

夕斃之險、況專業喉科者亦鮮、陡患此症、急忙無計延醫、即遇、又恐藥不應時、故此藥不可一日不備、寧可千日

不用、此方靈應非常、以下各藥、只牙皂青果烏梅三味可見火、餘宜晒乾、研細末、磁瓶貯存、黃蠟封固、待用、切勿

洩氣、薄荷五錢 桔梗二錢 礪砂二錢 鵝不食草二錢 山豆根三錢 青魚胆一錢 兒茶一錢 黃柏一錢 姜蠶一錢 雲連一錢 元明粉一錢 上

四冰片五分 真麝子五分 牙硝五分 血結五分 槐米五分 牙皂五分 真熊胆五分 土茯苓五分 川烏梅三箇、明雄五分、硃砂五分、水

飛、青黛五分 青果二箇、不拘鮮鹹、大粉草一分 九龍胆一錢、即何首烏內之木心是也、

辛烏散

卽角藥、功同回生丹、治風痰喉閉最神、京赤芍一兩 草烏一兩、長者不用、牙皂五錢 芥穗五錢 紫荊皮

一兩、微北細辛五錢、淮五錢 赤小豆五錢、即紅飯豆、非藥肆赤小 甘草五錢 生地五錢 北小柴胡五錢 連翹五錢 以上諸藥、

不宜火焙、放日中晒燥、共研細末、磁瓶收入、勿走氣、臨用以井水調噲、爲取痰聖藥、如痰盛者、加摩風膏四五匙、

濃汁入之、效更速、口外腫處、用角藥調擦、又作洗藥、以荊芥同煎水洗之、如懸癩風、生於關 加南星末少許、約三

四匙、

摩風膏

川烏用尖 燈芯灰不拘多少。燒灰存性、入辛烏散用、

冰硼散

即回生丹、平淡四味、實有奪造化之奇功、回生之妙術、大抵喉科得此數方、功已十居八九矣、冰硼

散、又小兒口瘡用之亦效、誠妙品也、功難盡述、慎勿泛視、大梅片六厘 麝香四厘 硼砂一錢 芒硝三分 共研極細末、吹

患處、開關後、次日去射香、此藥須研如灰塵、方見效、滿口猛吹、俾口內都到、藥末粗細、功效迥別、又四味另研極

細、臨用現合研勻更妙、按初起喉痛、總以消風、利膈、為主、如荆防枳桔甘草數藥、最不可少、審其有風寒外感、

喉舌白色、痰涎壅盛者、再加羌獨活、川芎、白芷、半夏、雲苓、前胡、蘇子之類、輕劑泡服、陰寒重者、當用姜椒桂附一派溫藥、審其為風熱

外受、喉舌赤色、口渴便短者、加入姜蠶、薄荷、元參、貝母、牛蒡、連翹之類、薄煎漱咽、陰虛陽浮者、其症痰少、咽中乾痛、

或五心煩熱、或脈象細數、切不可誤用風門諸藥、法當大劑育陰潛陽、如龜阿龍牡冬地、元參牛膝之類、火重者、當用芩連梔柏諸品、若陰虛而兼火旺者、當於二法參用、此其大略也、若神而明之、則存乎其人

耳、凡初起宜先吹角藥、吐去痰涎、再吹冰硼散、重則吹上祕傳通治方、喉爛、宜吹前載爛口神效散、潰甚者、加真

牛黃珍珠、真麝諸末、和勻勤吹、未有不愈者也、

小兒喉鵝神方

喉間起疱、腫痛甚者、兩兩脹塞、名為雙鵝、勺水不能下咽、治稍遲緩、呼吸氣閉、往往致斃、

此方可保不發、大人亦可用、斷燈草數莖、纏指甲就火薰灼、俟黃燥、將二物研細、更用火逼壁虱、即臭蟲、燒透略存性、十

箇、一併搗入為末、以銀管向所患處吹之、極有神效、又喉間方覺脹滿起疱者、急以食鹽、自搓手掌心、鹽乾、復

易新鹽搓之、數刻即消、此方亦最簡便、按前方如壁虱一時難取妙、不用亦效、有則更妙、

加味如神散

治風火牙痛、紅腫而熱、或口氣臭穢者最宜。

元明粉錢六、冰片一分、礪砂三錢、飛硃砂一錢、青黛錢

八分上兒茶五分、薄荷錢一、荊芥穗錢一、細辛五分、麝香三釐、白芷一錢、生石羔八分

共研極細、好瓶塞緊、用時蘸少許擦之、流去

熱涎自愈、孕婦忌之。

又風火牙痛驗方

麤碗一箇、入潮腦二兩、於碗底內、上加蘇薄荷五錢、以水將薄薄荷藥潤透、細辛三錢、川椒三錢、甘松

三錢、大黃三錢、白芷三錢、蓋潮腦上、用綿紙糊碗口、放炭火上煨二柱香、開看、紙上升的潮腦、每用少許擦之。

治蟲牙痛方

凡一齒痛、他齒不痛、或痛齒落後、即移易他齒作痛、牙根空腐、或微動則肉痒者、此必蟲蛀

症也、好服甜食、及酷嗜吸煙人多患之、以雄黃蟾酥花椒麝香等分爲末、以棗肉搗成膏、拌藥丸如黍米大、塞一

粒於痛處、其蟲皆化爲水而出。

治風火蟲牙方

雄黃 元明粉 潮腦 礪砂各二錢 華撥 川烏各一錢 共研極細末擦之、治風入齒縫、

脹腫作痛、宜用防風爲君、猪牙皂角荊芥升麻白芷薄荷甘草爲佐、熱挾加黃芩黃連煎服、又用青鹽煨過、淬竹瀝中、取起炙黃、又淬又炙、每青鹽一兩、將盡竹瀝一杯爲度、碾爲末、擦痛處、血水出即止、或用牙皂一錢、冰片二

分、麝香一分、點入齒縫、其痛立止。

細辛散

用清涼藥仍痛者、用此從治之法治之、畢撥錢一、川椒錢一、薄荷五分、荊芥二分、細辛一錢、樟腦五分、青

鹽一分、共爲極細末擦牙、拔出熱涎自愈、壬辰三月、余寓彼塘李戚處、見其工人汪某、牙關緊閉難開、頸結痰

核、左喉緊疼、頭痛、口流冷涎、醫與銀翹散消風清火、二服愈劇、口僅可容一指、乞診於余、窺其舌、見淡白無苔。診其脈、浮絃而緊。知其體寒而挾風痰也。乃仿溫風湯例、用羌活、藁本、川芎、白附各一錢、細辛三分、浙貝三錢、防風、天麻各一錢五分、桔梗半夏各二錢、升麻六分、粉草七分、露蜂房大塊爲引、外擦細辛散、內服此方、一劑知、二劑愈、此風寒挾痰治法也。若風火之症、兩頰腫痛、腫處必熱、頰下結核、牙關難開口氣臭穢者、寒症無此、則宜用天麻、秦艽、蠶、羚羊角、石羔、省頭草、升麻、當歸、花粉、條芩等藥、此條見王氏醫案、服之、神效。考交牙風一症、近今患者不少、余屢見庸醫誤投寒涼、真火遏鬱不宣、以致變成牙漏者多矣。急辨此以醒衆惑、兼錄近案、以就正有道云。 潛齋特識、

溫風湯

治風牙不甚腫痛、不怕冷熱、牙關緊急難開、舌苔淡白、口不作渴、小便清長者神驗。 細辛 常歸

藁本 川芎 白芷 蕁撥 右分兩臨時酌用、方亦可隨症加減、露蜂房爲引、水煎服、又有滿口齒牙酸軟、

食物無力者、宜用六味地黃湯、加杞、枸骨、碎補各三錢、服數十帖必愈、

一服散

昔福唐梁縑患心脾疼痛、數年不愈、服藥無效、或教事佛、久之夢神告曰、與汝良劑。一服即安、故名、

香附 醋製七次炒研 良姜 姜汁洗七次、炒研 二味須各炒、然後合和、同炒即不驗、如胃腕有滯有蟲、因寒而起者、用良姜二錢、香

附一錢、因怒而起者、用香附二錢、良姜一錢、寒怒兼之、各用一錢五分、米飲加姜汁一匙、鹽少許、調服、古方治心脾痛、多用良姜、寒者用之、至二三錢、熱者亦可用五六分、於清火劑中、取其辛溫下氣、止痛如神耳、

荔枝散

治胃腕當心而痛、或氣或寒、觸而屢發者、荔枝核 炒微焦 木香 分七 共爲末、以清湯、或酒服一錢許、

數服可除根、試驗神方也、

四香散 治氣痛一切、應效如神、
茴香分四 廣木香分五 沉香分五 香附製四錢 共末、滾水酒沖服、孕婦慣氣痛者、亦

可服、

丁香止痛散 治心痛難忍、
丁香五錢 良姜二兩 茴香 甘草各一兩五錢 共為末、服二錢、沸湯下、

手拈散 治中脘死血作痛、好飲熱酒人多此、○瘀血作痛、腕中脹悶、痛如刀刺、不可按捫、或大便變黑色、或

脈象芤濇皆是、
草果 元胡索 五靈脂醋炒 沒藥炒各二錢 共研末、酒調下二三錢、或用熬熱沙糖為丸、溫酒送下

七十九、

氣痛簡便丹 治諸般氣痛、年久不痊者、
上白糖四兩、碗盛、將燒紅透木炭、輕敲去灰、向糖中淬之、炭黑

拈出、再換紅炭照淬、務使白糖轉沙糖色、有未變色之處、必須將紅炭燒遍、再用炖熱水酒、分作二三次沖服、即

愈、此溫暖血分之方、屢著神效、
又方用海螵蛸去甲研末、上白糖各三錢、滾水酒沖服、對症者可除根、

掃蟲煎 治蟲上攻胸腹作痛、
青皮 吳萸 茴香各一錢 檳榔 烏藥各一錢五分 細樞肉三錢 烏梅二枚 甘草八分 硃

砂 雄黃各五分 前八味水煎、入雄黃硃砂末調服、
此症多口吐清涎、面黃唇紅、口渴肢厥、痛有休止、按摩稍輕、

蟲驚而暫伏也、亦有不喜按摩而喜指撮者、
或嘔吐青黃綠水、大痛欲死、或唇舌上見白花點皆是、小兒最多、大人間有、甚者須服烏梅

丸、各藥書皆載、

治蟲丹 治吐諸蟲及便寸白諸蟲、白朮三錢 茯苓二三錢 甘草三分 白薇三錢 使君子十個 枳殼五分 白芍三錢 百部一錢 檳榔五分 黃連二分 半夏一分 水煎服二劑、而蟲盡化為水矣、但服藥之後、必須忌飲湯水茶茗、此方殺蟲之藥雖多、然入之於健脾平肝之劑內、則正氣無傷、而蟲又盡殺也、

專治心氣痛神方 元胡索 莪朮醋炒 山稜醋炒 光桃仁 降香 木香 紫川朴 佛手 蒲黃 川鬱金 橘紅 珍珠另研包 沉香各一錢 朱砂飛 雞內金各二錢 梅片一分五釐 真射香二分 琥珀五分另研包 乳香去油五分 赤金十張 右藥

二十味、為極細末、老蜜為丸、每個重一錢、赤金為衣、臘殼封貯、遇症以一丸磨油、再用雙料熱酒沖服、恐珠末墮於碗底、以酒洗清飲盡為佳、孕婦忌服、兼治跌打刀傷、第一應效、對症者一丸可以除根、一二十年者、亦可斷根、蘇州潘汝鳳傳、

家祕祛痛散 治諸般心氣痛、或氣滯不行、攻刺心腹、痛連胸脇、小腸吊疝、及婦人血氣刺痛、此方屢用、無不神效、 青皮 五靈脂去石 川楝子 川山甲 大茴香各一錢二分 良姜香油炒 元胡索 沒藥 檳榔各一錢五分 盔沉

香一錢二分 砂仁少許 右咀用木鼈子仁一錢二分、同前藥炒令焦燥、去木鼈仁不用、共為細末、每服二錢、加鹽少許、用酒或滾水送下、此散加入七製或九製香附末二錢更妙、

散瘀清火止痛湯 治瘀挾鬱火、心胃疼痛、腕中脹悶、不可按捫、或嘔吐紫黑血塊、倒經逆行、或心中滾熱、嘔吐不食者、服此二三劑、必經行痛止而痊、 川楝子去核二錢 元胡索二錢 黃連姜汁炒八分 山梔仁炒一錢五分 或二三錢 紫丹參

齋世新編 雜方

三錢 香附米四製 法半夏二錢 桃仁泥一錢 當歸尾二錢 川鬱金一錢 高良姜三五分 建澤瀉二錢 水煎服

滋水清肝飲

治胃脘燥痛、氣逆左脇而上、嘔吐酸水、忽熱忽寒、或心腹發燒、或小便赤熱、此症由於火鬱

血燥、婦科最多、庸醫只一味香燥行氣、不知肝血愈虧、腎水日竭、高鼓峯定此方、不為無見、雖熱地本非治氣痛之藥、然血虛痰少、肝胃氣痛、則屢用之如神、奈世之徒知治標、一見熱地、概謂滯氣凝膈、畏而不服者有矣、然此中實關造化、非口舌所能爭、聊揭此祕法以示人、未必世乏解音也、○又按國朝魏玉橫先生定一貫煎、專治脇胃疼痛、洵為千古獨得之祕、即從此方套出、其法亦不可不知、方論見續名醫類案、茲不贅述、
熟地四五錢或七八錢或兩餘
當歸 白芍各一錢 棗仁三錢 山萸肉一錢五分 雲苓三五錢 山藥四五錢 柴胡數分或一錢餘 山梔一二錢 丹皮一錢 澤瀉二錢 水煎服、余於血熱者加生地、腎虧者加枸杞、血虛而兼氣滯者加川芎數分、或一錢、製香附一二錢、每遇水虧木旺之體、患肝胃氣痛者、悉以是方及魏氏一貫煎、加減主之、屢著神效、

滑氏補肝散

治肝腎虧損、腰脇疼痛、頗有奇效、
酸棗仁四錢 熟地 白朮各一錢 當歸 山菜肉 山藥

川芎 木瓜各一錢 獨活 五味子各三分

共為末、每服五錢、水煎服、○按柏子霜、阿膠、菴蓉、枸杞、桃仁、細辛、

川椒、桂心之類、皆可隨宜酌量加入、○凡陰虛血燥之症、脇下筋急、不得太息、或目昏不明、爪甲枯青、或遇勞怒即發、或忍飢即甚、或腰脇空虛、畏寒喜按、或下午晚間更甚者俱是、

枳芎散

治左脇刺痛、枳實 川芎各五錢 炙甘草二錢 共為末、每服三錢、姜湯下、

推氣散 治右脇疼痛、脹滿不食、薑黃、枳殼炒、桂心各五錢、炙甘草二錢、共為末、每服三錢、姜湯下、

加味五苓散 治一切疝氣如神、白朮炒三五錢、利腰躄之死血、導濕實脾為君、茯苓二三錢、導心與小腹之氣下行、從膀胱而泄、豬苓、澤瀉各二錢、

利水行木通一錢、入絡止痛、橘核三錢、行滯氣、肉桂五錢或一分、溫肝腎血中氣藥、川楝子去核、一錢五分、苦降、

木香一錢、調氣止痛、荔枝核五枚、坑近黑研為引、水煎空心服、或入食鹽少許、寒甚加附子、乾姜一二錢、川椒與黃亦、熱甚加黃

柏梔子一二錢、知母亦可加、肺熱甚者、重用北沙參、濕勝加防己一錢、堅硬如石、加昆布一錢、牡蠣煅三錢、痛甚

加桃仁二錢、穿山甲五片、炒乳香五分、小便如膏者、加石蒲草蘼、氣上衝者去白朮、加肉桂、吳萸、當歸、囊腫如水

晶者、加苡仁、桑皮、筋縮者、加苡仁一兩、木瓜二錢、頑麻不痛者、加川芎、檳榔、痒者、加刺蒺藜三錢、

仙傳神效梅花丸 治心腹肝胃久痛、諸藥罔效、或腹有癥瘕、久結不散、此方神驗、孕婦忌用、綠萼梅蕊

三兩、欲開未開時、即宜摘下、或烘乾、或晒乾、飛滑石五兩、丹皮三兩、製香附二兩、有四肢製、甘松、蓬莪朮各五錢、茯苓四錢、結洋參飯上蒸透濕米、

用、嫩黃耆、全當歸、西砂仁、益智仁各三錢、遠志肉二錢、山藥、木香根不見火、元胡索、川楝子去核、蟲蛀者、光、

桃仁去皮、尖炒、芽桔梗各一錢、製乳香去淨油、高良姜、粉甘草各一錢、右共二十二味、須選頂上咀片、照戩依製、晒乾

研細末、煉上白蜜十二兩、搗丸、如龍眼大、白臘封固、每服一丸、開水調下、余家配合施送、服者多愈、此丸功效難

以盡述、得者預宜製合救人、切勿射利、是禱。

氣痛救急良法 凡遇痛急、牙關緊閉、不省人事者、速用葱白搗爛、攤臍上、以艾灸之、或用布包、乘熱熨之、

得鼻尖有汗、其痛立止、又凡一切氣痛、急忙無醫、或服藥不應、但是喜熱手緊按者、可將炒熱米用布二塊、分作兩包、冷則互換、不停隔單衣熨之、止痛如神、炒鹽炒陳艾葉亦同、此法最可救急、以溫經散寒故也、除火痛癩痛外、皆宜、余因家慈夙患氣痛、已二十年、不得已留心醫藥、寢饋其中、而於氣痛一門、尤無不朝參夕訪、搜採靡遺、今幸荷天恩、老母已壽逾古稀矣、夙恙雖未盡除、而耳目聰明、步履康健、舊恙發亦稍稀、未始非於此道少得力也、近今氣痛與吐血之症、幾於無處不有、治法亦各種不同、吐血症尤無善醫者、安得天生名手、廣著醫書以救人疾苦耶、茲將素日所製應驗氣痛各方、聊先付梓、俟暇時再當廣輯名編、專著一冊、方了此微願耳、

治陰症縮陽方

凡人陰盛陽衰、身冷腹痛、陽物頃刻縮盡必死、真危險症也、速服回陽救急方、爆竹內

火藥二三錢、搗研細末、用好燒酒一盞、燉熱調服、即刻直入丹田、肚腹雷鳴、陽物即時挺出、可以回生、徐服溫補回陽湯、此法係急救方、若有黑錫丹、速用開水吞服二三錢即安、則不須服爆竹火藥也、

加減回陽救急湯

治一切陰寒危症、若非手足厥逆、冷汗腹痛者、未可亂投也、北麗參五錢、貧者用米炒、露黨參一兩、

漂于朮土炒黃、勿焦、五錢、胡蘆巴炒研二錢、淡菴蓉漂淨、曬乾、五錢、北棗杞三錢、鹽水炒、破固脂二錢、鹽水炒、黑熟附片五錢、上安桂去粗皮八分或一錢、淡吳

萸錢一、抱茯神錢三、炮乾姜八分、炙甘草錢一、水煎服一二劑即愈、再服後方、大熟地四錢、西砂末拌搗、北棗杞二錢、淨棗皮二錢、兔

絲餅二錢、香附米酒炒、打碎、二錢、結雲苓錢三、淮山藥五分、結洋參二錢、米炒、揀寸冬二錢、米炒、巴戟肉二錢、安桂末五分、建澤瀉二錢、水煎

服四五劑、後靜養可也、按縮陽一症、腎經陰寒者、固屬十居八九、然陽回後、溫經補火藥、亦不宜恣服、久則助

其風陽必生他症。卽一時難以復原、或轉用平補、或稍用溫和可也。最可怪者、世醫遇病者一有房事、卽目爲夾陰傷寒、動用姜附大熱之藥、不知少陰水火同具。有從水化者、有從火化者。必須遇脈細欲絕、四肢厥逆、腹痛吐瀉、冷汗轉筋等因、方爲純陰的症。始宜急進回陽藥。若非陰寒、誤用立死。大抵此症屬熱者多。孫真人用青竹皮煮湯治之。若煩不欲臥、宜黃連鷄子黃湯救之。汪苓友云、凡人入房過度、則精多所遺。所遺之精、皆爲水而屬陰。况其作強之時、心火先熾、火熾則水流、水愈流而火愈熾。五內焦熱、外復感冒而病邪熱、兩熱相夾、腎水必枯。其人發煩躁、舌生黑芒、則就死矣。喻嘉言、徐靈胎、汪瑟菴、吳鞠通、王孟英諸先生、俱力辨之。無知世風牢不可破。病家遇有此事、卽先叮囑醫家、醫家一聞此言、亦必恐嚇病家、不知房勞傷寒、宜服溫熱藥者、總須有陰寒之症。陰寒之脈、如不問其症與脈、其不殺人者鮮矣。余目擊耳聞、爲庸醫誤死者不少、因附論之。

治寒嗽驗方

外感重者、或兼服疏散藥一二劑更佳、淡姜數片、橘餅五七枚、洗去糖水全搗極爛、飯上蒸水、

連服數次自愈、

治久嗽不止神驗方

燥嗽亦宜、但初嗽數日不宜服、十日外卽可用也、油者不用叭噠杏仁三五錢、開水

泡過、去皮尖、搗細末、用紙多包數層、放滾湯壺下壓去油、如油透紙、換紙再壓、以油少爲妙、另用晚米一撮洗淨研成粉、入熟水、加

冰糖數塊、不可用別糖替代、反令生痰、空心服數次必痊、不寒不燥、潤肺清痰、真神方也。

治吐血奇驗方

上肉桂去皮、五分、研末沖服、忌火、當歸 桔梗 枳壳各七分 大黃酒微煮 厚朴姜汁炒 川鬱金 紫蘇各八

分 水煎加童便半鍾。姜汁二茶匙。先服二劑，再用 揀寸冬^{二錢}、尖川貝^{一錢}、川續斷^{五分}、炙志肉^{分六}、台黨參^{一錢五分}。

淮山藥^{二錢}、川鬱金^{五分}、益母草^{五分}、京赤芍^{八分}、炙草^{六分}、白蓮肉七枚、龍眼肉五枚爲引。水煎服五劑。此方不論男女，遠

年近日血症，只要現在吐血之日，先服前方二劑，後服次方五劑，立時全愈，永不再發。藥味慎勿加減，功效如神。

近日吐血症最多，稍一誤治，卽成癆瘵。然求一穩善之方，不可得也。曾記廿年前見一辜姓故友，遇吐血者，除

大熱大寒症外，悉以此二方主之，屢試屢效，因此得名。後翻閱醫編，乃知原古方也。試用之亦效如桴鼓，是方妙

在解表疏風，開鬱散瘀，化氣溫經。較諸純用滋陰止血一派套藥，使留瘀積於經絡爲患，弄假成真者，判若天淵

矣。凡不見大寒^{如厥逆冷汗腹}、大燥^{如壯熱煩渴、舌赤唇乾}、痛吐瀉之類、^{如肚熱煩渴、舌赤唇乾}、象者，一切失血，可以統治。不忍自私，用公諸世，願共寶之。

又方 凡吐血切不可醫藥雜投，只取自己小便一味，可以除根。每朝晨起，將隔宿小便溺去，稍食米食點心，

靜坐一室，不可說話，亦不可立起，惟閉目靜心，用藕二三片，微搗泡湯置壺心，隨斟隨飲，湯漸完，卽用小便，用潔

清大碗盛受，其色白如泉，味極淡，乘熱吃下，以南棗二枚咀嚼，自不惡心，吃後徐徐行十數步，仍靜坐半時，忌葱

姜椒蒜辛辣之物，飲至半月，卽可除根矣。每逢節氣，照前飲幾日更妙。

黃病奇方 此症由肝胆之熱，令人目黃，至遍身金色，久則腰腳俱軟，行動倦怠。桃竹根鬚剪下洗淨，不拘

多少，先炆酒服二三次，後炆精肉二三次卽愈。^{每次用一二兩}

取黃法 用扛連紙一張，裁爲四條，筆管捲如爆竹式，將一箇用糊粘固，外用黃蠟一兩，鉄銚溶化，將紙筒四

圍澆勻、不可使蠟入筒內、令患者仰臥、將蠟筒套在臍上、再用麵作圈、護住筒根、勿令倒、勿令洩氣、筒頭上點火、燒至筒根麵圈處剪斷、另換一新筒再燒、看臍中有黃水如雞子清者取出、輕者熏四五筒、重者熏七八筒、總以取盡黃水爲度。屢試神效。

黃疸腫脹

砂仁一兩、川椒一兩、去目、針砂三兩、醋炒、大麥不拘多少、炒磨粉、大黑棗一斤、去皮搗爛、共藥拌勻、搗成丸、梧子大、若

丸不就、將前粉打糊爲丸、每服二錢、好酒送下、早晚進服。

黃病神方

治食積發黃、胸腹脹滿、腫胖等症、皂礬八兩、麵一觔和作餅、入火內煨焦爲度、蒼朮米泔浸、厚朴姜汁炒、陳皮、甘草

各六兩、川椒去閉口、并椒目、十兩、共爲末、用好棗肉三斤、煮熟去皮、同搗成膏、丸桐子大、每服七八十九丸、酒服、初服覺香、久

服則聞臭矣、此消癘宿滯之第一峻方、較平胃之緩急百倍、膏梁勿施、服後以穀食壓之、否則恐其嘔吐也、○按此方加入熟地三兩、醋炒針砂二兩同搗者更妙、

黃疸立效方

凡患黃疸者、眼白黃、小便赤、身體軟倦、取黃豆生嚼不惡心者是、蒼耳子、薄荷、木通

蘇茵陳各三錢

要用無一毫水之陳酒一斤、煎一椀、衝砂仁末三錢服、小便赤如血者、加川連一錢同煎、屢用屢

驗、又方、身黃、脈沈細、不渴者、無火也、茵陳、橘皮、生姜、白朮各三錢、茯苓、半夏各二錢、溫服、切忌涼藥、

凡黃疸身如金色、遍身腫脹、飲食入口即吐、百藥不效、用黃臘方取水法治之、三日全愈、真仙方也、如用此方不

效者、即係陽黃、再用滿天星又名小、金熱、法治之、無不愈也、

黃疸奇方

滿天星葉小而光、多生花、盆、及堦砌下、連根洗淨、約半茶鍾、搗融、煮猪肉者瘦數兩、食湯肉亦可、一二次、黃退而愈、

屢試如神、搗汁用熱水酒沖、亦效、按上所列黃疸、皆治濕熱者為多、以治陰黃則不宜、陽黃為濕熱症、面目濃黃、色

鮮明、小便渾濁、或如藥汁、口乾心煩、大便閉結、即不結亦必如醬色、陰黃為寒濕症、面目淡黃、色晦滯、小便清長、大便溏糞、或手

足厥冷、當用茵陳四逆湯、或茵陳附子乾姜湯之類、不可概治也、上方見醫書

試蠱法 用鹽四兩炒熱、絹袋包、放臍上、水鼓鹽化水、食鼓鹽變紅色、血蠱鹽變紫紅色、氣鼓鹽變紫黑色、氣

虛中滿本色

蠱脹奇方 黃牛糞三兩、男用雄、女用雌、陰干炒、每服一兩、酒三碗煎一碗、絹濾去渣、飲酒、三服即愈、垂死者可

救、不可以污穢而忽之、勿令病人知也、

食蠱方 雄雞七隻、先餓一日、後以穀米煨之、取糞焙干、以葛布袋盛之、煮燒酒水酒二壺、不拘時飲之、

四肢腫脹方 乾雞屎一斤、酒三碗、煮一碗、濾去渣、飲之、少頃腹中動作瀉一二回、次日以田螺二箇、滾酒

煮熟食之即止、取線雞屎更妙、按本草雞屎白微寒無毒、治中風痰迷、癩癧癢鼓脹、利大小便、用之有奇效、此等

方不宜與病人知之、

治五膨神方 蘿蔔子四兩用巴豆十六粒同炒、牙皂一兩五錢煨去弦、沉香五錢、枳殼四兩、火酒煮、大黃一兩、琥珀一兩、右共為末、每

服一錢、隨病輕重加減、雞鳴時溫酒送下、姜皮下亦可、後服金匱腎氣丸調理收功、

葫蘆糯米酒飲 治中滿膨脹、陳葫蘆一箇要三年者佳、糯米一斗、作酒待熟、用葫蘆瓢於炭上炙熱、入酒浸之、如此

五六次、將瓢燒灰存性、爲細末、每服三錢酒下、神效、

豬肚大蒜湯

治膨脹 雄豬肚子一箇 入大蒜兩 檳榔末 砂仁研末 木香二錢 砂鍋內用河水煮熟、空心服

豬肚、立效、

蝦蟇砂仁散

治氣臟 將大蝦蟇一隻 破開用大砂仁填滿腹中、黃泥封固、炭上煨紅、冷定去泥、研末、陳皮

湯調服、放屁即愈、

蘿蔔砂仁散

治氣臟氣脹 蘿蔔子二兩 搗研、以水瀝汁、用砂仁一兩 浸一夜、炒乾、又浸又晒、凡七次爲末、

每米湯送下一錢、

田螺解脹敷臍方

治一切臟脹肚飽發膚 大田螺一箇 雄黃一錢 甘遂末一錢 麝香一分 先將藥末和田螺搗

如泥、以麝置臍、放藥臍上、以物覆之束好、待小便大通去之、重一 再用一料、小便大通、病即解矣、又方 用大

田螺四箇 大蒜五箇 車前子三錢 爲末共研爲餅、一餅貼入臍中、以手帕縛之、貼藥後、少頃水從小便出、一二餅即愈、

上二方治小便不通症、亦極驗、

治水膨神方

百發百中、可除患根、水臌實症最神。虛者忌之。或用後載導水茯苓湯較穩。紅芽大戟一兩

、杭州者佳、連珠甘遂一兩 芫花一兩 淡澤瀉一兩 苦葶藶五錢 先將前四味研細末、後加葶藶末和勻、酒煮糊爲丸、如

梧子大、每服二十九、量人虛實加減、其藥引湯液、俱先夜煮好候用、次日五更空心服、第一日煎商陸湯送下

取黃水、第二日煎燈芯湯送下、取黃水、第三日煎麥冬湯送下、取腹水、第四日用田螺四枚、煎酒送下、取腹水、第五日用大鯽魚二尾、煎酒送下、取五臟六腑水皆盡、第六日煎木通湯送下、第七日煎梔子湯送下、腫消臟散、忌食鹽醬房事、再服善後之藥、七日畢、方服鹽醬、

開鹽醬服藥方

赤芍藥

白朮土炒

雲白苓

澤瀉

右藥各等分研末、用鮮大鯽魚一尾、剖去腸肚、入鹽

麝少許、將前四味裝魚腹內、焙乾爲末、每二三錢、殭蠶湯送下、余早得此祕方、未及試用、不知驗否、後見有

一行醫人專包治水臑、私自製丸、不肯傳方、但開七日作引子藥與人、屢著神驗、乃知此真祕方也、此丸施治壯

實之體、一身遍腫、肚大腹膨、皮膚光亮、喘促不能安臥、臂囊腫大、未經大小解、不通利、水臑水腫、危險重症、

七日即痊、真有起死回生之妙、若氣虛中滿者、則切不可輕用也、余臨症多年、竊歎臑症死於下劑者、十中常有

八九、近今專科除下法外、別無良策、其當下症、雖未嘗無之、然亦下三五次即愈耳、倘屢下屢消、屢消屢復、身非

鐵石、詎有不大傷中氣者乎、陳氏修鑿、洵爲一代名手、獨惜其消臑神丹、既祕密不傳、又不立一二方以示人、但

隱隱躍躍、未肯道破、心竊薄之、然細釋其引而不發之微意、加以苦思力索之精心、臨症既多、頓開覺悟、每遇體

虛忌下、或下傷症、惟以化氣運中、補火滲濕、立法製方施治、至效至神、因恐復蹈陳氏之弊、而不救私留於子孫

也、得者重之、○凡腫脹患久不愈、或屢傷利下、六脈沉細如絲、手足厥逆、畏寒怯冷、舌苔淡白不渴、氣喘痰多、審

其爲寒濕症者、金液丸、啓峻湯、實脾飲、復元丹、自製補化湯、十香丸、皆爲對症、金丹、守服、半月必痊、壬辰季夏

潛齋氏識

金液丹

治陰極發躁、厥冷脈伏、爪甲唇青、脈伏者、水腫小便不通、陰結畏寒、大便秘、明淨硫黃五兩研細、水

飛入傾銀罐內、水調赤石脂末封口、鹽泥通身固濟、候乾、三足釘、釘於地、將罐放釘上、慢火燒養七日夜、再加頂

火、用炭十斤為度、候冷取出、研細、每末一兩、用蒸餅一兩、打糊為丸、梧桐子大、每服二三十丸、溫白湯送下、陰極

冷甚者、服百丸、蒸餅法、寒食日用酒和麵為餅、中間包飛羅麵蒸熟、去包皮、將內白麵收貯聽用、

啓峻湯

治脾腎虛寒、腹脹少食、人參 白朮炒 黃耆 當歸各一錢 陳皮八分 炙草五分 肉桂五分 茯苓一錢

炮姜五分 肉蔻 沉香各八分 附子炮一錢 水煎溫服、氣滯硬滿者、去黃耆、加厚朴、出醫林、黃治啓東之方不多見、僅

一夔耳、盛啓東云、凡下氣虛乏、中焦氣壅、欲散滿則恐虛其下、欲補下則滿甚於中、況少服則資壅、多服則宣通、

當以啓峻湯峻補其下、疏啓其中、故氣既得峻補、則上行而啓其中、中焦運行之令、使之疏通、則中滿自消、下虛

自實、乃塞因塞用也。○補脾藥必佐姜製厚朴、以其溫能益氣、辛能寬脹也。

實脾飲

治肢體浮腫、色悴、聲短、口中不渴、二便通利、白朮土 茯苓 甘草 厚朴姜汁 大腹子 草豆蔻

木香 木瓜 附子 黑姜 加姜棗煎 按脾胃虛、實土不能制水、故水妄行而浮腫、以無大熱、故口不渴、

而便不祕、此為陰水、嚴氏曰、治陰水浮腫、用此先實脾土、○治水有三法、實土者守也、泄水者攻也、兼之發汗為

三治、備舉者、廣略以取勝也、

復元丹 治脾胃虛寒、發為水腫、與啓峻實脾飲參看、炮附子二兩、焦白朮、肉桂、吳茱萸揀去閉口者炒、川椒炒

茴香、木香、紫厚朴姜汁炒各一兩、澤瀉妙、煨肉菓各半兩即肉蔻、茯苓一兩五錢為末、陳米飲糊為丸、梧子大、每服五七十九丸、紫

蘇湯、或砂仁湯送下、

自製補化湯 此方治久經利下、神色枯瘁、面目淡黃、脈象遲濡、或絃大無力、舌白不渴、大小便如常、腹雖

脹大、按之柔軟、守服一二十劑自愈。火脹實症忌之、名補化者、言補火化氣、又言能補造化也、凡久患跋脹、攻伐

太過、元氣受傷、運化職失、熱者變寒、實者變虛、經曰、臟寒生脹滿、不獨實病為然也、法當補火煨土、建其中氣。然

積久成功、不可欲速、所謂新病可急治、久病宜緩調也、附案一條於後、○是方一切寒濕之症皆宜、漂茅于朮各

錢五分、紫朴一錢五分、天生苓三錢、白乾姜五分、熟附片二錢、桂尖一錢五分、草澄茄一錢五分、西茵陳二錢、廣木香七分、建澤瀉一錢五分、木通一錢

五分、另用雄雞屎取法見前二兩、開水淋汁煎服、每日另化吞十香丸一枚、守服十餘日、大氣自運、中滿自消矣。丁亥

余治熊某、脈弦遲、久病陰黃、單腹鼓脹、屢服下藥、不痊、神色枯瘁、舌白而潤、臍凸囊腫、腹雖腫大異常、而按之柔

軟、知其為寒濕積滯、大氣不化、且過傷通利、真火益衰、製與此湯、半月痊愈、後羅某症亦相同、半載服藥無效、勢

已垂危、亦用此法治之獲痊、潛齋誌、

十香丸 治一切氣滯煎滯諸病、煨木香、盔沉香二味不可炒、澤瀉、烏藥、陳皮、丁香、小茴香、香附

酒炒荔枝核煨焦各等分、皂角微火燒烟盡減半、為末、酒糊丸彈子大、磨化服、癩疔之屬、溫酒下、

五皮飲 此方出華元化中藏經、以皮治皮、不傷中氣、所以爲治腫通用之劑、腫症初起、此法甚效、大腹皮

酒洗桑白皮 二錢 雲苓皮 四錢 陳皮 二錢 生姜皮 二錢 水三杯、煎八分溫服、上腫宜發汗、加紫蘇葉、荊芥各二錢、防風

一錢、杏仁一錢五分、下腫宜利小便、加防己二錢、木通赤小豆各一錢三分、喘而腹脹、加生菜菔子、杏仁各

二錢、小便不利者爲陽水、加赤小一、防己地膚子、小便自利者爲陰水、加白朮二錢、蒼朮川椒各一錢五分、

熱、加海蛤三錢、知母一錢五分、寒、加附子乾姜各二錢、肉桂一錢、嘔逆、加半夏生姜各二錢、腹痛、加白

芍二錢、桂枝一錢、炙甘草一錢、

專治偏身濕腫祕方

如用前方不效、再以此方治之、但虛腫忌用、不如服導水茯苓湯較爲平穩、土

狗 田際路上挖取、大人用兩隻、小兒用一隻、 外加茯苓 二錢 生姜皮 大腹皮 陳皮 桑白皮 各一錢 一研末爲引、用水酒炖滾沖服、如尙

未全痊、再服一次、斷無不驗、取來土狗、先用紙包好、炕死、再去紙、放瓦上、以將焦存性爲度、再行研末沖服、萬不

可殘去半點、倘殘一脚、服者卽一脚不能消腫、必須重取全體服之方效、但此物性急、若體弱或年老之人、却不

宜服、慎之記之、

導水茯苓湯

治水腫、頭面手足遍身腫如爛瓜之狀、按則跖陷、胸腹喘滿、不能轉側安睡、飲食不下、小便

祕瀉、溺出如割、或如黑豆汁而絕少、服喘嗽氣逆諸藥不效者、用此卽漸而愈、澤瀉 赤茯苓 麥門冬 去心 白

朮 各三兩 桑白皮 紫蘇 檳榔 木瓜 各一兩 大腹皮 陳皮 砂仁 木香 各七錢 共爲粗末、每服一二兩、水二

杯、燈草三十根、煎八分、食遠服、如病重者可用藥二兩、又加麥冬及燈草半兩、以水二大碗、於砂鍋內熬至一大碗、再下小鍋內、煎至一鍾、五更空心服、

禹餘糧丸 治十腫水氣、脚膝腫、上氣喘急、小便不利、但是水氣、悉皆主之、許學士及丹溪皆云、此方治臟脹

之要藥、**蛇含石** 大者三兩、以新鐵銚、盛大炭火中、燒蛇黃與銚子一般紅、用針取蛇黃傾入醋中、候冷取出、研極細、禹餘糧石三兩 真針砂五兩、先以水洗淨、炒乾、入

醋乾為度、後用銚并藥入炭中燒紅、以三物為主、其次量人虛實、入下項治水妙在轉輸、此方三物、既非大戟甘遂芫花 羌

活木香 茯苓 川芎 牛膝酒浸 桂心 蓬朮 青皮 附子炮 乾姜炮 白荳蔻炮 大茴香炒 京三稜炮 白蔞

藜 當歸酒浸一宿、各半兩 右為末、入前藥拌勻、以湯浸蒸餅、振去水和藥再杵蒸餅一本、作神麵 極勻、丸如桐子大、食前溫酒白

湯送下三十丸、至五十丸、最忌鹽、一毫不可入口、不則發疾愈甚、但試服藥、即於小便內旋去、不動臟腑、而能去

病、每日三服、兼以溫和調補氣血藥助之、真神方也、此方昔人用之屢效、以其大能緩水藏也、服此丸、更以調

補氣血藥助之、不為峻也、○續名醫類案云、治水腫當以禹餘糧丸為第一方、徐洄溪曰、此方兼治有形之

稜塊、王孟英先生云、此乃比水腫寒積之方、今人輒用以治脹、然脹有寒熱二症、設熱脹誤投、貽害非輕、丹

溪云、溫熱之藥太多、宜有加減、不可徒執其方、魏玉橫云、陰虛內熱而為臌脹、誤服燥熱石藥必死、大抵此方

治寒積水腫最宜、食蠱、食積停滯、嘔腐吞酸、惡食脹滿、或見胸腹痞硬、脈實而滑、右關更甚、不外平胃散加減、

重則大小承氣湯數方諸醫書俱載不錄、主之、血蠱、腹上必有青紫筋絆、或手足有紅縷赤紋、小便多而清、大便溏而黑、或

漱水不欲嚙或神昏譫語而若狂或多忘善怒或少腹鞭滿小便自利或口燥而渴脈象芤澹當用桃仁承氣之類治之自愈。方不贅錄。 蟲蠱小兒蠱脹多屬蟲積大人亦間有之。當從攻積下蟲方法選用。虛人不堪攻伐或屢經剋

削用醫學心悟所載和中丸虛中實症、攻則愈虛、補則愈實、是丸寓攻於補、盡善盡美、最妙。屢試如神。或購洋人所售疳積花塔餅。開數日服

一二枚。或二枚以下蟲積。再用一味雞金散調理可也。金雞散、雞內金不拘多少研末、退火氣、每于小兒粥飯中糝入食之、多服愈妙。 小兒蠱脹作疳積治

而不愈。有瘀留於絡者。特附天士案一條。以爲隅反。 葉天士治一徐姓小兒。單脹數月。幼科百治無效。葉謂宜

治血絡。所謂血瘀則脹也。用歸尾桃仁延胡山甲蜣螂靈脂山查之類爲丸。十日全愈。 婦人蠱脹。有因七情鬱

結所致。而不僅留瘀血者。其症多寒熱往來。咳痰噎氣。宜用逍遙散加半夏以降逆氣。生麥芽以達肝氣。守服數

劑。再隨宜調補自痊。延久則癆蠱相兼。必不治矣。特採名案兩條。以資觸悟。 柴嶼青治侍御葛述齋夫人。單腹

脹。兼脾瀉下血。食後愈脹。必搥腹少安。衆醫咸主攻伐。診之。知肝木乘脾。脾家受傷。不能統血。力排衆議之非。並

持薛案。及醫統正脈中論說與看。彼尙疑信參半。先服加減逍遙湯二劑。血止。卽繼以異功。加腹皮一錢。厚朴八

分。連進十餘劑。其勢漸殺。後重用參朮調理而愈。 肝脾調治法 沈濤祖母年七十餘。自上年患腹脹滿。醫以

鼓脹治之。服沈香鬱金香附等藥數十劑。病轉劇。脾滯腿腫食減。診之。左關弦洪。右關弦輒。此肝木乘脾之象也。

先用逍遙散。加川連吳茱萸。連進三劑。脹減瀉止。飲食頓加。復用歸芍六味調理而痊。 肝腎調治法 凡腹脹

經久忽瀉數升。晝夜不止。服藥不驗。乃爲氣脫。用益智子煎濃湯服之立愈。 凡腹脹服藥。最忍鹽醬漿糟等物。

逾久欲食。須用開鹽醬法。前見水臌亦然。惟火脹不忌鹽醬。如面色枯槁。肢體消瘦。單腹脹急。而塊壘不平者。皆屬

火脹。此非水腫。無慮助腎水之邪也。若脈弦細濇。雖能飲食。終亦必亡。火腫。慎服金匱腎氣等藥。急投連鑿金鈴

白芍之類。仍用桂附少許。為熱因熱用之嚮導。庶可挽回。若喘瀉肢枯。脈無胃氣者不救。治火脹症。前人尚未大開法。門。惟王氏醫案言之極精。

治法最妙。茲因集隘。難以備錄。欲精醫學者。不可不參觀也。陳修園曰。子和舟車神佑等丸。皆下水峻藥。雖為從權救急之計。然虛人不堪姑試。余借

用真武湯。白朮白芍生薑茯苓附片。溫補腎中之陽。坐鎮北方以制水。又加木通防己川椒目以導之。守服十餘劑。氣化水行。如

江河之沛然莫禦矣。又曰。腫甚小便不利。氣喘。尺脈虛者。宜真武湯。煨土行水。間用桂苓朮甘湯。化太陽之氣。

守服十餘劑。繼用茯苓導水湯。二劑自愈。今人只重加味腎氣丸。而不知補助陰氣。反益水邪。不可輕服也。陰寒水腫

此法屢驗。丹溪云。單腹脹。乃脾虛之甚。必用大劑參朮。佐陳皮茯苓蒼朮厚朴之類。或曰。腹已脹矣。反用參朮何耶。曰。

乃內經塞因塞用之法。正氣虛而不能運行。濁氣凝塞於上。令扶助正氣。使之自然健運。邪無所留而脹消矣。愚按

此論固精。然亦須細辨脈症乃得。非必單腹脹屬虛寒也。痢症有用大黃者。通因通用也。脹症有用參朮者。塞因塞用也。二法皆不可不知也。王執中曰。有里醫為李生治水腫。以藥飲之。不效。

以受其延待之勤。一日忽灸水分。水分。在下臍下一寸。臍上一寸。與氣海穴。氣海。在臍下一寸半。翌早觀其面如削矣。信乎水分之能治水

腫也。明堂故云。若是水病灸大良。蓋以此穴能分水。不使妄行耳。水腫惟得針水溝。水溝在鼻下人中。若針餘穴。水盡即

死。此明堂銅人所戒也。庸醫多為人針水分。殺人多矣。若其他穴。亦有針得瘥者。特幸焉耳。不可為法也。或用藥

則禹餘糧丸為第一。予屢見人服驗。故書於此。然灸水分。此穴可灸。不可針。則最為妄穴也。以上腫脹門。搜珠宏富。無

法不備。宜平時默識於心。臨症自無差誤也。

藥酒奇方

治積受潮濕四肢不仁、兼酒病腿疼不能行步、并轉筋神效。

十大功勞

三兩

八稜蘆根

錢五

淫羊

藿 千年健

紅花

當歸

五加皮

陳皮

各三錢

右藥共八味、搗粗末、夏布袋裝入縫好、用陳燒酒四斤、伏酒

十斤浸之、封固罈口、一月後隨量飲之、三四十日、自見奇功、

見歸田瑣記族兄梅治、曾經屢驗、特囑附刊、

衛生要旨

是書但取清心寡慾之訓、凡十段錦、偽小過天、搬運導引諸談概不登錄、

調息

調息一法。貫徹三教。大之可以入道。小用亦可養生。故迦文垂教。以目視鼻端。白數出入息。爲止觀初

門。莊子南華經曰。至人之息。以踵。王龍溪先生曰。古之至人。有息無睡。固大易隨卦曰。君子以响晦入宴息。宴息

之法。當向晦時。耳無聞。目無見。四體無動。心無思慮。如種火相似。先天元氣元神。停育相抱。真意綿綿。老子曰綿綿若存、開

闔自然。與虛空同體。故能與虛空同壽也。世人終日營擾。精神困憊。夜間靠此一睡。始覺一日之用。一點靈光。盡爲後天濁

要也。○凡勞心勞力之人。須隨時偷閒調息。以保既耗之元氣。蓋氣根於息。息調則氣調。氣調則身中無不流通。而百脈安和。神情清泰。雖勞不甚苦人矣。調息之法。端默靜坐。謝境澄心。口目俱閉。止于鼻中。徐呼徐吸。任我自然。勿得作意思爲。着力太

重。反使本來不息之真。窒而不利。東坡先生養生頌曰。已饑方食。未飽先止。散步逍遙。務令腹空。當腹空時。即便入室。不拘晝夜。坐

臥自便。唯在攝身。使如木偶。當自念言。我今此身。若少動搖。如毫髮許。便墮地獄。如商鞅法。如孫武令。事在必行。

有死無犯。又用佛語。及老聃語。視鼻端白數。出入息。綿綿若存。守之不動。數至數百。此心寂然。此身兀然。與虛空

等。不煩禁制。自然不動。數至數千。或不能數。則有一法。強名曰隨。與息俱出。復與俱入。隨之不已。一旦自住。不出不入。忽覺此息。從八萬四千毛竅中。雲蒸雨散。無始以來。諸病自除。諸障自滅。自然明悟。譬如盲人。忽然有眼。此時何用求人指路。是故老人言盡於此。王龍溪先生曰。息有四相。呼吸有聲者風也。守風則散。雖無聲而鼻中滯滯者喘也。守喘則結。不聲不滯。而出入不細者。氣也。守氣則勞。不聲不滯。出入綿綿。若存若亡。神氣相依。是息相也。息調則心定。真氣往來。自能奪天地之造化。息息歸根。命之蒂也。

朱子調息箴

予作調息箴。亦是養心一法。蓋人心不定者。其鼻息之噓氣常長。吸氣常短。故須有以調之。息數停勻。則心亦漸定。所謂持其志。無暴其氣也。箴曰。鼻端有白。我其觀之。隨時隨處。容與猗移。靜極而噓。如春沼魚動。已而吸。如百蟲蟄。氤氳闔。其妙無窮。孰其尸之。不幸之功。雲臥天行。非予敢議。守一處和。千二百歲。

按尸之不幸云者。卽參同契性定則情忘。心死則神活。又心印經出入元牝。若存若亡之謂。雲臥天行者。存神過化意也。守一處和。千二百歲者。卽一念萬年之謂。若作長生看尤淺也。方內散人謹註。醫身病易。醫心病難。醫人之病易。醫己之病難。而醫己之心病爲尤難。吾人言語容儀。有多少放肆不檢。情氣質。有多少偏頗不純。處皆身心大病也。果能日自省察。向此中痛下一番鍼砭。勤加一番洗濯。則粹面盎背。德業日新。人且相觀而化。又何待於醫哉。曾子三省。顏子四勿。莫非自醫工夫。故聖賢之學。得力在於克己也。節錄格言。偈云。自身有病自心知。身病還須心自醫。心境靜時身亦靜。心生還是病。生時羅念庵先生詩云。休尋何物是良知。只自知時卽我師。知是病來須用藥。祇愁藥過病還奇。邵康節先生仁者吟云。仁者難逢思有常。平居慎勿恃無傷。爭先

徑路機關惡。近後語言滋味。長爽口物多須作疾。快心事過必爲殃。與其病後能求藥。不若病前能自防。名論不磨。吾人能

日三復。一生受用無盡矣。

木有根則榮。根絕則枯。魚有水則活。水涸則死。燈有膏則明。膏盡則滅。人有真精。乃養身立命之本。

保之則壽。戕之則夭。每見人家子弟。情竇初開。卽偷看淫書。喜談穢事。因而相火妄生。自尋喪命之路。或有婢僕

之事。而斲喪真元。或無男女之欲。而暗洩至寶。漸至肢體羸弱。飲食減少。內熱咳嗽。咯血夢遺。虛勞等症。疊見。父

母驚憂無措。湯藥救治難痊。一以爲先天不足。一以爲補養失宜。一以爲風寒所致。不知皆自作之孽。而戕賊其

性命者深。中害膏盲者久也。幸知自愛其身。翻然悔悟。萬端調治而後得痊。然其人早年受傷。終身致病。下元

虛冷。子嗣艱難。腰疼頭痛。雖欲延壽益福。啓後承先。難矣。吁。仰貽憂於堂上。俯貽累於閨中。生則爲無用之軀。死

則受宣淫之報。伊可憐也。亦可恨也。吾願爲子弟者。自知珍惜。愛身以孝親。保身以揚名。萬勿以少年柔嫩之軀。

爲暗室戕生之事。如木之不絕其根。魚之不涸其水。燈之不絕其膏。則幸矣。保元護命錄 廣成子曰。無勞爾

形。無搖爾精。無俾爾思。慮營營乃可長生。數語爲養生之祖。昔蒲傳正知杭州。鄉老有李覺者。來謁年已百歲。色澤光潤。面

同嬰兒。公問攝養之術。曰。某術至簡易。但絕慾。早耳。周和尙。廬陵人。九十餘。行遠路如飛。鬚髮不白。言無他術。惟

壯歲絕慾。太倉張翠九十餘。耳目聰明。尙能作畫。問之曰。平生惟慾心淡。慾事節耳。劉元城年八十。堅強不衰。自

言寡慾三十年。血氣意思。只如當時。曾聞有一人好色。問王龍溪先生。先生云。有人設帷帳一所。指謂此中有一

名妓。汝可褰帳就之。汝從其言。入視。乃汝妹。汝女。此時一片淫心。亦頓息否。曰。息矣。先生曰。然則淫本是空。汝自

認作真耳。讀此數語，真可作座右銘矣。鄺子元以翰林補外，鬱鬱不得志，遂成心疾。百治不效。後遇保陽子問之。保陽子曰：公疾起於煩惱，成於妄想。過去、未來、現在，三者妄想，忽生忽滅，耗我真元。謂之幻心。照見其妄，隨即斬斷。謂之覺心。故曰：不怕念起，只怕覺遲。念起是病，不續是藥。此心若同太虛，煩惱何處安脚？又公疾由水火不交，凡溺愛冷容，而作色荒，謂之外感之欲。深夜枕上，思得冷容，中心如焚，謂之內生之欲。二欲綢繆染着，皆耗元精。若能離之，則腎水自然滋生，可以上交於心，其心常清，心火不至上炎，可以下交於腎，水火既濟，萬病皆除。所謂勿藥有喜也。子元如言靜坐一室，掃空萬緣，月餘疾愈，轉增智慧。宋包宏齋年八十九，以樞密登拜，老而健。賈似道問之，包曰：予有一服丸藥，乃不傳祕方。賈欣然叩之，包徐曰：幸吃了五十年獨睡丸耳。滿座大笑，咸服其言。獨睡丸何人肯吃。况五十年此所以爲不傳祕訣也。任惠公素貞靜，晚年益康強。或問養生之術，公曰：無他，曾讀文選中陸機文賦，悟保精之道。早知節慾耳。問何語，曰：吞韞玉而山輝，水懷珠而川媚也。精在人身，神氣如魚得水，氣依之如霧覆淵。其可貴，奚止珠玉比哉？耗以麴蘖，竭以粉黛，是人自致於病，自促其死耳。先輩云：人之年壽長短，元氣所稟，本有厚薄。然人能善養，亦可延年。如點燭然，若使置長燭於風中，護短燭於籠內，則以彼易此，未可知也。唐翼修曰：大寒之至，透骨裂肌，而花藏密戶，可以繁茂而不凋；大熱之至，礪石流金，而冰藏井窖，可以堅凝而不解。無他人定能勝天也。故壽夭不關氣稟之厚薄，在乎攝生之謹肆耳。謹則或易羸病爲長年，肆則或變康強爲夭折。未可知也。不必以賦薄爲憂也。石天基曰：心爲一身之主，萬事之宗，調和其心，則五官百骸，未有不調和者矣。所

謂木之根本。水之源頭者是也。俞崇實曰：欲延年者，以稔善爲主，以攝養爲輔。二者如表裏相應，不可偏廢者也。存山子曰：夏季六月內多酷熱，冬季十二月內多嚴寒，夏至後是人脫精之時，心旺腎衰，液化爲水，此時最

難調養。冬至後乃一陽初生，其氣尙微，易於傷伐。善養生者，於冬夏二至前後一月之間，及酷熱嚴寒之際，不拘老少，皆宜禁慾獨宿，保養元氣，乃卻病至要之法。予鄰人江姓者，年將九十矣，康健猶勝壯年，問其養壽之法，無他奇祕，惟少壯時六臘寒暑之月，獨宿靜養，是以至老不衰，且無疾病之苦，信不誣矣。石天基曰：人之疾病，多起於忽意而不慎，其微漸，殊不知人之精神有限，行住坐臥，若不留心調養，一染疾病，便受許多呻吟痛楚，甚則天損天年，良可歎惜。大約人身所賴者三寶，三寶者，精氣神也。精生氣，氣生神，神自靈也。故精絕則氣絕，氣絕則神絕，而命絕矣。善養生之人，少色慾，所以養精也。少言語，所以養氣也。少思慮，所以養神也。此調養三寶之大旨也。至於平日之頤養和身體，薄嗜慾，最爲切要。凡無故不可極目遠視，養肝也。不可傾耳極聽，養腎也。不可唾地養肺也。不可窺造異巧，養心也。不可多啖生冷，養脾也。此五臟之戒忌如此。毋久行，恐損筋也。毋久立，恐損骨也。毋久坐，恐損肉也。毋久臥，恐損血也。此四儀之戒忌如此。存山子曰：飲食中，惟酒最當節，余見嗜酒不節者，鮮不成疾。吾鄉之中，享年八九十者，在在不乏人，然類皆不嗜酒，可見酒原有損而無益。人之欲保身延齡者，可不知謹哉。又曰：余聞之昔人云：茶宜少飲，不飲尤佳。蓋脾胃喜燥而惡溼，過飲耗人脂血，且令下焦虛冷，漸而面黃體弱，積成大病。人能茶水少飲，則脾氣充實，而容顏悅澤。唐翼修曰：人生傷飲者多，傷食者少。

人但知傷食。不知傷飲。醫者但識人傷飲。不識人傷飲。豈知傷飲之害。甚於傷食。不特茶湯漿酒。以及冰泉瓜果之傷。謂之傷飲。卽服藥過多。亦謂之傷飲。其見證也。輕則滿腹腸鳴。爲嘔爲吐。重則腹急如鼓。爲喘爲呃。甚則緊閉牙關。涎流口角。昏憤不省人事。狀類中風。患此症者。滔滔皆是。或有未識。不得不爲來者言之。魏莊渠先生。與余一清尺牘曰。前歲余病殆。純甫入問曰。病中覺有進否。余對他說。卽此病中。使令不如意。輒怒。此番覺得心氣稍平。不怒矣。前此病中。急欲病好。其實無益。祇增病耳。今次只一味調理。不責效於藥石。病亦自易好。純甫曰。此二事最難得。後純甫病。余入問。復以此二事告之。純甫深以爲然。今復舉似吾兄。伏惟採而納之。不爲無補於病云。

科名必覽曰。人之不能安耐。易生煩擾。尤無如病時。望療治之神速。不勝急迫之心。苦禁忌之拘。不勝厭惡之念。一轉而爲憂愁。再轉而爲尤怨。最後則悲傷涕淚矣。於是祈禱紛紜。醫藥雜亂。往往以偶中之病。而終至於不可救治。孰非自貽伊戚哉。許敬庵先生曰。諸火不靜。其病多端。調治要訣。只一靜字。心下常令空空蕩蕩。不著一毫游思。妄慮。持此一訣。祛病不難。王陽明先生云。病中快活。是工夫。孫子麟謂快活未易言。惟一拚字爲妙。俗云。拚死無大災也。天如禪師云。病來便把死承當。固是單傳祕密方。溫寶中先生曰。病後日尋快活種子。無如信命一著。皆是敬庵先生一靜字訣也。治病無如治心。信哉。又曰。余昔在雲間大病。四體如炙。此心頗覺忙亂。因而自問曰。如果此病不起。只索委順。忙亂無益也。遂一念不動。至晚汗下如雨。病竟痊。王陽明先生曰。今之調養者。

多是厚食濃味。劇酣諠浪。或竟日偃臥。如此是撓氣昏神。長惰而召疾也。豈攝養精神之謂哉。務須絕飲酒。薄滋味。則氣自清。寡思慮。屏嗜慾。則精自明。定心志。少眠睡。則神自澄。君子未有不如此。而謂之致力於學者。存山子曰。凡身體不可太逸。太逸則血氣不暢。最易生疾。古云。戶樞不朽。流水不腐。以其常運動也。程伊川先生曰。吾受氣甚薄。三十而浸盛。四五十而後完。今年七十二年矣。較其筋骨。於盛年無損也。又曰。人待老而求保生。是猶貧而後蓄積。雖勤亦無補矣。又曰。吾以忘生。狗欲爲深恥。康郡吳生性嗜酒。每知己宴會。輒縱情狂飲。後病吐血。久而不愈。乃刻意節飲。兼習靜坐之法。方吳生抱病時。形色憔悴。疴羸不堪。自節酒習靜。年餘。病遂愈。身且肥健。倍於少時。嘗曰。酒乃傷生之本。色爲傷性之根。學者若不知節。則精神敗而志氣疲。雖留此軀殼。凡作爲運用。皆勉強從事。全無眞力貫注其中。又何以恢宏事業。而報天地君親之恩乎。石天基曰。吾鄉李應麟先生。享年一百一十四歲。是最高之壽。曾於過百歲。予見其人。鬢雖全白。而精神壯如五十歲人。予執贄懇問何法至此。翁答我法極是簡易。曾於壯年。只依家叔李九我詞內三句。遂得益到今。三句謂何。一生快樂且隨緣。窮也欣然。通也欣然。此十五字。實僅快樂隨緣四字。予細味之。眞延壽最妙之法。不可不急省也。羅念庵先生曰。收拾一片眞正精神。揀擇一條直捷路徑。安頓一處寬閒地步。共好朋友涵泳優遊。忘年忘世。俾吾心體段。與天地爲徒。吾心意況。共鳶魚活潑。其形雖止七尺。而其量實包太虛。其齒雖近壯衰。而其眞不減童穉。每讀一過。頓開無限心胸。勝服百劑清涼散也。

此下數條。無非教人勿藥之意。

素有溼熱之人。飲食之間。最宜清淡。若厚味醞酒。縱肆無節。必多痰

火癰疽卒中之患。須戒之。

凡蟲病。疖病。瘰病。初愈時。斷不可驟服滋補藥。蓋此數症以溼熱爲原。滋補之藥。乃助溼熱之尤者。驟爾服之。鮮不致害。

人當臥病。務須常存退步心。

能退步。則天寬地曠。世情俗味。必不致過戀於心。可計日而起矣。否則。今日當歸芍藥。明日甘草人參。是以江河

填漏卮。雖多無益也。先儒有言曰。予臥病時。常於胸前多書死字。每書數遍。頓覺此心寂然不動。萬念俱灰。四大

幾非我有。又何病之足慮哉。雖然。此唯可與達者言也。病中但可安分調攝。不可偏信師巫。殺害生命。不惟損

貲造孽。更使心志狐疑。溺情鬼窟。而切身珍愛之圖。反置勿問。愚孰甚焉。凡有問疾來者。勿得與之相接。一人

相接。勢必人人相接。多費語言。以耗神氣。心所契者。又因契而忘倦。心所憎者。又以憎而生嗔。甚。坐盈一室。聲

起談風。縱不耐煩。又不敢直辭以去。嗟嗟。病人力克幾何。而堪若此。恐不終朝。而病已增劇矣。智者於此。休將性

命徇人情。病加於小愈者。因小愈而放其心也。天下事處逆者恆多易。處順者反多難。病當未愈而求愈。欲不

得逞。志不得肆。凡語言動止。饑飽寒溫。以及性情喜怒。無不小心翼翼。自然逆可爲順而愈矣。愈則此心不覺自

慰。保護漸疏。恣口吻也。爽寒溫也。多語言也。費營慮也。近房室也。任性而煩惱也。廣應酬而不自知勞且傷也。

其病豈有不加者乎。因憶孟子生於憂患。死於安樂之說。信不可不書紳而銘座右也。有人素不服藥者。不爲

無見。但須知得病從何來。當從何去。便是藥。爾如饑則食。食即藥也。不飢則不食。不食即藥也。渴則飲。飲即藥也。

不渴則不飲。不飲即藥也。惡風知傷風。避風便是藥。惡酒知傷酒。戒酒便是藥。逸可治勞。靜可治躁。處陰以卻暑。

就燠以勝寒。衰於精者寡。於慾耗於氣者守。以默怯於神者絕。以思無非對病藥也。人惟不自知耳。人不可自

恃。自恃。以爲無患。則患至矣。自恃。以爲無病。則病至矣。蓋天道惡盈而好謙也。試看孱弱者多享高年。以能隨時保養。而戒懼莫敢疏也。強壯者多遭天橫。以其遇事放肆。而戕賊不自知也。是故君子常存臨履之思。節錄格言。調養之法雖多。而其要有五。第一要戒惱怒。第二要戒色慾。第三要調飲食。第四要慎風寒。第五要少言語。信能行此五者。真卻病延年之祕訣也。傳家寶。欲挽回造化。益壽延年。必須平日存心正直。念仁慈。如春風和煦。生意欣。此延壽之體也。生物性命一視同仁。或竭心力。或費錢財。日積月累。此延壽之用也。有體有用。自然命可長。而年可永矣。執中蘊義。閉門讀書。所以祛除外感也。清心寡慾。所以調和中宮也。一步一趨。必師聖賢。參耆補益之劑也。一動一靜。必祛匪僻。烏附攻克之方也。兼是行之。乃能保身。乃能心身。鶴鳴集。怒甚偏傷氣。思多大損神。神疲心易役。氣弱病相縈。勿使悲歡極。常令飲食勻。再三防夜醉。第一戒晨暝。葆生要旨。吳草廬先生曰。仁者壽。聖人之言也。嘗執此以觀天下之人。凡氣之溫和者。壽質之慈良者。壽度之寬洪者。壽貌之厚重者。壽言之簡默者。壽蓋溫和也。慈良也。寬洪也。厚重也。簡默也。皆仁之一端。其壽之長。決非猛厲。殘忍。褊狹。輕薄。浮躁者之所能及也。延壽之法。養生外莫如修德。修德不止一端。而育嬰。放生。施藥。其切要也。育嬰拯救人命。放生保全物命。至於疾病爲世間第一苦惱。富者有病。力可延醫。尙不難。百般調治。貧人則坐以待斃而已。舉家惶恐之中。忽有人出藥以救之。共慶安全。何等感激。何等爽快。上天以好生爲心。三事皆體天心。以爲心。仁民愛物。純是一段生機。詎有不得其壽之理乎。但貴久行不倦。出自至誠。方有奇驗。每見廣行方便者。不

僅一身康強。且見子孫逢吉。天佑善人。毫不爽也。勸善卮言。前卷所列諸方。身藥也。此卷所引諸訓。心藥也。俱養生保命之金丹。誠能常置案頭。每日三復。自然受福無疆。可以永遠勿藥矣。願與仁人君子共勉之。潛齋氏識

上海圖書館藏書



A541 212 0016 4251B

樂中印書會

徵求各界附印各書露布

第一種(已出版)

處世明燈

第二種(已出版)

壽世新編

第三種

故事圖說

第四種

劬勞詩歌

第五種

聶選良方

第六種

佛化淺說

附印數量最低額每種三百元。一次先付。出書後按照確實成本核算。成本在羅漢菜雜誌內公告。附印者請向本會經理處羅漢菜雜誌社接洽。

歡 迎 重 印

民國三十四年一月初版二千冊

壽世新編一冊

定價每冊國幣 元

著 者 萬 潛 齋

鑒 定 者 聶 雲 台

印 行 者 樂 中 印 書 會

經 理 處 上海南京路六八五號

電 話 九 〇 九 三 六

經 售 處 上海北海路一一三號

大 雄 書 店

廣 益 書 局

上海澳門路四六九號

印刷兼藏版處 中華書局永寧印刷廠

(本書成本在四十九期羅漢菜發表)

